

WANTOK

NIUSPEPA BILONG YUMI OL PAPUA NIUGINI STRET!

32 pes

Namba 1,413

Wik stat long Fonde Julai 26, 2001

70t

Pes 30

Winim prais, painim bal resis

Pes 2

Famili laikim ausait lain i harim kot bilong ol student i dai

Pes 12

Lukim stori bilong Demas Saul na Felix Yausi

Pes 3

Ol ripot bilong palamen long dispela wik

Pes 16

Lukim ol bikpela nius bilong ol arapela kantri

Gavman bai skelim dinau mani long ol memba

JOE KANEKANE i raitim

SAMPELA helpim mani we i bin kam long Papua Niugini long las wik bai i no inap go long ol arapela wok tasol em bilong peim ol wokmanmeri na ol konsalten sevis na tu ol memba bai kisim long Ilektorel Fan bilong ol.

Wanpela insait ripot long Treseri dipatmen i tokaut long dispela olsem i tru bai dispela mani bai givim sampela sapot long ron bilong bisnis (ikonomi) insait long kantri, tasol em bai i go yet long peim potnait bilong ol wokmanmeri na ol bikpela kos bilong ronim kantri. Dispela opisa i no laik autim nem bilong em.

Insait ripot ya i tokaut olsem dispela mani bai i no inap go long ol wok bilong developmen o long ol nupela projek o ol wok. Em bai go long peim ol konsalten (ol praivet lain o bisnis we gavman i save yusim ol long mekim sampela wok) na tu peim ol memba olsem Ilektorel Fan (EDF).

Opisa ya i tok dispela mani em dinau i kam long Wol Beng na i no grent mani we inap go long ol wok we Gavman i laik skelim.

Em i tok bikos mani ya bai Gavman i yusim na i no inap putim long sait o putim go long wanpela eria, dispela bai kamapim wanpela gutpela piksa long taim bilong bekim

bek dispela dinau.

Dispela em dinau mani na i mas go long ol eria we i ken mekim mani bai isi long bekim bek mak bilong dispela dinau mani stret taim mani i kamap. Tasol dispela em bilong kaikai tasol, opisa ya i tok.

Memba bilong Mosbi Saut Ledi Carol Kidu i bin mekim wankain singaut long haus palamen long Tunde dispela wik.

Ledi Kidu i bin askim Prait Ministia Sir Mekere Morauta long tokaut stret long wanem as na rot tru Gavman i bihainim long rausim Seketeri bilong Plening Camilius Midire na tu Gavman bai yusim dispela K67 milien dinau mani olsem wanem.

Ledi Kidu i askim long ol rot na wok tru bai dispela mani i go long en, nau taim Mista Midire i raus long wok bikos em i save sanap strong long pasin bilong skelim mani i go long ol wok we i no save stap long baset.

Prait Ministia i no bekim dispela toktok bilong Ledi Kidu. Em i tok bai em i givim ansa bilong em bihain.

Opisa ya i tok tu olsem mani we Wol Beng na Japan bai givim bai i no inap kam long taim Gavman i ting long en. Bikos planti samting long wok bilong praivetaisesen i no orait yet. Inap ol dispela samting i kamap orait, bai mani i kam.

Wol Beng i bin makim US\$35 milien (dola) na Japan Gavman

i makim US\$25 milien (dola) long givim PNG taim Gavman i salim haus mani, Papua Niugini Benking Kopresen (PNGBC).

I nogat wanpela samting i sanap klia long mun Septemba bai ol dispela mani i kam bihainim tingting na plen bilong Gavman. Ol rot na wok bilong salim PNGBC beng i bungim hevi wantaim ol wokmanmeri long straik bilong ol na dispela bai i go longpela taim moa. Sapos dispela hevi i no pinis yet, helpim mani bai i no inap kam, opisa ya i tok.

Wantok i kisim toksave tu olsem Australia Gavman i wok long pusim sait long dispela mani i mas kam, maski kantri i no stretim yet sampela bikpela eria bilong pulim mani ya i kam.

Long las wik Fainens Seketeri Koiari Tarata, Plening Seketeri Camilius Midire na Treseri Vele lamo i askim ol wokmanmeri long noken mekim ol arapela samting we bai kamapim moa kos bikos mani i hat liklik long kantri nau. Dispela i min olsem kantri i sot long mani nau.

Tasol long Sarere, Prait Ministia Sir Mekere Morauta i tokaut olsem sampela mani i kamap pinis na stap long Sentrel Beng na olsem kantri i no inap bungim hevi long mani. Tasol wanwan liklik wok o eria bilong Gavman tasol bai ol i daunim liklik long sait bilong givim inap mani long ol.

Kot bai lukluk gen long Wakon

HILDA WAYNE i raitim

BIPO Plis Komisina John Wakon i kisim Ombudsman Komisen i go long kot na judisel rivi bilong em bai kamap tumoro.

Long las taim Mista Wakon i bin go long kot, kot i bin harim olsem Mista Wakon i bin gat rait long kisim Ombudsman Komisen i go long kot.

Jas Gibbs Salika i bin harim dispela kot bilong Wakon we loya bilong em Paul Paraka i tokim kot olsem Komisen yet i bin rong na mekim ol samting we i bin rongim Mista Wakon.

Mista Paraka i bin tok tu olsem kot i bin gat sampela wansait disisen i mas kamap long disisen bilong Komisen bikos i bin gat wanpela wokman bilong komisen husat i save gat sampela ting-

ing kros wantaim Mista Wakon. Nem bilong man ya em John ToGuata.


Komisen i bin kisim Wakon i go long kot bikos em i ting olsem Wakon i bin abrus na kisim sampela ka alawens mani taim em i wok long yusim ka bilong plis fos.

Kot i bin harim olsem Mista Wakon i no bin rong na sapos em i laik kisim Komisen i go long kot em i gat rait.

Pablik Prosekjuta Chronox Manek i tokim Wantok olsem kot bilong Mista Wakon bai i kamap tumoro long ha pas 9 tumoro moning.

Em i tok dispela samting bai ol i toktok long kot na wanem kain ol toktok ol loya bilong gavman na Mista Wakon i gat bai ol i toktok long kot.

Mista Manek i tok wanem kain samting i stap insait long dispela kes em bai pablik i save long taim bilong kot.



Bilas na go long kibung! • Memba bilong Komo Magarima Alfred Kaiabe i bilas tumbuna na go long palamen kibung dispela wik. Memba bilong Is Sepik Sir Michael Somare i sanap wantaim em long palamen haus taim Wantok i bungim tupela long Tunde dispela wik. Foto: IVAN BAYAGAU.

PLIS RIPOT

MOSBI:

• Wanpela specel ripot i kam long plis i tok olsem ol straik na protes mas ol sumatin na ol PNGBC benk wokas i bin kamapim i wanem wanpela NGO grup i wok long raunraun long siti na olgeta hap bilong hailans na giamanim ol lain long go egen-sim gavman na ol plen bilong em. Tasol ol sumatin lida i tok olsem ol i no save long dispela samting bilong wanem ol i straik long save na tingting bilong ol yet. Ol i no bihainim ol politisen o NGO nabaut. Ol lida i tok dispela straik i bilong ol sumatin yet na taim ol i bin go na protes ol pablik i bin lukim ol na harim ol toktok i kamap long Wol Benk na len mobilaisesen wantaim praivetaisesen na ol i no laikim ol tingting bilong gavman. Ol komisin ov Inkuairi em praim minista i wok long makim i stap na klostu bai ol i tokaut long husat i bai go pas long mekim ol wok painimaut.

Opis bilong seif megistret i tokaut las wik pinis olsem rong bilong sutim ol sumatin i stap wantaim ol plis na plis yet i mas toktok stret long husat plis man i bin mekim bikpela rong long sutim ol sumatin wantaim laip bulet.

RABAU:

• Tupela man holim wanpela pistol na bus naif i bin go insait long Tropicana supa maket na stilim mani moa long K1,000 long Rabaul long wikem. Tupela i bin ranawe i kam ausait long stoa na sutim gan i go kam na ranawe i go long wanpela bus baksait long Tropicana.

Ekting plis komanda Seif Inspekta Benjamin Mangkenju i tok ol plis i save pinis long dispela tupela man na bai ol i holimpas tupela.

Em i tok wanpela bilong dispela tupela man i bin ranawe lusim sel na ol plis i bin wok long painim em i stap.

Inspekta Mangkenju i tok olsem ol pipel long Rabaul i mas tingting gut na raun long wanem ol raskol i wok long mekim planti pasin nogut na stil nabaut.

SIMBU:

• Tupela man i dai na 86 haus olgeta i bin paia na planti manmeri na pikinini i ranawe nabaut taim tupela hap lain long Gumine insait long Simbu provins i kamapim bikpela pait. Plis i tok pait i kamap namel long Mian na Golin Kunareku lain long wanem wanpela hai skul tisa bilong Mian i bin dai long Lae las yia na ol lain bilong em i sutim tok olsem ol lain Golin i bin posinim em na ol i askim long K80,000. Ol lain Golin i no bin givim dispela mani na ol Mian i belhat na statim pait.

Gumine Distrik Hetkuata i bagarap pinis bikos tupela lain i bilong stesen stret. Simbu Provinsal Plis Komanda Simon Kauba i tok ol mobail skuat bilong ol hailans provins bai go insait long ples bilong pait na helpim long stapim dispela samting.

• Kundiawa plis i holimpas pinis wanpela saspek husat ol i bilip olsem i bin bung na holimap Wamp Nga sevis stesen na stilim K11,000 las wik. PPC Simon Kauba i tok planti moa man i bin mekim dispela stil pasin na plis i wok yet long holimpas ol dispela raskol man husat i save brukim lo long komuniti.

Komanda Kauba i tok ol pablik husat i save long husat ol man i bin mekim rong i mas kam long plis na toksave na lo i ken go pas long givim save long rong ol i bin mekim.



• Tupela mama long ples Killip, Banz i mekim save long skellim kaikai long ol kos lain bilong Ford long Banz, Westen Hailans provins long mun i go pinis.

Ol papamama i laikim ausait bodi i kam mekim wokpainimaut

HILDA WAYNE i raitim

PRAIM Minista Sir Mekere Morauta i bin makim wanpela jas bilong bipo Sir Robert Woods, husat i bin stap long Papua Niugini bipo long go pas long komisin ov inkuairi we bai go insait long painimaut husat i bin asua long sutim foapela man long mun i go pinis.

Ol papamama na ol lain bilong tupela sumatin husat i bin dai long dispela taim i amamas long Sir Robert i bai go pas long dispela wok painimaut tasol ol i sanap yet long toktok bilong ol olsem wanpela ausait bodi i mas kam na mekim wokpainimaut na maski long gavman i mekim dispela.

Philemon Korowi, wanpela loya wantaim Paul Paraka Loyas na wantok bilong wanpela sumatin husat i bin dai i tok i gutpela olsem jas Woods i go pas.

Em i tok Sir Robert i bin mekim planti gutpela disisen we i lukim ol kain hevi we ol plis i save rong na bagarapim laip na samting bilong ol manmeri long hailans na em bai gutpela long go pas long dispela inkuairi.

Mista Korowi i tok em i no amamas olsem Sir Mekere i wok long makim ol jas bilong dispela inkuairi tasol ol famili bilong sumatin husat i dai i ting olsem ol disisen bilong jas Woods i bai go stret na i no wansait.

"Mi gat bilip olsem Sir Robert i no save mekim ol wansait disisen long wanem em i save bihainim gut lo long mekim ol disisen bilong em," Mista Korowi i tok.

Tasol em i tok yet olsem wanpela

jas husat i makim wanpela intansenel komisin ov enkuairi i mas kam na joinim dispela komisin na dispela ol i ting bai kamapim gutpela disisen we i no wansait olgeta.

Misat Korowi i tok tu olsem ol plis i mas noken yusim opis bilong korona long mekim ol wok painimaut i go insait long dai bilong tupela sumatin.

Em i tok opis bilong korona i bilong yusim long painimaut olsem wanem na ol lain i save dai tasol long dispela samting em olgeta i luksave olsem tupela sumatin i bin dai long han bilong ol plis olsem na i no gat as long korona i kam insait.

Mista Korowi i mekim dispela toktok long sapotim toktok bilong Seif Magistret George Manuhu husat i save makim ol korona long mekim ol inkuairi. Mista Manuhu i bin tok olsem em i no laik bai ol plis i yusim opis bilong korona long mekim ol wok painimaut long wanem ol yet i save pinis long husat i bin sutim ol plis.

Mista Korowi i tok olsem plis mas kam aut klia na toktok long husat i bin bagarapim tupela sumatin na ol i mas noken haitim dispela samting.

Joe Kenken wantok bilong nara-pela sumatin husat i bin dai i singaut tu long ol plis i mas tok stret na larim husat plisman i pulim triga bilong gan i mas go long kot long rong pasin em i bin mekim.

Olgeta lida bilong ol koles na yunivesiti long kantri tu i singaut long gavman i mas makim sampela ausait bodi i kam insait long mekim dispela wok painimaut long wanem ol i bilip olsem sapos praim minista i go pas long dispela bai ol disisen bai go wansait tru.

Gavman na plis mas mekim stret wok painimaut : Pelika

EKTING Oposisen lida na memba bilong Menyama Thomas Pelika i salensim praim minista na minista bilong plis Jimson Sauk long i go pas long wok painimaut bilong i dai bilong foapela yangpela man husat i bin dai long las mun.

Long dispela foapela, tupela i yunivesiti sumatin.

Insait long dispela protes mas planti manmeri na yuni sumatin i bin kisim planti bagarap long bodi bilong ol bihain long ol plis i bin sutim ol long tia ges na laif bulet long Mande nait Jun 25 na Tunde moning Jun 26 insait long Yunivesiti ov Papua Niugini skul eria.

Mista Pelika i tok dispela straik em ol pablik tu i bin go pas long sapotim ol sumatin. Ol setelmen lain wantaim olgeta pablik bilong Mosbi i bung wantaim ol sumatin na toktok long stapim len mobilaisesen na praivetaisesen.

Mista Pelika i tok ol protes lain i bin askim Sir Mekere Morauta long kam daun long ol na tokim ol pipel long as tingting bilong gavman i laik salim PNGBC, Elkom na Air Niugini.

Em i tok moa olsem sapos Sir Mekere na Mr Sauk i bin go daun long level bilong ol lain husat i go pas long straik na kisim petisen bilong ol bai i nogat trabel i ken kamap namel long ol yunivesiti sumatin ha ol plis.

Mista Pelika i tok bikpela sori tru i go long olgeta mama na papa bilong ol foapela man husat i bin dai.

Em i no amamas olsem ol plis i bin yusim ol laip bulet na sutim ol sumatin na ol pipel long rot nabaut.

Kaputin i no amamas long holim pati long palamen

MEMBA bilong Rabaul Sir John Kaputin i askim wanem as tru na ol ausait lain i save go yusim ol samting long palamen long mekim pati we palamen em wanpela hap bilong rispek i mas stap olgeta taim.

Sir John Kaputin i tok ol samting long palamen eria i mas gat rispek na ol ausait i noken yusim long sari bilong pati na masak nabaut.

Em i tok dispela pasin i save stap long ol arapela palamen bilong ol bikpela kantri olsem long Australia, Inglan na Amerika tu.

Em i tok las mun sampela lain i bin kamap holim pati long wanpela bikpela haus bung bilong palamen na long dispela taim tu, wanpela fani man bilong Australia i bin kam mekim pilai.

Spika Bernard Narokob i tokaut olsem dispela pati i bin kamap na dispela fani man em wanpela biknem fani

man long Australia. Ol i bin kisim tok orait bilong Spika na Palamen klak long holim dispela pati bikos pati ya i bilong pulim mani bilong spot.

Mista Narokobi i tok i tru palamen long ol arapela bikpela kantri i save gat dispela rispek i stap. Tasol insait long bung bilong ol Komonwol palamen spika, ol i bin toktok long ol dispela kain tingting na ol i bin wanbel long kamapim sampela senis. Ol senis em long larim sampela banis o graun bilong palamen i mas stap op long ol grup olsem yut, wimens na sios i ken yusim long mekim fan reising bilong ol.

Em i tok dispela senis i kamap pinis. Tasol bikpela tambu tasol em long ol ausait lain i no ken yusim floa bilong haus palamen o samba we ol memba i save sindaun na bung olgeta taim. Dispela hap tasol em tambu, Mista Narokobi i tok.

WANTOK

All departments, Phone: 325 2500 - Fax: 325 2579
P. O. Box 1982, Boroko, NCD, Papua New Guinea

Publishing Weekly, Thursday, for
Word Publishing Company Pty. Ltd.

Printed and published by Anna Solomon of Bittern Place, Gordons, at Allotment 2, Section 209, Spring Garden Road, Hohola, for Word Publishing Co. Pty. Ltd.

General Manager and Group Editor in Chief: Anna Solomon.	Papers distributed by air throughout PNG. Available by air mail subscription within Papua New Guinea and overseas
Acting Advertising Manager: Jocko Oberleuter.	Email address: word@global.net.pg
Editor of Wantok: Yakam Kelo.	

Advertising deadlines, Display bookings: Tuesday midday. Camera ready copy: Wednesday midday. Classified Advertising: Wednesday 5pm.

Word Publishing Company Pty. Ltd. is owned by the four major churches of Papua New Guinea: Catholic 55%, Lutheran 25%, Anglican 10%, and United 10%. The company reserves the right to accept or reject any advertisement or other material submitted for publication which it deems contrary to the public interest at its absolute discretion. The publisher's general terms acceptance are available at Word Publishing Company Pty. Ltd. and are set out in full on the reverse side of its official display Advertising Bookings form.




Reipa komplek long sampela kontrak i no save stret

MEMBA bilong Kainantu Baki Reipa i askim sapos opis bilong Rurel Developmen i ken senisim ol lo bilong en long sait bilong givim kontrak long kampani long mekim wok o winim projek.

Mista Reipa i tok em i lukim olsem sampela kampani i save winim tupela kontrak we ol i no inap long mekim narapela. Sampela taim sampela kampani i save winim kontrak long wokim rot na tu winim kontrak long wokim ol haus. Tasol ol i no save gat masin na inap ol wokman long mekim narapela wok we ol i no save mekim bipo.

Mista Reipa i tok dispela em i no stret tru na em i askim Saplai na Tendas Bod long stretim gut ol lo bilong ol. Bikos i moa gutpela long opis bilong Tenda i mas save gut long ol rekot na pepa bilong ol dispela kampāni na wanem kain wok tru ol i winim olsem kontrak bilong ol.

Minista bilong Rurel Developmen na Plening Andrew Kumbakor i tok em i save long wanem kain hevi olsem we i kamap long Suave long Simbu provins. Tasol em i askim ol



• Baki Reipa

membra olsem sapos wanpela memba i no amamas long kain pasin olsem i wok long kamap, ol i mas hariap na kam toktok wantaim em.

Mista Kumbakor i tok bipo long wok kontrak long projek i stat, ol i gat 48 de long toksave long wanem wari o komplek bilong ol insait long ol kontrak we wanem kampani i kisim.

K700,000 bilong Wosera Gawi i pas long Wewak opis

MEMBA bilong Wosera Gawi, Gallus Yumbui i hatim Minista bilong Rurel Developmen na Plening Andrew Kumbakor long givim K700,000 bilong ilektoret bilong em bikos em i laik stretim gut distrik het kota bilong em long insait long Is Sepik provins.

Mista Yumbui i tok insait long 1999, K1 millien bilong ilektoret gavman i givim tasol K700,000 em Provinsal Treseri opis long Wewak i holim pas dispela mani bilong em long mekim wok long ilektoret bilong em.

Em i askim Minista sapos em i gat pawa long rausim dispela mani na givim em bikos em i laik stretim gut distrik het kota long ilektoret bilong em nau.

Membra bilong Sentrel Bogenvil Sam Akotai i

kirap na tokaut tu olsem dispela wari bilong memba bilong Wosera Gawi i no nau tasol. Em i save toktok long dispela wari bilong em longpela taim long palamen i kam na olsem Gavman i no mekim wanpela samting long hevi bilong memba.

Mista Akotai i tok i no gutpela long harim memba i wok long mekim wankain toktok yet olgeta taim long dispela samting na i gutpela

long Gavman i mas hariap stretim nau.

Minista bilong Rurel Developmen na Plening Andrew Kumbakor i tok em i save gut tru long dispela hevi bilong memba bilong Wosera Gawi.

Olsem na em i bai sekim opis bilong Treseri long Is Sepik wantaim edministresen long hap long dispela samting. Na em bai askim ol wanem as na ol i holim dispela

mani bilong Wosera Gawi i stap long opis bilong ol na i go givim i go long ol.

Minista Kumbakor i tok em i gat pawa long rausim dispela mani na tu em i gat pawa long putim sampela mani i go antap long dispela mani bilong givim i go long memba bilong Wosera Gawi long projek bilong em long ilektoret bilong em.

Sampela lida i no raitim pepa long kisim distrik mani

FOAPELA lida long Palamen i no raitim wanpela pepa long traim kisim distrik mani bilong ol long opis bilong Rurel Developmen, Minista bilong Rurel Developmen na Plening Andrew Kumbakor i tokaut long palamen long aste.


Mista Kumbakor i tok em i no save sapos dispela foapela lida i gat laik tru long bringim developmen na sevis long ilektoret bilong ol o nogat. Em i no tokaut long nem bilong foapela lida ya.

Mista Kumbakor i tokaut tu olsem planti memba i salim ol pepa bilong ol i kam long kisim ol dispela mani bilong distrik bilong ol. Na sampela pepa i stret na sampela ino kamap gut tumas bihainim ol rot bilong mekim pepa i kamap stret bihainim ol wok na projek long ilektoret bilong ol. Olsem na planti memba i no kisim mani long pepa bilong ol. Sampela i kisim hap mani long ol wok long ilektoret bilong ol.

Mista Kumbakor i bin kisim planti askim tru long planti memba bilong Palamen long Trind aste taim palamen i bung long ol wok na projek long ilektoret bilong ol we mani bilong distrik i no go yet long ol bikos opis bilong Rurel Developmen i no givim mani bilong ol.

Mista Kumbakor i tokaut olsem em bai givim wanpela ripot long taim bilong palamen long soim na tokaut klia long wanem wok na ol eria dispela mani i go long en na wanem memba i kisim mani na husat memba i wetim yet mani bilong ol na tu husat memba i no askim wanpela samting bikos ol i no raitim pas long opis bilong em.

Membra bilong Madang Jacob Wama i tokim Mista Kumbakor olsem em i wok long wet tupela krismas olgeta long mani bilong ilektoret bilong em. Em i salim pepa i go tupela krismas



• Andrew Kumbakor

pinis na dispela mani i no go yet long em.

Mista Wama i tok pastaim em i bin kisim toksave olsem pepa bilong em i no stret bikos i gat sampela samting em i mas stret gut long pepa. Olsem na em i stretim ol pinis na i wok long wetim yet bekim bilong opis bilong Minista long dispela.

Mista Wama i tok sapos opis bilong Rurel Developmen i pret olsem nogut ol memba i kisim ol dispela mani na paulim, i moa gutpela long opis bilong Rurel Developmen i mas salim ol wokman bilong ol i go long wanwan ilektoret na bihainim na sekim gut wanem hap ol dispela distrik mani i go long en.

Mista Wama i tok i no gutpela tru long opis bilong Rurel Developmen i pasim mani bilong ol pipel long go aut mekim wok insait long ol distrik na ples wanwan.


Plis i bin bihainim operesen oda long straik, Minista i tok

OLPELA Minista bilong Plis Mathias Karani i askim sapos pasin ol plisman i bin mekim na kilim foapela lain long Mosbi long las mun em ol i bihainim stret operesen oda bilong ol.

Mista Karani husat i wanpela plisman tu bipo i askim sapos ol plisman i bihainim operesen oda bilong ol na olsem wanem dai i kamap?. Plis Komanda i go pas i mas droim operesen oda we ol plisman i mas bihainim bikos sapos i nogat operesen oda, bai ol plisman i mekim nabaut long laik.

Mista Karani i askim tu Plis Minista Jimson Sauk long wanem as tru na ol plisman i no yusim helikopta (Eye in the Sky) long dispela taim we ol studen na pablik i bin straik egensim gavman long toktok bilong Praivetaisesen na Len Mobilaisesen?. Dispela helikopta i gat ol strongpela masin bilong kisim piksa i stap long en na i ken lukim na luksave long wanem samting i stap long graun, em i tok.

Mista Karani i tok dispela helikopta em Gavman i tromoi



• Jimson Sauk

bikpela mani long en na ol i mas yusim long dispela taim.

Em i askim tu wanem as na toktok bilong ol Hailans lida long baim wanpela helikopta bilong plis long patrol long hailans eria i no kamap klia yet.?


Plis Minista Jimson Sauk i tok long namba wan de bilong straik i go inap long namba 4 de bilong

strik olgeta samting i bin stap isi na gutpela. Dispela i soim olsem plis i bin gat operesen oda na i bihainim gut i kam. Tasol long namba 5 de taim ol studen i givim petisen long Prais Minista, em nau hevi i kamap. Tasol i gat wok painimaut i kamap nau we Komisn ov Inkwairi i kamap long lukluk long dispela hevi.

Mista Sauk i tok plis helikopta o Eye in the Sky i no bin wok long dispela taim bilong straik bikos i nogat pailot. Mista Sauk i tok ol i painim wanpela pailot pinis tasol em i sasim ol bikpela pe tumas olsem na dispela em wanpela samting i no stretim yet long kirapim helikopta ya.

Long toktok bilong baim wanpela moa plis helikopta bilong Hailans rijen, Mista Sauk i tok baim helikopta em isi long mekim. Tasol mani bilong lukautim helikopta em bai wanpela bikpela hevi tru. Kos bilong lukautim na ronim helikopta i mekim wok raun i save bikpela hevi tru.

Pawa bilong makim ol Gutpela Lida o Lida Nogut i stap long vot bilong yumi



ELECTION 2002

PLANTI ol manmeri pikinini i save kros taim ol Memba bilong ol long Nesenel Paliamen i no wok gut long developim ples bilong ol o i no kipim ol kainkain promis ol i bin mekim long taim bilong ileksen.

Dispela hevi i no nap kamap sapos ol manmeri i yusim gut vot bilong ol long taim bilong ileksen na votim gutpela lida long makim ol long Nesenel Paliamen.

Nau 2002 Nesenel na Lokol Level Gavman Ileksen i laik kamap na ol lain husat i laik sanap olsem kendidet i wok long mekim kainkain samting long winim sapot bilong ol vota.

Plis, olgeta vota mas tingting gut. Sapos yu vot long lida nogut, pren, lida

nogut bai makim yu na Papua Niugini long Nesenel Paliamen na yu no nap rausim ol long Paliamen inap long narapela ileksen ken long 5-pela yia bihain.

Aninit long Lo bilong Ileksen, ol Papua Niugini sitisen tasol i ken vot long ileksen na vot wanpela taim tasol.

Yu ken vot sapos yu enrol na putim nem bilong yu long Komon Rol. Komon Rol em i buk wantaim nem bilong olgeta manmeri husat i ken vot long ileksen na nau Iektorol Komisn i wok long enrolim ol vota long stretim gut Komon Rol bilong ileksen neks yia.

Iektorol Komisn em i ofis bilong lukautim olgeta ileksen insait long Papua Niugini na bos bilong ileksen, Mista

Reuben Kaiulo husat em i Iektorol Komisn, i tok ken tadei olsem olgeta manmeri i mas sapotim vota enrolmen; na putim nem bilong ol long Komon Rol. Nogat, bai yu i no nap vot, Mista Kaiulo i tok.

Em i tok olgeta vota i mas enrol wanpela taim tasol na vot wanpela taim tasol long ilektoret tru bilong ol. Yu noken giman na enrol o vot long 2-pela, 3-pela o planti ilektoret, Mista Kaiulo i tok.


Yu ken enrol sapos krismas bilong yu i 18 o abrusim pinis 18 yia, yu i no het longlong na save long pasin bilong vot, na yu i stap long ilektoret bilong yu inap long 6-pela mun pinis o longpela taim mo long 6-pela mun.

Yu i no nap enrol sapos yu bin mekim wanpela bikpela trabel na Nesenel Kot i makim yu pinis long dai o kot i kalabusim yu long 9-pela mun o longpela taim mo long 9 mun.


Yu i no nap enrol tu sapos kot i tok olsem yu i bin brukim wanpela lo bilong ileksen 3-pela yia bipo long taim bilong ileksen.

Bos bilong ileksen, Mista Kaiulo, i tok olsem vota enrolmen bai i go het yet na pinis long Epril 4 neks yia taim ileksen bai stat.

• PNG Iektorol Komisn i spon-sorim dispela Ileksen Tok Save.



NIUGINI AILAN NIUS



Helt sevis long Bogenvil i no go gut long komyuniti

MOA wok long helpim kamapim gut-pela helti ailan long Bogenvil i wok long kamap yet namel long AusAID na Nazarene Haus Sik.

Sampela komyuniti helt trening progrem i wok long kamapim ol kain aweanes long Bogenvil na tingting bilong dispela kain aweanes i bilong helpim ol pipel insait long komyuniti kamapim gutpela sindaun.

I gat planti hevi i stap insait long helt sistem bilong PNG na Bogenvil tu na dispela woksop i traim long luk-luk long dispela samting na traim painimaut ol gutpela we long helt sevis i ken go het long ailan.

Nazarene Komyuniti Bes Helt Ke bilong Nazarene sios i bin mekim wanpela aweanes tupela mun i go pinis na long dispela aweanes ol i painimaut olsem ol helt progrem long Bogenvil i save painim bikpela hevi tru.

Long wanpela ripot ol i bin givim ol i luksave olsem long olgeta Viles Helt Volentia (VHV) long kantri Paruparu VHV long Bogenvil i save painim bikpela hevi tru long givim sevis long komyuniti.

Paruparu i save painim hat tru long salt bilong mani na tu politiks tu i

mekim hat tru long ol VHV i wok gut long ailan.

Dispela ripot i tok planti sistem bilong helt em ol waitman i kamapim long tingting bilong ol yet na we bilong ol we sevis i stat long antap i kam daun tasol long dispela kantri kain we i mas senis.

Dispela ripot i tokaut olsem sapos ol helt sistem i mas ran gut bai ol helt sevis i mas lukluk long sevim ol pipel long komyuniti level i go antap.

Planti taim yumi save yusim sistem we ol gutpela dokta na marasin i save stap long ol bikpela haus sik tasol long kantri na ol helt atoriti i no save tingting long lukluk long ol narapela we bai ol gutpela sevis i ken go long ol liklik pipel pastaim.

Nazarene Kudjip na AusAID i wok long go pas long mekim ol helt wok long Bogenvil na traim long painim ol we bilong ol meri na pikinini na ol sik lain i mas lukautim ol yet gut.

Ol lain husat i bung long dispela woksop bai i wok long go bek long ples bilong ol na kamapim sampela we bilong givim ol komyuniti helt sevis gut na bihain long dispela ol i bai redim wanpela ripot long givim long sampela taim long dispela mun.



• Koiso bris long not Bogenvil i bagarap long taim bilong birua. Deputi Praim Minista Michael Ogio i go lukim wantaim ol bikman bilong provins.

Kimbe CID i holimpas saspek long dai bilong plisman

Sentral Investigesen Divisen (CID) seksen bilong Kimbe plis i holimpas sampela man husat ol i bilip olsem ol i bin sutim na kilim i dai wanpela Kimbe plis opis na ol i wok long askim ol long painimaut husat i bin mekim dispela pasin.

Plis opisa i bilong Wes Nu Briten na ol i bin sutim em na kilim em i dai long Julai 4. Plis i tok olsem dis-

pela dai bilong man ya i no bin kamap nat- ing na ol i bin plen long kilim em.

Ol nem na ples bilong ol saspek em plis long Kimbe i no inap givim atu long wanem CID i wok yet long dispela samting.

Asisten Plis Komisina bilong Ailans Rijen, Mathew Minok i bin tok PPC Thomas Wapipi i bin laki tru long ranawe long taim ol i bin kilim

plis opisa bilong wanem klostu ol inap kilim em tasol ol i abrus na wanpela tasol i bin bungim dai bilong em. Man husat i dai i bin wok wan- taim Kriminal Investigesen Divisen taim em i bin dai.

Mista Minok i tok Mista Wapipi na sam- pela plis man i bin harim singaut bilong wanpela komyuniti long Volavolo na Mai viles olsem sampela raskol i wok long bagarapim ples na ol i laik go lukim.

Plis ripot i tokaut olsem wanpela tred stoa ona em ol raskol i bin brukim stoa bilong em na stilim ol samting. Ol sem raskol i bin brukim ol kakaruk na paitim ol yut nabaut long ol viles.

Taim Mista Wapipi wantaim ol tim bilong em i go long ples ol i harim ol gan i pairap na wanpela bulet i brukim fron glas- bilong plis kar na kilim i dai dispela plis opisa hariap tru.

Ol i bin hariap kisim em i go long Kimbe Haus sik tasol em i bin dai taim ol i kamap long haus sik.

Bihain long dispela dai bilong plis man Mista Minok i singau- tim moa plis long kam mekim ol wok paini- maut bilong ol long dai bilong opisa.

WANTOK

NIUSPEPA BILONG YUMI OL PAPUA NIUGINI STRET

P. O. Box 1982, Boroko
Telepon namba: 325 2500
Feks namba: 325 2579
email: word@global.net.pg

PE BILONG WANPELA
YIA 52 NIUSPEPA

PLES	AIR
PNG	K 68.00
Ostrelia na Nu Silan	US\$46.00
Esia Pasifik na Japan	US\$55.00
Amerika na Yurop	US\$95.00



O PLUS.. MP B'LONG MI...NOKEN LUS TING- TING LONG VOT "YES" LONG NUPELA ILEKSEN RIFORMS...GUD4 MI, NA GUT 4 PNG!!


Preferential People Power

Awareness on proposed changes to the electoral system

TI (PNG) Inc. and its coalition partners together with the Constitutional Development Commission and Electoral Commission bringing education and awareness on the electoral reforms to the people through the Electoral Reform Project.

For information on Preferential Voting System, Fax: 321 3716 or write to: Electoral Reform Project, PO Box 901, Port Moresby, NCD, PNG or email: dtaylor@online.net.pg

Electoral Reform Project
SUPPORTED BY THE EUROPEAN UNION



SEPIK NIUS



Aitape plis holim Wes Irian man

PLIS long Aitape i holimpas tupela Wes Irian long Barapu viles long Aitape wes kos na ol i bilip olsem tupela i brukim lo na rong long kam insait long kantri.

Tupela man ya i kam olsem long Jayapura na plis i bin holimpas tupela taim ol i bin kisim toksave long dispela tupela lain.

Wanpela em krismas bilong em 40 na narapela em 25 na tupela wantaim bilong wanpela viles long Jayapura. Tupela i bin tokim plis olsem tupela i kam long Barapu long lukim odinesen bilong wanpela Katolik Diken. Wanpela tasol i save tok pisin.

Dispela diken tupela i laik lukim i bilong Barapu viles na ol i bin odenim em long kamap pater long ples bilong em taim ol plis i bin go holimpas tupela long Jun 17.

Tupela man i tok tupela i laik askim tu long wanpela bot bilong tupela em ol i holim i stap long Tumleo Ailan klostu long Aitape taun. Dispela toktok bilong tupela em i no bin klia.

Taim ol plis i askim long paspot bilong tupela, tupela i tok wanpela man nem bilong Justin Kivia husat i save go pas long ol Tredisenel Boda Korsia i holim i stap. Tasol ol plis i no save long dispela man Justin Kivia na ol i no save long wanem hap em i stap long Vanimo.

Aitape plis stesen komanda Michael Yeki i tok ol kain pasin bilong ol lain i kam nating insait long kantri i wok long kamap bikpela na ol i mas noken larim dispela pasin long go yet.

Em i tok ol atoriti i mas mekim wok strong long stapim dispela kain pasin na ol pipel bilong narapela kantri i mas noken kam insait long PNG.

Mista Yeki i tok ol Aitape plis bai holimpas ol lain husat i rong long abrusim boda i kam insait long kantri tasol ol narapela wok painimaut bilong ol em Foren Afeas Dipatmen long Vanimo i mas karimaut.

Aitape plis i bin lokim tupela man long sel na bihain ol Foren Afeas opisal i kam kisim tupela long askim tupela na salim tupela i go bek.

Plis long Vanimo holimpas wanpela Saina man

WANPELA man bilong Esia i bin ranawe taim ol Foren Afeas Dipatmen long Vanimo i bin holimpas em i stap tasol ol asples lain i bin holimpasim em gen na paitim em nogut tru taim em i laik ranawe abrusim wara Yalingi long Malol viles na go long Aitape taun.

Man ya nem bilong em Mista Chon Chongyuling na em i bin kisim balus long Jayapura na kam long Vanimo tasol ol Foren Afeas lain long Vanimo i bin holimpas em i stap. Dispela man i bilong Chanting provins long Saina.

Aitape plis i tok bihain long Mista Chongyuling i bin ranawe em i bin

kalap long kar bilong Vanimo Fores Prodak na i go long Sera viles em 40 kilomita long wes kos bilong Aitape. Vanimo Fores Prodak em wanpela Malaysia timba kamapani long Vanimo.

Mista Chongyuling i bin traime long wokabaut i go long Aitape taun tasol ol lokol lain i bin holimpas em na paitim em nogut tru na stilim mani na hanwas bilong em bihain long em i bin brukim wara Yalingi em siks kilomita long Aitape. Was em ol i bin givim go bek long plis.

Esia man ya em ol lokol atoriti i bin

stapim ol man long paitim em na bihain ol i kisim em i go long plis long ol i ken askim em ol as bilong em i kam long PNG.

Plis i tok Mista Chongyuling i tok em i bin laik go long Pot Mosbi long lukim wanpela kandre bilong em tasol em i nogat paspot o wanpela pepa i soim olsem em i gat paspot. Lo i tok husat man i laik go long narapela kantri em i mas gat paspot tasol man i nogat tru.

Em i tokim plis olsem em i save wok olsem wanpela kru long ol bot i save kisim pis long Esia rijen bipo long em i bin kam long PNG.

Raskol bagarapim ol lain long Sepik

ALISON ANIS i raitim

NAINPELA raskol man i bin holim ol strongpela gan tru na go henshapim ol lain na stilim samting long Marienberg peris long Is Sepik las wik.

Wanpela ripot i tok olsem ol man holim gan i brukim haus i go insait na stilim faipwela bot olgeta, wanpela jenereta na ol samting bilong ol lain.

Long ol dispela faipwela bot, tupela bilong misin, tupela bilong ol helt wokas na wanpela bilong lokol megistret na wanpela jenereta wantaim.

Ol nes na lain husat i save wok long hap i tok olsem ol i lusim planti samting olsem radio na ol samting bilong kuk.

Dispela ripot i tok ol raskol i laik brukim ples bilong putim petrol bilong misin tasol ol lain i bin singaut na ol raskol i lusim ples.

Pater bilong peris Pater Leo Waibon i bin kam na taim ol i stil pinis ol i go antap olsem long Angoram.

Ol nainpela man em ol i bin luksave long ol olsem sampela man husat i save go kam long wara Sepik na Pater Leo i tok ol i bin go long Wara Karem tu na paitim ol man na stil tu long hap.

"Nau ol pipel i stap nating na nogat samting bilong ol long helpim ol stap gut long komyniti," Pater Leo i tok.

Ol i bin toksave long Pater Leo bihain long trabel i bin kamap tasol em i no amamas long kain pasin ol i bin mekim na em i belhat tru olsem ol i mekim rabis pasin tru.

"Ol i stilim ol bot bilong mipela na mipela i nogat we long raun mekim ol wok nabaut.

"Bai mipela i go we nau? Mipela i save yusim bot tasol long raun na nau mipela i painim hat tru," Pater i tok.

Ol i no bin ting kain pasin olsem bai i kamap na olgeta

lain i no inap mekim wanpela samting bilong wanem ol raskol i putim gan long het bilong ol stret na ol i pret nogut tru.

Ol i bin toksave long ol plis pinis na ol plis long Angoram na Wewak i wok long mekim ol wok painimaut long holimpas ol raskol.

Pater Leo i singaut long ol plis i mas lukluk i go insait long dispela samting na stretim ol hevi bilong ol long wanem ol pipel i poret pinis long raun raun mekim ol wok bilong ol i go i kam long wara Sepik.

Ol dispela raskol i mekim na tingting bilong ol lain i no stap gut long komyniti.

Bikpela plen bilong yut reli i stat

MATHEW PAIYAU i raitim

WOK i rere long go het nau long namba tu Aitape Daioses Katolik Yut reli bilong dispela namba tri milinim em bai kamap long Jenuari 2002.


Dispela reli bai i kamap logn Walamu Santu Francis Hai Skul Nuku Doeri, long Sandaun provins stat long Sande Jenuari 13 i go pinis long Sande 20.

Ol yut eksekutiv i bin kamap long dispela miting em Aitape Daioses Yut kodineta Gerald Towun, Daioses Yut Saplin Pater Gianni, Daioses Yut Sekreteri Brata Damien Raimau, Pater Nobert, Alice Yeni, Nuku yut siaman Alphonse Gamu, Lumi yut siaman Terence Eki na Sista Anna Kare.

Long Sarere Julai 14, Daioses yt eksekutiv i bin holim nambawan miting bilong disepla daioses yut reli long Daioses opis konfrens rum long Aitape long traime long luksave long wanem kain wok i mas mekim long redi long dispela bikpela bung bai i kamap long naks yia.

Bikpela ol samting ol eksekutiv i bin lukluk long en insait long miting em draf progrem bilong reli, material, kaikai, hap ples bilong silip, wanem ol skul bai i kamap, ol narapela nids bilong reli na ol narapela samting olsem pilai gem, singsing tumbuna na ol narapela plen nabaut.

Insait long miting wanwan ol siaman na mausman i bin givim ol yut



• Ol pipel i kam long hiling prea insait long bikpela karismatik reli long St Thomas Yangoru Peris long dispela mun.

riport bilong ol wanwan dineri long ol wok bilong ol yut long eria bilong ol na ol problem we i save kamap long ol taim ol i mekim ol wok bilong ol.

Ol ripot bilong ol i soim olsem sampela dineri, wok yut i wok long kamap gut bikos i gat gutpela sapot i kam long ol yut representativ na ol peris pris na sampela i

slek liklik bikos i nogat dispela kain sapot.

Ol i tok tu olsem i nogat gavman sapot o luksave long wok yut insait long wanwan eria bilong ol.

SiAmeri bilong Yangkok Sab Dineri yut Sista Anna Kare i tok long olgeta yia i go pinis han bilong gavman i no save kam insait long helpim ol yut long

Yangkok. Sios yet i wok long wok strong na nau long dispela taim i gat tupela yut grup aninit long Daioses.

SiAmeri bilong Lumi Dineri yut Terence Eki i tok tu olsem developmen bilong wok yut i wok long gro isi isi long Lumi bikos hat wok bilong sios i no kisim sapot long gavman.

Narapela yut lida Alice Yeni i tok planti ol yut i stap nambaut long laik bilong ol long wanem i no gat gutpela lidasip tasol sampela i bin bung wantaim long helpim karim aut wok bilong AIDS aweanes.

Ol ripot i soim olsem yut wok long Nuku Dineri wok long go het gut. SiAmeri Sam Gamu i tok planti hevi i wok long kam tasol ol i wok strong yet long mekim ol wok bilong ol.

I gat singaut tu olsem husat wanwan yut lida i save go long ol kos nabaut i mas go bek na lainim ol yut long eria bilong ol. Ol yut lida i mas bihainim ol wok bilong ol yut na toksave long wanem kain ol developmen i kamap long eria bilong ol.

Planti narapela yut long eria i laik regista wantaim Aitape Daioses yut progrem tasol dispela tingting i mas go long bikpela yut miting pastaim.

Spiritual Dairekta bilong Lumi Dineri Pater Nobert i tok ol sios memba bilong ol sios i mas helpim long givim sapot long ol yut long ol i ken kamap ol gutpela manmeri bilong bihain.

Em i tok ol yut i mas kamapim wanpela pastorol plen na miting i bin tok orait long dispela samting pinis na bai ol i brinim i go long bisop long luksave long dispela.

I gat wanpela askim pepa bai i go aut long olgeta yut long kisim tingting bilong long dispela yut reli we bai i kamap.


Narapela miting gen bilong ol yut lida bai i kamap long Novemba 17.



SAUTEN



RIJON



NCDC i no luksave long ol yut

OL YUT insait long Nesenel Kapitol Distrik bai bung na sindaun toktok wantaim praim minista na minista bilong provinsal na lokol level gavman sampela taim long dispela mun.

Dispela toktok i bin kamap bihain long ol yut lidas insait long Mosbi Not Is na Wes na Saut i bin holim wanpela bung bilong painimaut rot long

lukautim ol yangpela manmeri husat i wok long raun nating insait long siti.

Yut lida Anton Yori bilong Erima i tokaut olsem PDM gavman i lusim tingting long olgeta wari na hevi i wok long bungim ol yut insait long setelmen na siti long NCD.

Mista Yori i tok tu olsem siti bilong yumi em bagarap na pipia i pulap tru long olgeta

hap bilong siti bihain long PDM i bin saspem insait NCDC gavman.

Em i tok moa olsem gavman mas luksave long ol lo na oda problem na mas putim bek dispela gavman em i bin saspemim.

Sapos ol i mekim olsem bai NCDC i ken lukautim ol yut wantaim ol liklik wok kontrak olsem katim gras na swipim ol strit nabaut.



Taim bilong amamas • Ol yangpela bilong Trobriand Ailan long Milen Be provins i kamap wantaim danis tumbuna long wanpela bung.

Woksop bilong konsevesen kamap long Mosbi

WANPELA bikpela woksop bai i kamap long Wail laif menesmen na konsevesen bai i kamap long Varirata Park long Pot Mosbi.

Dispela woksop em bai traime skulim ol sumatin husat i save stadi long baiologi long Yunivesiti ov Papua Niugini, ol lain husat i save wok wantaim wail laif na ol konsevesen lain.

Dispela woksop na ol kos bai ol i givim bai stat long Julai 27 i go August 14 na i pinis.

Tomoro bai ol sumatin na ol lain bilong kisim kos i bung long dispela kos.

UPNG, Konsevesen Melanesia na Smithsonian Institution i go pas long kamapim bilong helpim ol wok bilong lukautim ol samting olsem plens na animals long kantri.

Dispela woksop em Walt Disney na Smithsonian i sponso long em na bai i gat tripela man bilong Amerika i bai kam na givim skul long ol lain husat i bai kam long woksop.

Ol lain long Konsevesen Melanesia i bilip olsem ol i laik bai mak long 25 i go 30 lain olgeta i ken kam na kisim save long dispela woksop.

NGO kamapim rot bilong stretim Sendelwud

OLGETA hap bilong graun sendelwud i gat gutpela smel na em i save kamap long laik tasol i ken pinis hariap.

Long 1960, Galp na Sentrel provins i bin i gat pinati sendelwud tasol dispela i pinis taim ol lokel pipel i salim ol dispela diwai long kisim man long narapela kantri.

PNG Fores Atoriti na CSIRO i wok bung wantaim nau long traime tanim na kamapim moa sendelwud long ol komyuniti.

Ol i askim pinis

Foundation for Pipel and Komyuniti Developmen Eko Forestri Fil opisa Israel Fufuze Bewang long kamapim sendelwud stadi na traime painimaut amas diwai i stap yet ha amas ol i katim pinis.

Em i askim ol komyuniti long bekim sampela asking na traime painim aut ol komyuniti i laik makem wanem wantaim diwai insait long Sentrel na Galf provins.

Em i askim ol wanem rot diwai ya inap pinis na wanem ol rot ol pipel i yusim long traime sevim dispela ol diwai.

Mista Israel i bin go nambawan taim long Miaru, wanplea ples i stap long Pot Mosbi. Bihain log 7-pela de em i painim aut olsem ol pipel i laikim dispela tingting bilong em long lukautim diwai we inap givim moa mani.

"Long Miaru, mi lukim olsem i nogat bikpela diwai bilong katim i stap tasol planti liklik diwai i stap.

"Mi ting dispela i kamp bihain long ol pipel i mas katim diwai bilong kuk na tu putim bus paia long taim bilong ronim abus."

Wantok sistem bruk daun long kantri

PLANTI manmeri i painim hat tru long stap laip wanwan de na watok sistem kantri bilong yumi gat i wok long lus wanwan dei.

Mista Diro i toktok long bung bilong palamen dispela wik olsem bipo ol manmeri i save helpim wantok bilong ol na strongim dispela wantok sistem pasin tasol nau nogat.

Em i tok prais bilong ol kaikai na kainkain sevis i go antap tru na ol manmeri i painim hat long stretim hevi bilong wantok.

Mista Diro i tok tu olsem olgeta manmeri i no save wanem samting em praiwetaisesen olsem na hevi bilong las mun wantaim ol sumatin na pipel i

kamap.

Em i tok ol pipel i ting olsem lon bilong Wol Beng mekim na ol i kisim taim.

Sampela i ting olsem ol i papa bilong ol gavman bisnis na sapos ol i salim long praivet bai ol i no moa papa long bisnis.

Em i tok gavman i lus tingting olgeta long ol pipel na ol i sanap lukluk tasol long sait na ol i no wanbel na hevi i bin kamap.

Long wankain taim, Mista Diro i askim gavman long yusim ami long dispela taim long boda bilong Papua Niugini na Indonesia.

Em i tok ol narapela kantri

long Pasifik olsem Vanuatu, Fiji na Niu Caledonia i save yusim ami bilong ol long wok bilong bel isi long kantri olsem Is Timor na Midel Is tasol PNG i nogat.

Em i tok gavman i no mekim yus long ami bilong kantri na ol i save stap tasol.

Gavman i mas putim sampela mani i go insait bai ami i ken mekim wok bilong em.

Em i askim gavman long kamapim patrol long boda bilong PNG na Indonesia bihain long palamen bilong Indonesia i rausim Abdurrahmen Wahid na sensim em wantaim Megawati Sukanorputri olsem nupela presiden.

Painim Long WANTOK NIUSPEPA Tasol !



Niugini Ailans Nius
Sepik Nius
Sauten Rijon Nius
na Hailans Nius



WANTOK NIUSPEPA BILONG YUMI PAPUA NIUGINI STRET!



HAILANS NUIS



Kudjip go pas long lainim ol komyuniti helt wokas

KUDJIP Nazarene Haus sik long Westen Hailans i wok long mekim planti wok tru long kamapim ol gutpela helt sevis insait long kantri.

Long wanpela projek we i bin kamap las mun, Kudjip i bin go pas long lainim ol komyuniti helt wokas long ol we bilong ol komyuniti helt wokas i ken tarim long mekim ol sevis bilong ol i ran gut ol ol grasrut i ken kisim ol helt sevis we ol i nidim tru.

AusAID na nesene gavman i bin bung na kamapim dispela woksop na ol i lukluk

long olgeta kain we bilong helpim komyuniti helt long kantri.

Dispela woksop i kamap namel long ol Komyuniti Bes Helt Wokas na em i bilong kamapim aweanes namel long olgeta lain husat i save tingting long helpim ol rural lain long helt sevis long kantri.

Wol Helt Oganaisesen i bin tokaut olsem PNG i kamap namba 3 long wol long ol helt sevis i no save go gut long olgeta lain long kantri.

Dispela woksop i lukim olsem problem i no stap long ol taun na siti haus sik. Hevi i

stap long ol rural eria we helt sevis i save hat tru long go na planti manmeri na pikinini i save dai nating long wanem sevis i no save go long ol.

Ol gutpela dokta na marasin i save stap long ol siti na taun haus sik tasol na ol ples lain i save painim hat tru long taim ol i bungim hevi long sik.

Ol sampela hap bilong kos i lukluk long lainim ol Viles Helt Volentias na we bilong ol i ken wok gut wantaim ol viles lain.

Nazarene CBHC Senta i save trenim planti ol volentia na salim ol i go aut long

kantri long mekim ol wok.

Planti ol Sosol na Dvelopmen wokas tu i bin kisim planti helpim long dispela samting.

Ol menesa bilong komyuniti helt i bin mekim wanpela raun bilong ol i go na lukim Nazarene Haus sik long kisim save long wanem kain wok ol i save mekim long dispela gutpela haus sik.

Bihain long dispela woksop bai ol i mekim wanpela ripot long wanem kain samting ol i bai mekim long helt senta bilong ol yet.

Toktok long poisin kilim tupela man i dai

PASIN bilong kilim man long toktok bilong poisin i save lukim ol lain i pait na kilim narapela i dai long Simbu na wankain toktok i mekim na bikipela hevi tru i kamap long sem provins gen.

Tupela man i dai pinis na moa long 80 haus em paia i bin kukim bihain long wanpela bikipela pait i kamap namel long tupela hap lain long Gumine long Simbu provins.

Ol ripot i kam long Simbu i tok olsem tupela lain em tupela papagraun bilong Gumine distrik hetkuata na olgeta samting i bagarap na ples i no stap gut.

Dispela pasin birua i kamap namel long ol lain Mian na Golin Kunareku na pait i wok long go bikipela namel long tupela.

As bilong dispela pait i kamap long dai bilong wanpela hai skul tisa bilong Mian husat i bin dai long Lae las yia.

Ol lain Mian i tok rong i stap long ol lain Golin na ol i bin askim ol long baim kompensesen long dai bilong hai skul tisa.

Ol lain bilong tisa i tok man ya i bin dai long wanem ol Golin i bin givim posin long em na em i dai.

Olsem na ol Mian i bin askim long K80,000 kompensesen mani tasol ol lain Golin i no bin givim na dispela i kamapim bikipela pait tru.

Tupela sait wantaim i kukim ol samting na katim ol kopi gaden nabaut na ol meri pikinini i ranawe go nabaut long olgeta hap.

Provinsal Plis Komanda Seif Inspekta Simon Kauba i tok bai sampela mobail plis long ol hailans provins bai kam na wok wantaim ol plis long Simbu long traim stapim dispela pait na kontrolim tupela lain birua.

Nau long dispela taim ol plis i go insait long ples long stapim pait.

Riyong askim long kisim bek K250,000 projek mani

MEMBA bilong Suave Yauwe Riyong i askim Woks Minista Alfred Pogo long hariap painim K250,000 bilong Suave ilektoret na givim bek long ol i ken mekim sampela wok wantaim. Mista Riyong i askim Mista Pogo long Trinde aste taim palamen i kam bung gen bihain long 7-pela mwp malolo.

Mista Riyong i tok em i bin brukim K1 milien long ol wok developmen long ilektoret bilong em long sait bilong edukesen, helt na rot. Na em i givim dispela mani i go long Woks dipatmen long yusim long mekim wok. Tasol nau ol i no pinisim wok na hap mani bilong ilektoret i stap yet wantaim Woks long yusim. Bikos i nogat wok i go het, mi askim Woks Minista long kisim bek K250,000 we i stap bek na givim long mi ken go het wantaim ol wok bilong distrik, Mista Riyong i tok.

Woks Minista Alfred Pogo i tok em i no klia tumas long dispela samting na em bai painimaut gut pastaim na givim gutpela bekim long memba long bihain taim.

ENROL NAU



TOK SAVE I GO LONG OL PIPEL BILONG ENGA, SIMBU, ISTEN, SAUTEN NA WESTEN HAILANS

Ilektorol Komisin bai i kam long ples bilong yu stat long mun Julai i go inap long mun Ogus long dispela yia 2001.

Sapos yu laik vot long 2002 ileksen, nem bilong yu i mas stap insait long buk ol i kolim Komon Rol. Taim ol lain bilong ilektorol Komisin i kam lukim yu, yu mas stretim gut toktok bilong yu long Komon Rol.

Sapos krismas bilong yu i 18 o krismas bilong yu i abrusim pinis 18 yia, yu ken putim nem bilong yu insait long Komon Rol taim yu filim Enrolmen Fom.

Ol pipel bai bilip olsem ileksen bilong Papua Niugini i fea na gutpela sapos Komon Rol i stret na i no rong.

Tingim Gut! Lo i tok Yu Mas Enrol!




**ELECTORAL
COMMISSION
Papua New Guinea**

SAPOS YU I NO KLIA GUT LONG WOK BILONG ENROLMEN, RINGIM OL DISPELA TELEFON NAMBA:
SAUTEN HAILANS PH. 549 1378 - ENGA PH. 547 1144 - WESTEN HAILANS PH. 542 2349
SIMBU PH. 735 1204 - ISTEN HAILANS PH. 732 1151

Toktok i kam long Papua Niugini Ilektorol Komisin

Madang Nius



Madang paia stesen wetim ka bilong ol yet

Wok bilong kirapim Madang long ol turis

FRANK GENAIA i raitim

MADANG paia stesen i wet long kisim nupela paia kar na sampela masin em ol i bin promis long ol i bai kisim.

AusAID i bin tok promis long em bai givim wanpela paia kar long Madang paia stesen tasol em i no bin mekim dispela na ol i wet yet.

Madang paia stesen komanda Samson Polly i tok nogat wanpela tok-tok i bin kamap long husat bai baim of samting em ol i tok long kisim na em i no save

long wanem as ol i no kisim kar bilong ol.

Mista Polly i tok stat long las yia inap nau ol i no save long wanem samting bai i kamap long ol dispela toktok.

Em i tok ol i wetim nesanel gavman na paia sevis het opis long wok wantaim AusAID long kisim kar na ol masin bilong ol em AusAID i bin promisim ol long en.

Mista Polly i tok ol samting i wok long kisim planti taim tru long kam tasol em i bilip olsem ol bai kisim klostu taim o nogat neks yia.

Wanpela AusAID man bai i kam raun long

olgeta hap long kantri long lukim ol paia stesen bilong kantri. na long dispela taim em i bilip olsem bai toktok bilong ol masin na kar bai i kamap.

Long dispela taim paia stesen long Madang i gat 19 paia-men na ol i wok long yusim ol olupela masin i stap.

Mista Polly i tok Madang i laki tru long gat wanpela paia kar i no olsem ol narapela provins we i nogat kar.

Em i tok ol i save raun yet long Madang na mekim wok bilong ol yusim ol dispela olupela masin na bai ol i wet yet i stap.

MADANG Semba ov Komes i bai mekim wanpela liklik wok long traim long helpim turisim industri long provins.

Semba bai i lukluk long kamapim wanpela liklik buklet we bai i gat olgeta liklik toksave na nem bilong ol ples na ol narapela samting ol turis i bai askim taim ol i kam long Madang.

Presiden bilong semba Bill Hughes i bin tokim wanpela bung bilong ol memba long las wik olsem bai ol i kisim sampela helpim long ol Divain Wod Yunivesiti sumatin bilong helpim

ol long mekim dispela wok.

Narapela samting ol i bin toktok long dispela bung em long Red Cross Ques. Siameri bilong Madang Red Cross, Maureen Hill i tok i gat bikpela nid long ol bisnis haus long Madang i mas traim long helpim ol yangpela meri long provins husat i laik resis long Mis PNG Red Cross long kisim mani long helpim ol lain bilong provins.

Em i tokim ol lain husat i kam long mit-

ing olsem planti bilong ol i gat sampela we long helpim ol na i gutpela ol i mas mekim ol wok long helpim ol meri kisim mani bilong ol pipel long Madang.

Misis Hill i tok ol i noken tingting long sait bilong givim mani tasol, ol i ken traim helpim long trenspot, givim ples bilong holim ol fan raising ektiviti ol i plen long mekim.

Long dispela miting bilong semba tu ol i bin votim ol olupela het lain bilong semba i go

bek gen long posisen bilong ol.

Ol nupela eksekutiv em presiden Bill Hughes, vais presiden Mike Cassell, sekretari Lee Wellington, tresera Peter Burland na tupela kaunsela em Bill Kramer na Valerie Jerram.

Wok bilong dispela eksekutiv em long kamapim ol miting bilong ol memba na toktok long ol samting i save kamap long ol bisnis na ol i mas ran gut long givim sevis long ol pipel bilong Madang provins.

Ol wok lain i save stap long ol setelmen

MICHELLE BENUA i raitim

OLGETA setelmen planti lain i save ting olsem em ol ples bilong ol raskol i save kamap na ol dispela setelmen lain i save stapim developmen long kantri tasol ol setelmen em haus bilong ol manmeri wankain olsem yumi.

Mosbi saut MP na siameri bilong Nesanel Kapitol Distrik Uban Komyuniti Developmen, Lady Carol Kidu i bin tok nem setelmen na ol lain husat i save silip long setelmen em yumi save kamapim rong tingting long ol na tok olsem ol tasol i as bilong olgeta sosol problem long ol siti na taun long kantri.

Lady Kidu i tok samting tru em ol setelmen i haus bilong planti ol wok manmeri husat i gutpela sitisen bilong kantri na ol wantaim famili bilong ol i save traim long stap gutpela laip long setelmen.

Ol setelmen i save kamap long wanem ol bisnis na gavman i no inap long givim haus long olgeta wok lain bilong ol. Long dispela

as ol wok lain i les long lusim wok bilong ol olsem na ol i save painim ples long stap long setelmen.

Madang provinsal gavman i bin kamapim wanpela bikpela wok long rausim ol lain husat i nogat rait long stap long ol setelmen na ol i mekim ol eviksen eksasais. Long Madang provinsal gavman na plis i kolim dispela eksasais 'Operesen Klinim Madang.'

Gavman i save tok long ol setelmen lain i mas noken stapim developmen na tokim ol plis long go pas long rausim ol lain tasol gavman i no save long wanem kain we ol plis i save yusim long rausim ol lain.

Planti komplek i kam long ol setelmen lain long Madang i soim olsem ol plis i nogat rispekt long ol olsem ol i manmeri wankain olsem ol tu.

Wanpela mausman bilong ol Gagasi setelmen lain, Felix Guna i tok olsem plis i no bin mekim gutpela pasin long ol taim ol i bin kam long rausim ol long ol setelmen.

"Ol plis i kam insait wantaim ol gan bilong ol na ol busnaif na wokim nabaut long ol haus bilong mipela na bagarapim ol gaden kaikai bilong mipela," Mista Guna i tok.

Em i tok ol plis i bin tokim ol olsem graun ol i stap long en em kot i no stretim yet olsem na ol i mas muv na larim kot i stretim pastaim.

Mista Guna i tok em i no save bilong wanem as ol plis i bin kam na husat tru i bin giivm tok orait long ol plis i kam bagarapim ol manmeri.

Planti i no laik muv long wanem ol i nogat narapela ples long go na gavman i no bin makim nupela graun long ol i ken go.

Long Madang i gat 13 setelmen olgeta na klostu mak long 6,000. Tripela bilong ol dispela setelmen i gat rait ananit long lo long stap. Dispela ol tripela em Kerema Kompaun, Bukbuk na Fikus.

Ol setelmen we ol i rausim pinis em Banana Blok, Fikus na Gagais.

Ol nes i stapim wok long Modilon

MESSERY GUBAG i raitim

OL SIK lain long Modilon Haus sik i no bin kisim marasin las wik long wanem ol nes i bin straik long ol i no bin kisim ol pe bilong ol.

Presiden bilong Madang Nesas Asosiesen Mis Dianne Liriope i tok ol i bin givim wanpela sabmisin i go long ol menesmen long Me 24, 2001 long ol i ken stretim wari bilong ol na bekim long pinis bilong mun Jun.

Tasol long Jun 29 las wik nogat wanpela bekim i kam long sabmisin bilong ol nes na olgeta i bung na lusim wok na stap nating.

Mis Liriope i tok planti taim tru menesmen i save mekim ol tok promis long em bai mekim ol samting bilong stretim wari bilong ol tasol nogat wanpela samting i save kamap olsem na pasin ol i mekim em long soim ol menesmen olsem ol i mas mekim ol samting em i tok em bai mekim. Ol hevi bilong ol nes em bilong bipo yet olsem ol awod bilong ol nes, ovataim, domestik maket alauens na ol promosenel pe.

Long Mande Julai 2 taim ol nes i straik, wanpela miting i bin kamap namel long ol hetmeri bilong ol nes na menesmen. Seif eksekutiv opisa bilong Modilon John Levi i tok gen olsem ol pemen bilong ol nes bai ol i kisim long Fraide Julai 6.

Dispela i no bin kamap na ol nes i straik na ol nes i no go long wok tasol sampela tasol i go wok long ol imejensi wod tasol.

Long Mande Julai 9, 2001 25% bilong ol nes husat i gat hevi i kisim ol pe bilong ol em ol i no bin kisim long 2000, na olgeta narapela i no kisim.

Ol menesmen i tok ol i no bin painim ol pepa bilong stretim ol narapela pe bilong ol nes olsem na ol i mas wet.

Nau long dispela taim ol nes i go bek long wok na i helpim ol sik lain tasol ol bik lain makim maus bilong ol nes i wok long mekim ol toktok yet long ol narapela wankain oganaisesen long narapela provins.

Mis Liriope i tok i gat planti ol narapela hevi em ol helt wokas i save pilim long taim ol i laik hat wok long helpim ol pipel tasol ol menesmen tasol i no save harim hevi bilong ol na mekim dispela ol wok.

Em i tok ol helt wokas i save helpim kantri na ol pipel gut olsem na ol menesmen mas tingting gut na harim hevi bilong ol.

Ol laini long het opis i bin tok olsem ol i bin salim sampela sek mani i go long ol nes husat i no bin kisim ol pe bilong ol yet.



Ol komyuniti helt wokas tu i bin gat dispela hevi na i bin askim long gavman i mas luksave long ol.

GENERATOR SET		ESKI KULAS	
LAKI NAMBA TICKET			
5395299	0892430	0182658	5309424
5415200	0843775	0356457	5331649
5262965	0776564	0482142	5175099
5301539	0883257	0582482	5158787
5349535	5238648	0943210	5238648
5370173	5397800	5403101	5397800

WINNERS CONTACT GFI OFFICES:

PORT MORESBY PH: 320 2260 - LAE PH: 475 7066
 MT. HAGEN PH: 545 1570 - GOROKA PH: 732 3213
 RABAU PH: 982 9209 - BUKA PH: 973 9141
 MADANG PH: 852 1622 - WEWAK PH: 856 1708
 ALOTAU PH: 641 0472 - KIMBE PH: 983 4907
 POPONDETTA PH: 329 7366

Lae Nius



Nawae ilektoret i wet long stretim nem long Komon Rol

MEMBA bilong Nawae Kennedy Wenge i askim Gavana long Triinde aste long wanem taim tru bai wok bilong stretim gut nem long Komon Rol buk bilong nesenel ileksen bai kamap.

Mista Wenge i tok dispela em wanpela bikpela samting bilong ileksen long neks yia na em i askim Minista i go pas long Provinsal na Lokol Level Gavman Afeas lairo Lasaro long tokaut klia long dispela wok.

Mista Wenge i tok long ilektoret bilong em long Nawae, i gat planti manmeri tru i sta na dispela em wanpela bikpela

samting ol i mas stretim gut pas-taim long ileksen i kamap gut long neks yia.

Mista Wenge i tok Distrik Edministreta bilong Nawae i wok long sindaun olgeta de na wetim wanem taim tru bai ol wokman bilong Ilektoret Komisn bai i go kamap long mekim dispela wok.

Mista Wenge i mekim dispela toktok ol toksave we llektorel Komisn i wok long putim kamap long niuspepa, redio na televisen olgeta de long ol bai go stretim Komon Rol buk bilong ol provins long hailans na tu long Morobe provins.

Minista bilong Provinsal na Lokol Gavman Afeas lairo Lasaro i tokaut olsem dispela em wanpela bikpela wok na bikpela samting bilong stretim gut pastaim long ileksepa bilong neks yia 2002 i kamap. Olsem na em i no inap mekim wanpela stretpela toktok yet long dispela inap em i lukluk gen na toktok wantaim ol wokman bilong llektorel Komisn long wanem plen na wanem wok ol i kamap long en long dispela bikpela wok bilong stretim gut ol nem long Komon Rol bipo long ileksen 2002 i kamap.

Konge pipel kisim mani bilong nupela klasrum na tu wei redio

OL pipel bilong Konge eria insait long Kawum distrik i ken amamas nau long ol tripela lida bilong ol wokbung na wokbaut wantaim na sapotim ol komyniti projek insait long eria bilong ol. Ol lida em Gavana bilong Morobe Luther Wenge, memba bilong Kabwum Ginson Saonu na presiden Seko Lokol Level Gavman Giukta Nakalip.

Ol dispela lida i bin mekim wanpela wok-abaut i go long Konge Praimeri Skul na givim K10,000 long kamapim nupela klasrum na tu ol i givim K14,800 long putim tuwei redio long sevim ol manmeri long Konge eria.

Long dispela taim Gavana Wenge i tokim ol skul bod, tisa na ol pipel olsem ol sumatin na ol pikinini bilong yumi bai karim wok na surukim ol wok yumi ol lida bilong nau i mekim i go bihain bihain.

Mista Wenge i tok

olsem nau mipela olgeta i mas nau sapotim skul. Em i tok gavman bilong em i stat long peim bikpela hap skul subsidi bilong ol skul fi pinis na bai surukim yet i go long neks yia 2002.

Gavana i tokaut tu olsem AusAID i amamas long dispela subsidi long provins na i amamas long sapotim olgeta skul long Morobe provins.

Membra bilong Kabwum Ginson Saonu i tokim ol bod na tisa olsem skul em wanpela han bilong Gavman na i gat luksave helpim bai i kam yet tasol long rot bilong politiks, daunim narapela, resis long kisim biknem, kisim helpim na i no tok tenkyu na i no rispek long ol lida long dispela rot, planti wok i no sive kamap gut. Em i tok moa olsem mipela ol lida i save wok na ol manmeri i save ting mipela i no wok. Dispela ino tru. Em i tok lukaut long ol manmeri

long noken tromoi tok nabaut bikos taim bilong ileksen i kam klostu. Em i tok klia olsem dispela helpim i kam long Gavana Luther Wenge, em yet olsem memba bilong Kabwum na presiden Giukta Nakalip.

Kaunsila bilong Sikam Kambuk i makim maus bilong skul bod, ol sumatin, ol tisa na mamapapa na tok bikpela tenkyu long ol tripela lida long gutpela wokabaut na wok bung ol i mekim wantaim long kam bungim ol pipel na sindaun wantaim ol.

Em i amamas long kisim tupela sek mani

• **Gavana Luther Wenge, memba Ginson Saonu na Presiden Giukta Nakalip i givim tupela sek mani i go long ol skul bod memba bilong Konge Praimeri Skul.**

ya na em i askim ol tripela lida ya long ol i mas go bek gen na opim dispela nupela klasrum taim ol i pinisim wantaim dispela mani.



In-sevis program bungim ol tisa long Lae

PAULUS TALI i raitim

TETIFAIV tisa olgeta i bin bung long wanpela wik in-sevis kos long Busu Hai Skul long Lae, Morobe provins tupela wik i go pinis.

Dispela in-sevis em ol i bin holim long Julai 9 i go 13 i lukim planti tisa i kam long Butibam, Huonville na Bowali praimari skul. Ol tisa long Amba na Omili i no bin kam.

In-sevis kodineta Julian Bailey i tok sampela narapela tisa tu i kam yet long Busu Hai Skul na ol narapela fida skul.

27 tisa i bilong Busu yet na wanpela i kam long Lae. Hetmasta bilong Busu Betong Bega i bin opim in-sevis bilong ol tisa.

Misis Bailey i tok dispela bung i bilong helpim ol tisa long kamapim gutpela wok wantaim ol sumatin na tu long ol tisa i ken mekim wok we i lukim ol sumatin i ken gat planti wok long mekim long helpim skul bilong ol.

Ol tisa i bin tokaut tu long planti

hevi ol i save bungim long taim ol i save traim long mekim wok bilong ol olsem tisa.

Ol i stadi long planti kos ol i save lainim ol sumatin bilong ol na ol i traim long lukluk long wanem kain senis i ken kamap long ol i ken lain ol sumatin bilong ol moa gutpela.

Mista Bega i tok dispela in-sevis i bin helpim gut ol tisa na givim gutpela save long ol i ken lain ol sumatin. Em i tok planti ol tisa i bin gat ol askim nabaut na ol i bin kisim planti helpim long in-sevis.

Em i tok tenkyu long Misis Bailey husat i wanpela sinia tisa long Busu i bin kodinetim woksop long helpim ol tisa i kisim planti helpim.

Misis Bailey i tok dispela kain in-sevis bai helpim ol tisa taim ol i mekim ol trening program na ol fida skul tisa i kisim planti helpim tru long we bilong lainim ol sumatin insait long klasrum.

Em i tok ol yangpela tisa tu i ken kisim helpim ol long lainim sampela skil ol i ken yusim long bihain taim.

Gavman i no givim yet K2.5 milien bilong Bulolo

YAKAM KELO i raitim

MEMBA bilong Bulolo Samson Napo i tok hat long K2.5 milien bilong Bulolo ilektoret we Nesenel Gavman i no givim yet long las yia i kam nap dispela yia.

Mista Napo i askim Minista bilong Plening Andrew Kumbakor long tokaut long wanem taim bai dispela K2.5 milien bilong Bulolo ilektoret bai kam aut long ol i stretim planti samting we i bagarap

na i stap nau.

Long palamen haus aste Mista Napo i tok Bulolo em ples bilong ren na ren i bin pundaun olgeta wik. Na dispela i mekim na ol rot i bagarap olgeta. Planti wok bilong skul, helt sevis na ol projek i no kisim wanpela helpim bikos mani bilong las yia we i sanap olsem K1 milien na bilong dispela yia we i sanap olsem K1.5 milien ino go distrik yet. Long dispela as planti samting i bagarap i stap long ilektoret.

Mista Napo i tok ol pipel nau i

laikim sevis na developmen long dispela taim nau na i no long taim bilong ileksen we yumi i go na putim projek bikos pipel bai lap long yuml.

Mista Napo i tok tu olsem bikos i nogat wok i kamap long stretim ol dispela hevi, ol pipel i wok long sutim tok yet olsem ol memba i paulim mani olsem na nogat sevis na developmen i kamap long ilektoret.

Mista Napo i tromoi dispela tok-tok olsem Gavman i holim yet K2.5 milien bilong ol pipel bilong

Bulolo we i no stret taim ol arapela memba i kisim bilong ol na mekim wok long ilektoret bilong ol.

Minista bilong Nesenel Plening Andrew Kumbakor i tokaut olsem em bai tokaut long wanpela bikpela ripot long ol dispela mani bilong ol distrik bihain. Tasol bikpela samting em i tok, olgeta memba i gat wankain hevi long dispela mani long opis bilong Rurel Developmen.

Mista Kumbakor i tok igat liklik hevi i kamap long pasin na rot

bilong aplai na kisim dispela mani tasol ol i stretim dispela hevi pinis.

Tasol em i askim ol memba long yusim Woks dipatmen long ol projek bilong rot bikos dispela bai ol i ken kisim sampela gutpela helpim hariap. Na tu ol wok bai igo stret bihainim rot bilong aplai long projek na tenda bai kamap gut long projek i go het.

Tasol em i tokaut olsem i no olgeta memba i kisim dispela mani yet. Sampela i kisim liklik na sampela i no yet.

Katolik karismatik i wok strong tru insait long Wewak daiosis

KEN CHARLES i raitim

WOK bilong Katolik Karismatik rinuel em i wanpela bikpela presen bilong Papa God insait long sios tude. Dispela muvmen i kamapim bikpela senis tru insait long laip bilong planti Katolik manmeri husat i wok long stap nating na hangamap long ol kain giaman god na ol arapela pasin nogut bilong dispela graun long tainim bel na kam bek long Papa God.

Karismatik muvmen i redim gutpela graun long helpim ol pipel long save gut long God olsem gutpela papa bilong yumi, na taim yumi save gut long God papa, dispela bai i kamapim gutpela sindaun wantaim em, na taim gutpela sindaun wantaim God papa i kamap ples klia bai gutpela bung wantaim i kamap ples klia bai..... (4) Holi Spirit i fri long wok insait long yumi, na taim Holi Spirit i fri long wok insait long yumi bai yumi karim planti gutpela kaikai.

Em wok bilong Holi Spirit insait long Katolik sios long strongim bilip hop na laik bilong olgeta manmeri long karim diwai kros na bihainim Jisas long painim laip i stap gut oltaim oltaim. Olgeta Katolik i ams op long dispela gutpela presen bilong Holi Spirit God Papa i givim long helpim yumi.

Yumi ridim dispela Karismatik Spirit long kainkain wok ministri insait long sios God i givim dispela gutpela presen long Katolik sios olgeta na i no long Karismatik muvmen tasol.

Olsem na olgeta memba bilong sios i mas pre strong na askim God long rausim olgeta giaman na ol kain hait tingting satan i hait na planim nabaut insait long laip bilong planti gutpela lida na manmeri insait yet long Katolik sios. Dispela muvmen i gat bikpela testimoni insait long Katolik sios hia long PNG na long olgeta hap bilong graun na Katolik sios i stap long em.

Sampela gutpela mak bilong wok Karismatik em nupela hangre i kamap long laikim sios na ol sakramen na hangre long tok bilong God i kamap bikpela moa, na ol pipel i laik mekim wok helpim long kainkain we long skurim wok bilong autim gutnius i go moa yet, pre laip i akmap bikpela moa yet, ol marit i laik bruk i sanap strong gen, na gutpela wok bung na luk-save long wok wantaim na serim laip wantaim ol arapela kristen brata susa bilong ol arapela lotu.

Yumi olgeta Katolik i mas wok hat long holim pasim dispela nupela presen bilong God na bai yumi wantaim helpim bilong Holi Spirit i ken senisim Katolik sios olsem bai Jisas i ken kam bek gen.



Wanpela man i prea long nait

Bikpela, nau mi prea long yu. Mi laik yu helpim mi kwiktai. Mi singaut long yu, na mi laik bai yu harim beten bilong mi. Mi laik yu kisim prea bilong mi olsem smok i gat gutpela smel i go long yu, na olsem ofa mi mekim long nait. Bikpela, yu mas was gut long maus bilong mi, na bosim gut toktok bilong mi. Yu no ken larim bel bilong mi i kirap long mekim pasin nogut. Na nogut yu larim mi i bung wantaim ol man nogut na mekim sampela rong. Yu no ken larim mi i sindaun wantaim ol long pati bilong ol. Gutpela man i ken sori long mi na mekim save long mi na krosim mi.

Buk Song 141: 1-5

Wok misin long Kep Rodni i kamap gut tru

HELEN REI i raitim

SAMPELA yangpela yut bilong Angliken sios long Mosbi i bin amamas long wanpela gutpela wok misin ol i mekim i go insait long Kep Rodni long Sentrel provins.

Namba ol 25 yut i bin kisim 10-pela de wok misin raun igo long Kep Rodni long karimaut ol awenes long ol bikpela hevi olsem sik AIDS, lidasip na gutpela pasin wanwan manmeri i mas kamapim.

Het tok bilong dispela wok misin em, Bung Wantaim o United long tok Inglis. Ol dispela

lain yut i kamapim dispela plen na wok ol i laik mekim we ol i bungim ol manmeri bilong olgeta arapela sios tu i kam bung wantaim long woksop na tu long apinun felosip we ol i kamapim.

Ol dispela Angliken yut i gat narapela wok ministri tu ol i kolim Kempas Crusade we ol i soim ol pika o film long stori bilong Jisas.

Vais siaman bilong dispela yut grup na projek kodineta bilong trip Jacob Vegogo i tok dispela miting i bungim gut olgeta lain bilong ol bikpela sios na ol Pentikostel tu wantaim.

Ol bikpela sios olsem Yunaitet, Angliken na

Katolik wantaim ol arapela olsem Seven De Edventis na Bahai tu i kamap bung wantaim ol.

Ol samting we i bin kamap em long woksop bilong sik AIDS we wanpela memba bilong Englikea STOP AIDS i go pas long en na ol arapela lidasip na arapela program bilong gutpela pasin. Long apinun i save gat lotu. Piksa em ol i bin soim long Trinde na Sande apinun.

Long Fraide Julai 13, grup i holim wanpela liklik krused long apinun we i pulim moa long 800 manmeri long kamap na fesosip wantaim.

Mista Vegogo i tok pipel long Kep Rodni i bin mekim bikpela tok amamas long ol long dispela wok misin bikos dispela i bungim olgeta manmeri bilong wanwan lotu i kam bung wantaim. Em i tok ol pipel i amamas bikos dispela wok misin i brukim ol banis bilong lotu na olgeta i amamas long kam bung wantaim na stap insait long kainkain program yut grup ya i kamapim. Het tok bilong dispela wok misin i strongpela na ol lain i stap insait i pilim blesing bilong Bikpela.

Ol asples klostu olsem Koko Len, Upulima na Kupiano i

kamap tu na stap insait long ol woksop na nait felosip. Em i tok rot i go long hap i no gutpela tasol ol i go gut aninit long was bilong God.

Em i tok ol manmeri long hap i gutpela tru long pasin bilong ol na ol painim laikim bilong God i stap namel long ol na ol pipel long hap. Ol i luksave olsem ol pipel long hap i hangre long tok bilong God olsem na ol i plen long go bek long narapela taim.

Mista Vegogo i tok woksop program long sik AIDS i bin kamap gut tru na ol pipel i luksave gut tru long nogut bilong dispela sik na ol i askim long moa save na tingting long dispela samting olsem woksop olsem i mas kamap moa.

Dispela em namba wan taim bilong ol yut insait long Angliken sios long go aut na ol i pilim strong nau long go aut gen.

Mista Vegogo i tok ol plen long holim narapela trip gen long tem 3 skul holidet taim tasol ol i no makim wanem hap bilong go yet.

Long Julai 29 bai ol yut na Angliken Mama Yunion long Pot Mosbi Daiosis bai holim lotu bung long Sen Johns Katedral.

Tupela grup nau i kam wantaim aninit long wanpela grup tasol na i gat saplin bilong ol olsem hap bilong senis insait long Pot Mosbi Daiosis.



• Ol Angliken yut grup i kamapim wanpela gutpela wok misin long Kep Rodni.

Boiken selebretim Sen Paul fist de

MARTIN TANES i raitim

SEN Paul haus lotu long Boiken, Is Sepik provins i gat bikpela nois bilong amamas i kamap long Fraide Jun 29 we ol manmeri bilong pars i amamasim Sen Paul Fist De insait long tripela de olgeta.

Dispela program istat long Fraide wantaim lukaristik selebresen long Sen Paul Haus Lotu we Pater Andrew Lol, SVD i go pas long semon. Dispela selebresen i lukim ol sios woka na ol lain manmeri i kam bung wantaim.

Insait long semon bilong em, Pater Andrew i tok ol pipel i save wok olgeta de long kamapim mani na ol sios woka i save wok long bilip tasol. Na dispela wok bilong ol ino long mani tasol long wok bilip bilong ol. Taim olsem long hap pas 11, Katekis Martin Wagi i autim tok long stori bilong Sen Paul na bihain ol skul

pikini bilong Boiken Praimeri Katolik Skul i pilaim Tabloid gem.

Long neks de long 11 kilok, konfemesin mes i kamap long Sen Paul Haus Lotu graun. Bisop Tony Burgeons DD wantaim Din bilong Wewak Pater Liam Dunne, SVD i go pas long givim konfemesin long 327 manmeri. Singsing tumbuna i kamap long 2 kilok apinun we ol nois bilong garamut i pairap na pulim ol manmeri i go insait long ol singsing na danis bilong tumbuna i go het wantaim bikpela amamas.

Long Sande las de bilong selebresen long Julai 1, ol manmeri bilong paris i bung na holim bikpela lotu long tok amamas na lotu long God long planti blesing em i save givim ol olgeta taim aninit long was bilong Sen Paul husat tu em wasman bilong Boiken Sios.

Bikos dispela Sande tu em fist de bilong Sen Peter, wanpela bilong ol faipela eria

bilong Sen Paul Boiken paris, Bisop Tony husat i bin stap pas long planti selebresen long tenkgiving mes i tok, insait long helpim na piksa bilong Sen Paul na Sen Peter, sios i gat strong long Krai na ino inap pundaun long ol hevi na traim.

Long 12 kilok belo, ol presentesen bilong singsing na drama i kamap. Ol drama pilai i soim ol sampela hevi ol sista i bin bungim long ol liklik pikini husat i no sindaun gut long Boiken eria long taim bilong wol woa 2.

Ol dispela drama pilai i bin kamap gut tru na i pulim tingting bilong planti ol lapun i go bek long ol hevi na sindaun bilong ol long taim bilong woa long 1942 inap 1945. Ol manmeri i amamas tru na paitim bikpela han tru long lukim dispela gutpela drama pilai i bin kamap. K'osju long 3 kilok apinun, ol manmeri i bung long kaikai bilong pinisim dispela

tripela de program bilong Sen Paul fist de selebresen.

Dispela selebresen em bilong makim taim bilong tok tenkyu long God na ol tumbuna singsing na danis na bung kaikai wantaim i kamap bilong helpim ol manmeri i holim yet ol pasin tumbuna bilong ol.

Sen Paul i wanpela bilong ol 46 Katolik paris log Wewak daiosis. Em i stap 58 kilomita ausait long Wewak taun we wanpela Divine Word Misinari, Pater Ebberhard Limbrock i bin painim na kamapim dispela paris long Me 8 1908.

Sen Paul paris long Boiken em ol i save kolim tu pailot paris we i gat 5-pela eria (sab paris). Insait long ol dispela 5-pela eria, tripela i stap wantaim ol komyuniti na tupela em praimer skul long meinlen na tupela i stap wantaim 7-pela komyuniti na tupela komyuniti skul long ailan bilong Karanau na Yuu.



• Tupela meri ya i lukluk long ol piksa bilong ol bagarap long Aitape taim solwara i bagarapim ples na ol pipel tripela krismas i go pinis. Las wik em namba tri yia bilong tingim dispela bagarap.

AusAID stapim rot mani, Minista i tok

HELPIM mani bilong Australia Gavman aninit long woks program i no bin go stret olsem na ol wok bilong stretim hailans haiwe i no bin kamap stret, Minista bilong Woks na Trensport, Alfred Pogo i tokaut.

Mista Pogo i tok AusAID mani bilong go long helpim ol wok bilong stretim rot em ol i rausim bek na dispela i stapim ol wok program long ol bikpela rot mentenens.

Woks Minista i mekim dispela tok-tok long bekim askim bilong memba bilong Unggai Bena Damson Lafana.

Mista Lafana i bin askim long wanem as na bikpela program bilong stretim hailans haiwe i no stretim rot namel long Yonki i go long Kainantu yet.

Mista Pogo i tok aninit long ADB fanding, wanwan provins insait long hailans i mas putim K1 milien. Tasol sampela hailans Provinsal Gavman tasol i putim dispela mani na sampela i givim hap. Tasol Enga na Simbu provins i no putim wanpela mani yet.

Em i tok i nogat sapot mani i kam long karimaut wok mentenens long

hailans haiwe na dispela i wanpela as tu long wok i no kamap gut.

Memba bilong Not Waghi Dokta Fabian Pok tu i askim Minista long wanpela rot projek we i stap insait long ilektoret bilong em na i stap tu long dispela program.

Memba bilong Lae Bart Philemon i askim Minista Pogo tu long tokaut long dispela rot program em wantaim Deputi Praim Minista Michael Ogio i wok long karimaut long nius moa long wanpela mun.

Mista Philemon i tok em i lukim olsem tupela Minista ya i askim ol wanwan memba long putim sampela mani i go insait long dispela program bilong wokim na stretim ol rot insait long ilektoret bilong ol wanwan. Mista Philemon i tok em i lukim olsem dispela em plen na tingting bilong PDM gavman long ol memba i bihainim.

Minista Pogo i tok tru dispela em wanpela gutpela program na sapos i bin wok, bai gutpela wok tru i kamap long stretim gut olgeta rot insait long kantri. Tasol AusAID i stapim sapot bilong em long ol rot program.

Mosbi Jenerel Haus Sik i gat planti hevi

BIKPELA Haus Sik long Mosbi i gat planti hevi tru long bet i sot, nogat inap marasin na nogat inap wokmanmeri, memba bilong Mosbi Not Is Philip Taku i tokaut long palamen long dispela wik.

Mista Taku i tokaut olsem em i bin go slip long haus sik tripela mun olgeta na em i lukim ol dispela hevi i stap klia tru na em i no amamas tru.

Em i askim Minista bilong Helt long wanem samting bai Gavman i mekim long stretim ol dispela hevi nau long Mosbi Jenerel Haus Sik bikos Mosbi haus sik em wanpela bikpela haus sik we i save kisim ol sikmanmeri i kam long ol arapela provins na ol liklik klinik.

Mista Taku i tok tu olsem sik misel

i kamap bikpela nau long Mosbi na i wok long bagarapim planti liklik pikinini tru.

Em i mekim bikpela tok amamas igo long ol liklik dokta, sista na nes husat i kilim skin long mekim wok bilong ol insait long dispela hat taim ol i stap long en. Em i tok ol dokta, nes na sista bilong Papua Nugini em ol namba wan lain tru bilong em gut wok bilong ol.

Minista bilong Helt Tommy Tomscoll i tokaut olsem em i kamapim pinis wanpela wok lukluk i go insait long ol wok na hevi bilong Mosbi Jenerel Haus Sik. Na wanem luksave em i kisim long dispela, bai em i lukuk i go insait long ol hevi we i stap long haus sik na traim stretim.

Straik i kamap long bagarapim Gavman tasol, Sir Mekere i tok

PRAIM Minista Sir Mekere Morauta i tokaut olsem straik we ol yunivesiti studen i bin mekim egensim Gavman i kamap olsem rot bilong traim bagarapim Gavman.

Sir Mekere i tok long givim ansa o bekim hariap long ol studen long straik bilong ol egensim Praivetaisesen na Len Mobilaisesen em i no isi bikos sampela poin bilong straik i no stret na i no tru na husat i go pas long givim ol tingting long straik i no bin givim stretpela tingting long ol studen.

Sir Mekere i tok sapos straik i bin sut tasol long Praivetaisesen, em bai orait long givim sampela bekim, tasol straik i tok tu long Len Mobilaisesen we i no wanpela polisi bilong toktok namel long Gavman na Wol Beng.

Praim Minista i tok em i lukim olsem sampela lain i yusim dispela toktok bilong Len Mobilaisesen olsem rot bilong traim givim hevi long Gavman.

Em i tok Gavman i kisim ol hevi na wari bilong ol studen i

straik na famili bilong ol studen husat i dai na Gavman bai stretim ol kompensesen long famili bilong ol studen i dai.

Praim Minista i mekim ol dispela toktok long bekim askim bilong memba bilong Mendi Michael Nalik long bilong wanem na em i no go hariap long kisim petisen bilong ol studen na bai Gavman i stretim kompensesen long dai bilong ol studen o nogat.

Praim Minisat i tokaut olsem i gat wanpela enkwairi kot bai kamap long lukluk igo moa insait long dispela hevi we i bin kamap na dai i kamap long ol studen.

Memba bilong Is Sepik rijinol Sir Michael Somare i askim sapos Praim Minista i ken tokaut long nem bilong husat ol lida i stap insait na pusim straik long kamap o i mekim sampela samting insait long sapotim straik. Tasol Praim Minista i tok dispela inkwairi kot bai kamap na inap painimaut husat ol lida i gat nem long dispela hevi.

Waiko tromoi hevi bilong skul saplai go long PEB

WANEM hevi i kamap long ol kontrakta bilong ol skul saplai bilong dispela yia insait long wanwan provins em samting bilong Provinsal Edukesen Bod, Edukesen Minista Profesa John Waiko i tokaut long palamen long Tunde dispela wik.

Profesa Waiko i tok Gavman i bin brukim K8 milien bilong skul saplai na givim wok i go long wanwan Provinsal Edukesen Bod long kamapim wanem rot ol i ken bihainim long skelim ol saplai i go long wanwan skul insait long wanwan provins. Olsem na em i nogat pawa long go insait long wok bilong wanwan Bod.

Profesa Waiko i mekim dispela toktok long bekim askim bilong memba bilong Madang Jacob Wama we em i tokaut olsem bilong wanem as na kampani husat i kisim wok bilong skelim ol saplai long Madang i no mekim gutpela wok long namba wan kota, na nau ol i kisim gen kontrak long namba tu kota.

Mista Wama i tok planti skul long ilektoret bilong em i no kisim ol skul saplai yet na em i no amamas long pasin Gavman i mekim long skelim skul saplai insait long provins bilong em.

JULAI TYRE SPESOLS

HANKOOK & MICHELIN TYRES

PLANTI STAIL LONG OL KWALITI HANKOOK NA MICHELIN TYRES LONG FITIM OL KAIN KAIN KAR NA TRAK.

Hariap...No Ken Miss Aus. Dispela Mun Tasol!



20% OFF
LONG RETAIL PRIAS



Ela Motors TYRES

KISIM OL LONG ELA MOTORS PATS DIPATMEN NA OL TYRE SENTA LONG OL GETA HAP.

PORT MORESBY PH 3229400 LAE 4722322 KOKOPO 9829100 MADANG 8522188 GOROKA 7321844 MT HAGEN 5421888 WEWAK 8562255 KAVIENG 9842788 KIMBE 9835155 TABUBIL 5489060 VANIMO 8571254 PORGERA 5479367 BUKA 9739915 LIHIR 9864099 ALOTAU 6410100

VISIT OUR WEBSITE - <http://www.elamotors.com.pg>

Kristen Buks Melanesia i redi long Nesenel Buk Wik

I GAT wanpela mun i stap inap kantri i tingim dispela taim bilong amamasim narapela Buk Wik we bai kamap. Ol lain husat i go pas long dispela stretim na wok long plenim gut na skelim gut tingting long mekim dispela Buk Wik kamap gutpela.

Ol skul institusen ol ajensis na Nesenel Litresi Kaunsil i kamapim pinis ol wok redi bilong makim dispela Buk Wik. Long stat bilong dispela wok redi ol i lukim olsem dispela program i no bilong soim ol skul pikinini, tisa na ol save lain tasol, nogat. Em i op long arapela lain tu i kam na stap insait.

Long mekim i gat moa lain bilong visitim na stap insait long dispela Buk Fer na ol narapela wankain litresi program we bai kamap long dispela taim long olgeta hap long kantri i soim olsem dispela program i wok long go aut long ples yumi stap long en.

Litresi levul bilong kantri i mas i go antap moa yet long wanpela wanpela yia long mekim bai moa pipel long dispela kantri i mas painim rot bilong greduet long ol

skul na arapela ol litresi institusen. Long strongim olgeta hap long kantri i no bin gat gutpela rekot wantaim ol ripot bilong planti litresi institusen long bipo taim we ritresi i ken helpim long givim han wantaim long kamapim gutpela sindaun insait long kantri bilong yumi.

I gat wanpela Kristen ogenaiesen, we i save helpim long givim aut planti gutpela litresi program long developim ol pipel bilong dispela kantri em Kristen Buks Melanesia Ink.

Kristen Buks Melanesia Ink i bin stat long yia 1973 taim ol misineri bilong Kristen Brethren Sios i mekim wok misin insait long Sepik provins na ol arapela hap eria tu.

Stat bilong dispela ogenaiesen i bin kamap isi isi na man husat i bin kirapim dispela ogenaiesen i lukim olsem i gat bikpela nid bilong kamapim wanpela buk stua inap long helpim em na sapotim dispela wok bilong litresi i go het long ol lokol sios insait long Sepik eria.

Wantaim dispela bikpela wok, man husat i bin kirapim dispela ogenaiesen em i samapim wan-

pela as toktok bilong dispela misin olsem.

"Long produsim pablisim distributim na sutim aut ol gutpela Kristen Litresi buks bilong helpim ol man na meri long long luksave moa long tok bilong God we i ken strongim Kristen bilip bilong ol. Dispela tu i ken kirapim gut ol wan wan, strongim ol famili bilipim ol lokol sios na givim gutpela tingting long kirapim ol Kristen i pasim insait long Melanesia na long ol arapela hap long graun tu i ken luksave."

Bipo long stat bilong dispela ogenaiesen i bin i gat sampela liklik ol buk stua namel long ples ol Kristen na misineri i save stap we ol kolim ol Talatate's. Dispela kampani nau i save prinim ol Kristen buks long Tok Pisin na long Pasifik Inglis bilong pinisim ol wok we ol misineri i bin tisim na tu long surukim tok bilong God i go het.

Long manmeri bilong God wantaim pasin bilong givim i bin i gat bikpela nid long rit na rait insait long ol sios. Ol misineri i bin i gat bel kirap long apim levul bilong raitim ol Kristen buks, pablisim na

givim aut ol samting we bai helpim spiritual laip na mekim klia nid bilong ol na rait insait long ol lokol sios.

Dispela Ministri bilong Kristen Buks Melanesia i soim gutpela piksa na em i hariap tru long kamapim planti gutpela kaikai na em i painim em yet olsem wanpela bilong ol Kristen Pablisim Kampani we i wok long i go pas insait long Papua Niugini.

Dispela ogenaiesen i save kamapim na givim aut ol litresi buks olsem mak bilong wan milien hap Inglis na Papua Niugini Tok Pisin buks bilong rit na rait long olgeta yia i gat ol Baibel stadi bilong helpim, baibel komentri na ol refrens buks, ol kain kain Kristen buks helt buks na planti ol arapela wankain subjek we i save kamap insait long sios.

Kristen Buks Melanesia i gat ol buk stua i stap long Vanimo, Aitape, Wewak, Maunt Hagen, Madang na kago haus i stap long Lae we ol katen buks bilong ol i save go long hap pastaim bihain ol salim aut long ol arapela buk stua

bilong ol yet insait long Papua Niugini. Dispela em wanpela kain ogenaiesen we i save kisim sapot long em i no long wanpela sios tasol, nogat olgeta ol narapela sios tu i save helpim wantaim ol skul na gavman dipatmen tu. Dispela ol lain i stap olsem lain tru bilong Kristen Buks Melanesia we ol i gat luksave na mekim na long ogenaiesen i kamap gutpela na mekim wok i go het.

Ol buk stua bilong Kristen Buks Melanesia i gat planti kain kain buks bilong mekim musik, ol developmen bilong spot, stesineri, ol samting bilong kirapim tingting bilong bipo taim, ol saplai bilong skul, Sande skul saplai o kaset na CD wantaim griting ka.

Kristen buks Melanesia tu i amamas long sponsarim FM 100 Hits na Memoris radio program long olgeta sande nait. Kristen Buks Melanesia i save sapotim ol narapela Kristen ministri long planti kain we tu kain olsem ministri bilong ol kalabus lain baibel korespondens kos, sponsa bilong ol sumatin na ol autritsim tu.

Demas Saul na Felix Yausi mekim nais long PNG musik

KIWURAM KANAKO i raitim

BIKPELA haus musik long Lae siti, em long Planet Rock i bin pairap wantaim ol gutpela, strongpela na switpela musik bilong tupela bikpela nem musikman bilong Madang.


Dispela tupela musikman em long Felix Yausi, bos bilong Gembog Band na Demas Saul, wanpela olpela memba bilong Old Dog and Off Beats Band. Dispela tupela stail musik pikinini wantaim Tumbuna Track Mega Band i bin kukim Lae siti long Julai 13 na 14. na ol bin bagarapim sindaun bilong olgeta lain manmeri husat i bin kamap na soim olgeta stail na kala long Planet Rock disko haus.

Yes, em tru yu bin lukim pinis ol musik piksa (vidio klips) bilong Felix wantaim Demas. Na tu yu bin harim pinis musik bilong tupela long redio na mi save yu gat kaset bilong tupela i stap long haus bilong yu.

Nau yet Felix Yausi i gat tupela singsing bilong em inap long Yumi FM Weekly Hit 20. Dispela tupela singsing em long "Wara Sepik" na "Pondopondo". Pastaim "Wara Sepik" i sindaun long namba wan ples. Na i no longtaim, "Pondopondo" i spetim buai i go na daunim wik long lam bilong "Wara Sepik" na nau, dispela pes buai manki i holim pas namba wan ples yet. Nau yu yet mas holim strong dispela "Pondopondo" buai ples manki long stap kukurai yet.

Tasol Felix i mas lukaut tu long brata bilong em Demas Saul. "Oulamagi Kuni" bilong Demas i stap nau klostu long namba 10 mak nogut "Pondopondo" bai lusim sia bilong kukurai. Ating sapos em i givim sampela buai long Demas, bai em i stap yet. Yumi no save tasol nau em tupela stail manki i kam ausait long Tumbuna Track i redi long soim pawa, kala na strong bilong tupela. Na tupela i kisim strong i kam long ol lain husat i save laik larim musik we Tumbuna Tracks i save katim.

Demas Saul i tok olsem taim em i wok long singsing wantaim ol sampela sumatin bilong Yunivesiti bilong Divain Wod (DWU) Tumbuna Tracks Mega Band antap long wanpela selbot we i trip long Jais Aben Resort, wanpela man husat i stap long Rabaul i tok olsem dispela singsing "Oulamagi Kuni" i luk olsem wanpela bom




• Tupela biknem musikman bilong Tumbuna Trek mekim nais wantaim kaset bilong tupela.

we bai pairap na kamapim bikpela bagarap. Na toktok bilong brata ya i luk olsem klostu nau bai dispela bom i pairap.

Singsing "Oulamagi Kuni" em wanpela olpela memba bilong Paramana Strangers i bin raitim na givim i go long Demas long singsing insait long dispela nupela musik albam bilong em - "Pasin Barata". Demas i tok olsem dispela albam we em i katim i gat ol singsing we i stap long Tok Ples Motu, Sinaugoro, Aroma na Koiari (Sentral), Suau (Milen Be) na Tufi na Kaina (Oro).

"Ol singsing hia em bilong ol lain long Papua sait bikos mi luksave olsem planti manmeri na pikinini long dispela hap i save laikim long harim ol singsing i kam long Tumbuna Tracks Studio. Na tu planti manmeri i save amamas long harim ol singsing bilong mi wantaim ol arapela musikman we mipela kamapim na painim olgeta kala na bilas bilong Madang long ol", Demas i tok klia.

Dispela i soim olsem i gat bikpela maket bilong musik bilong Tumbuna Track long sait



bilong Papua na dispela em gutpela bikos ol manmeri long hap inap long gat sans tu long harim musik i kam long sait bilong Momase.

Demas i katim 10-pela singsing insait long dispela "Pasin Barata" musik albam bilong em. Wanpela gutpela singsing we i gat wankain stori olsem singsing "Tinan Yaman Ta" long "Meri Ailan" albam na "Swit Mama" long nambawan albam em long "Noken i Karai". Dispela singsing i stori long singsing sore bilong wanpela pikinini we mama bilong em i dai na lusim em i go pinis. Olsem insait long singsing "Tinana Taman Ta" ol papamama i rausim ol pikinini long haus bikos ol pikinini i bikhet na bagarapim nem famili. Tasol long singsing "Swit Mama", ol pikinini i laikim mama i mas kambek na stap lukautim ol. Maski em i bin kamapim asua pinis. Tasol mama i giaman na promisim ol olsem em bai kam bek. Em i ronawe i go na lus olgeta.

"Ol famili, i mas traime long soim olsem ol i laikim ol yet, soim olsem ol i gat luksave long arapela arapela na tu i mas soim pasin bilong stap strong. Ol dispela samting bai

mekim famili i stap gut. Sapos olgeta famili i bihainim olgeta gutpela kastom na lo, kantri bai stap na ron gut", Demas i tok.

Bilong wanem na Demas i kolim nem bilong albam - "Pasin Brata"? em i bekim olsem.

"Planti gutpela brata husat mi save long ol i helpim mi long putim kamap dispela namba tri musik albam. Ol i helpim mi long ol singsing. Na tu i gat wanpela singsing we i stap long Tok Ples Tufi we i stori long ol man husat i bin stap long kalabus na i bin kamap brata wantaim ol arapela kalabus. Taim ol i laik pinis long kalabus ol save tokim arapela olsem, . . . "brata mi no save bai mi bungim yu we gen. Ating long sampela hap bilong dispela graun gutpela yumi bin save long yumi yet. Olsem na yu lukautim yu taim yu lusim dispela haus. Sapos nogat, ating bai yumi bungim pes gen insait long wanpela bilong ol haus kalabus."

Sapos gutpela pasin i stap namel long famili, sapos pasin bilong laikim i stap, pasin bilong harim tok na lukluk i go antap long arapela i stap na pasin bilong strongim famili tu i stap, mi no ting planti bilong mipela bai kamapim asua na go kisim taim long ol haus kalabus! Olsem na sapos yu save long Tok Ples Koiari (Sentrel), harim gut singsing "Divo" we em i stori tu long pasin bilong harim tok bilong ol papamama na ol bikpela brata susa.

"Ol singsing bilong mi stori long wanem kankain pasin na samting i kamap pinis insait long ol famili na ples bilong yumi. Mi save laik singsing long ol samting we i kamap insait long laip na tu mi save laik singsing long bagarapim tingting na bel bilong ol arapela. Na strong bilong mi long musik i kam long taim mi raitim ol gutpela tingting tasol", Demas i tokim Wantok.

Demas i tok olsem ol dispela 5-pela singsing bilong em we em i bilip bai pairap strong em long "Oulamagi Kuni", "No ken i karai", "Signagu Lau Dekenai", "Kaiveagata" na "Divo".

Demas i tekyu i go long olgeta lain husat i bin givim em ol singsing we i stap insait long dispela musik albam bilong em. "Sapos yupela i no bin givim ol singsing, sapos yupela i no bin helpim mi long tanim i go long ol tokples, mi no bilip mi bai kamapim dispela musik albam. Bikpela tenkyu tru na laikim yupela olgeta taim."

Ol nesanel hai skul kisim K1 milien

Tambi laikim nupela hai skul mas muv

HELEN REI i raitim

NESENEL gavman i bin givim K1 milien long olgeta nesanel hai skul long kantri na dispela i lukim planti nupela developmen i bin kamap long ol dispela skul.

Man husat i save go pas long lukim ol wok long ol nesanel hai skul Simon Arua i tok Sogeri Nesanel Hai Skul husat i bin gat planti samting i bagarap long skul i bin kisim helpim long dispela mani na ol i bin stretim haus bilong ol sumatin i save kaikai long em.

Long stat bilong dispela yia wanpela diwai i bin bruk na pundaun na bagarapim wanpela domitori bilong ol mangi na dis-

pela tu em ol i bin stretim pinis. Ol ples bilong waswas na tolet tu em ol i stretim na bai gat moa wok long ol domitori bilong ol mangi long tupela wik.

Mista Arua i tok Passam, Kerevat na Aiyura nesanel hai skul bai kisim helpim long stretim ol ples bilong ol sumatin long silip.

Em i tok Pot Mosbi Nesanel Hai Skul i gat planti nupela samting na tasol i gat liklik wok tasol ol i mas mekim long skul. Narapela nesanel hai skul em Wawin long Morobe provins na disepla nau i mekim kamap sikspela nesanel hai skul olgeta.

Ol olupela nesanel hai skul i gat ol samting em i bin stap wantaim ol taim ol skul i stat na ol i nidim planti moa sevis na developmen long stretim ol olupela haus na

bilding nabaut.

Mista Arua i tok las yia nesanel gavman i bin kisim gutpela tingting long givim mani long olgeta nesanel hai skul na long dispela yia em i bai stat givim K1 milien long olgeta yia.

Em i tok planti ol nesanel hai skul long kantri i wok long kisim planti nogut ripot long ol skul na dispela bai i senis taim ol gutpela developmen i kamap long olgeta skul.

Mista Arua i tok tu olsem planti ol buk bilong ol i save yusim long skulim ol sumatin i kamap olplea pinis na ol i nidim nupela long senis ol olupela.

Nesanel gavman i wok long go het long givim skul fi subsidi bilong olgeta nesanel hai skul sumatin na wanwan i save kisim K150.

VAIS Minista bilong Environment na Konsevesen Bevan Tambi i laikim nupela Jimi Hai Skul em ol i mas rausim i go ken na mekim long wanpela ples we i namel long komyuniti.

Mista Tambi i bin mekim dispela tok tok long taim ol i bin stapim skul bihain long wanpela pait i bin kamap na graun i bin buruk na pasim rot bilong go long skul.

"Dispela ples we skul i stap nau i no gutpela long wanem ol sumatin bilong Dei na Banz eria i save kisim tupela de long kam long skul," Mista Tambi i tok.

Em i tok long we ol samting i wok long kamap em i lukim olsem planti hevi bai kamap wantaim ol gutpela developmen olsem na ol i mas stretim ol problem nau na larim ol sevis i go gut long olgeta pipel.

Mista Tambi i tok taim skul i stap long wanpela namel ples bai ol

komyuniti i ken helpim long lukautim gut na nogat hevi i ken kamap long samting bilong ol.

Jimi Hai skul i stap longwe tumas olsem na planti i no save kam long skul long wanem ol i save kisim longpela taim tru long kam long skul.

Em i tok wanpela ples em i ting olsem i gutpela long putim skul em long Tabibuga we distrik opis tu i stap na ol sumatin i ken isi long kam long skul.

Mista Tambi i tok edukesen i bikpela na gutpela samting ol sumatin i mas tingting long kisim gut save na maski long ripitim gen skul taim ol hevi i save bungim ol.

Em i tok i no gutpela long ol sumatin i mekim olsem long wanem em i rait bilong ol long go long skul na em i laik olsem ol i mas stretim dispela hevi long ples bilong em.

CBM i wok yet long kamapim kristen komyuniti long PNG

BENSTEAD TARU i raitim

WANPELA mun tasol i lep na bai nesanel Buk Wik i bai kamap na ol lain husat i bai go pas long dispela i mekim planti wok long stretim ol samting bilong mekim Buk Wik i kamap gutpela.

Ol skul, institiyusen, ol ejensi na Nesanel Litrasia Kaunsil i bin stat pinis long mekim planti wok long mekim dispela de we i bai kamap.

Taim ol i bin statim Buk Wik as tingting bilong em i no lona oulim ol sumatin na

na ol tisa tasol. Ol i laik bai planti lain husat i laik lain long rit na rait i mas join na mekim dispela de i kamap de bilong ol tu long kantri.

Bipo taim ol i bin mekim ol progrem bilong luksave long dispela de planti lain tru i bin kam long ol buk fe na ol narapela progrem ol i save mekim long makim Buk Wik. Ol oganaisa bilong Buk Wik i save lukim olsem ol pablik i save kisim gutpela ol tingting taim ol i save kam long lukim ol fe we ol i save oganaisim long dispela wik.

Long lukluk bilong ol save lain long edukesen, level bilong ol i kisim save long rit na rait i go antao liklik olae-

ta wanwan yia na planti sitisen i save pinisim ol skul bilong ol na greduet long ol skul.

Planti ol niuspepa ripot na ol narapela nius i save tokaut olsem planti moa skul i wok long kamap long kantri na dispela i save opim rot long developmen long kantri.

Wanpela kristen oganaisesen husat i save mekim planti kontributsen i go long ol pipel bilong PNG em Kristen Buks Melanesia (CBM). CBM i bin stat long 1973 na ol misinari bilong Kristen Bretren Sios husat i bin wok long Sepik na ol komyuniti i bin statim wok long kamapim CBM.

Ol i bin stat liklik tru na ol lain husat i bin kamapim CBM i laikim olsem CBM mas stat long lukautim em yet long mekim bisnis tasol tu em i mas tingting long helpim nid bilong ol lain insait long ol sios long Sepik eria.

Ol i bin kamap wantaim wanpela tingting long raitim ol gutpela kristen buk we bai i helpim ol pipel long save gut long toktok bilong God long buk Baibel. Tu ol i laik bai ol famili i ken kamap strong long wanem samting ol i ritim na bildim sios na kamapim gutpela kristen sindaun long Melanesia na wol.

Long stat bilong CBM ol i bin statim sampela stoa long olgeta hap bilong kantri we ol misinari i bin stap.

Dispela kantri nau i save kamapim planti moa kristen buk long Tok Pisin na tok inglis long helpim ol wok bilong ol misineri husat i save autim tok long buk Baibel.

Ol i save kamapim ol buk long ovasis tasol ol toktok i go het long raitim na kamapim buk long PNG yet.

Planti sios tru i laikim dispela kain ol buk na i save baim moa long helpim ol sios long PNG i aro bikpela.

Dispela i bin as tingting bilong ol lain husat i bin kamapim CBM bipo na nau dispela i wanpela bikpela kampani long kantri husat i save mekim kristen buk insait long kantri.

CBM i save kamapim moa long 1 milien buk na ol narapela kristen samting bilong ol kristen i ritim. Dispela ol samting ol i save mekim olsem Baibel stadi ed, Baibel komentri, refrens buk, ol kristen buk nabaut, helt buk na ol narapela buk bilong ol pasin we i save kamap long kantri na komyuniti.



NATIONAL HEART FOUNDATION OF PAPUA NEW GUINEA INC.

WANKAIN TAIM LONG OLGETA YIA MIPELA ASKIM LONG YU LONG HALIVIM



MIPELA I STAT NAU LONG YIA 2001...

HELPIM MIPELA LONG KISIM TAGET MAK BILONG MIPELA!

PLIS SALIM OL DONESIN BILONG YU IGO LONG ADRES DAUNBILO

P.O. BOX 158
M.T HAGEN, W.H.P
PAPUA NEW GUINEA

TELEPHONE: 542 2199
FACSIMILE: 542 2384
Email: mount_hagen@guinpkf.com.pg



2001 ANNUAL APPEAL

Name:.....

Company:.....
(IF APPLICABLE)

Address:.....

My/Our donation to the foundation is:

K10.....K25..... K50.....

K100..... K250K500.....

K1000.....Others.....

NB: Donations in excess of K50.00 are Tax Deductable

Olgeta manmeri kamapim hevi long kantri

PABLIK Sevan Minista na memba bilong Nipa Kutubu Philemon Embel i tok pasin bilong yumi olgeta manmeri long kantri i bagarapim lukluk bilong yumi.

Ol ausait mameri i pret long kamapim bisnis long kantri bikos nogat wanpela gutpela pasin i save kamap long PNG.

Mista Embel i tok ol pasin olsem raskal, trabel pait, pulim meri na wanem narapela pasin yumi save mekim i kamapim nem nogut long kantri na ol ausait manmeri i pret long kam long hia.

Em i tok Madang bisnis man na man husat go pas long karim turis i kam insait long PNG, Sir Peter Barter i laik salim Melanesian Discoverer, wanpela sip bilong karim ol turis raun

long PNG bikos ol turis i pret na i no moa kam long PNG.

Em i sutim toktok long olgeta manmeri bilong komyuniti olsem raskal, ol wokus yunien, ol sumatin na ples lain i no save kamapim wanpela gutpela nem bilong dispela kantri na ol pipel i pret long kam.

"Em i wok bilong olgeta manmeri long lukautim na givim gutpela nem long dispela kantri," Mista Embel i tok.

Mista Embel i tok ol asua bilong bipo i kamap bikpela na dispela hevi ol pipel bilong nau wok long karim.

Em i tok nogat wanpela man inap poinim pinga na tok dispela man o meri i asua bikos em wok bilong olgeta manmeri bilong dispela kantri long kamapim gutpela nem.

Pipel i no klia long Praivetaisesen

PEKU PILIMBO i raitim

MEMBA bilong Kundiawa Gembolg Peter Waieng i tokim palamen bung dispela wik olsem ol pipel i no klia long wanem samting em praivetaisesen.

Mista Waieng i mekim dispela toktok long bung bilong palamen dispela wik bihain long palamen i malolo stat long las yia.

Mista Waieng i tok ol pipel i no klia na gavman i mas sanapim wanpela opis bilong ol i ken tok-save gut long ol pipel.

"Ol pipel bilong mi long

Kundiawa Gembolg i no save wanem em praivetaisesen," em i tok.

"Praivetaisesn bai mekim na kantri inap sanap long tupela lek bilong em.

"Wanem taim long las 25 yia wanpela bisnis bilong gavman i karim win mani i kam givim long gavman na tok dispela em win mani mi kisim?" Mista Waieng i askim.

Em i tok praivetaisesen em gutpela samting bilong helpim kantri tasol ol manmeri i no klia tru long mining tru bilong praivetaisesen na planti manmeri i karim kainkain toktok raun na paulim ol pipel.

Ol i kamapim kainkain bilip na gavman i no mekim wanpela samting long stretim dispela hevi.

Mista Waieng i tok wok bilong gavman i no long ronim bisnis. Wok bilong gavman em long kamapim lo na lukim olsem sevis i go long ol pipel.

Gavana bilong Sentrel provins Ted Diro i mekim wankain toktok na tok ol pipel i wok long tingting olsem gavman laik salim bisnis long bekim dinau bilong Wol Beng na IMF.

Mista Diro i tok ol i no klia tru long wanem as praivetaisesen i laik kamap. Ol pipel i kisim tok-save tu bai i no bilip hariap.



• Ol wokman bilong Waghl Mek i kam skelim kopl long Banz, Westen Hailans provins. Foto: SAPE METTA.

Kamapim gutpela gavman na kisim helpim, Sir Kaputin i tok

MEMBA bilong Rabaul na Minista husat helpim Stet na Praim Minista Sir John Kaputin i tok Wol Beng na IMF bai givim helpim sapos gavman i mekim gutpela wok.

Sir Kaputin i tok ol gavman bilong bipo i bagarapim ol mani na helpim ol i kisim long ol lain ol Wol Beng, IMF, Yuropien Komisnin, Australia na ol arapela pren bilong PNG.

Tasol nau i gat luk-save olsem gavman bilong PNG i wok long paulim mani nabaut na

i no mekim gutpela wok.

Nau sapos gavman laik kisim helpim em i mas bihainim gutpela rot bilong gavman pas-taim long em i kisim helpim.

Sir Kaputin i tok olsem em i bin stap insait long sampela bikpela bung wantaim opisal bilong Wol Beng na IMF long New York na Sydney insait long Australia.

Long ol dispela miting ol i save tokim Sir Kaputin olsem gavman i mas kamap klin na

gutpela bipo long ol i ken givim helpim.

Em i askim ol memba bilong palamen long ol i mas traim kamap wantaim gutpela rot bilong ronim gavman na kisim struktural edjasmen program bilong Wol Beng.

Sapos ol i no mekim olsem bai kantri i gat hevi yet.

Em i tok ol memba i mas senisim pasin bilong ol na ronim gavman gut bai ol pren bilong PNG wantaim Wol Beng na IMF i givim helpim mani.

Sir Mekere winim Skate long rausim man

MEMBA bilong Lae Bart Philemon i tok olsem gavman bilong Sir Mekere Morauta i winim gavman bilong Bill Skate long rausim ol het bilong gavman dipatmen insait long kantri.

Mista Philemon i tok ol dispela save man inap helpim kantri long dispela taim nogut tasol gavman i wok long rausim ol.

"Gavman i slek na i no tingting gut taim em wok long rausim ol gutpela save man bilong kantri," em i tok.

Em i sutim tok olsem ol gutpela saveman na

pablik sevan olsem Camilius Midire, Issac Lupari na planti arapela i raus klostu na husat bai stretim hevi bilong kantri.

Em i tok gavman i mekim gutpela wok tru long traim stretim ikonomi bilong kantri tasol ol man bilong menesim dispela ikonomi gavman wok long rausim.

Em tok ol gavman bilong bipo long 1991 i kam i kamapim planti dinau na hevi bilong ol dispela gavman i pundaun antap long nau gavman.

Dispela hevi ol man i kamapim na wantaim helpim bilong ol pablik sevan gavman inap stretim ol dispela hevi tasol gavman tanim na wok long rausim ol pablik sevans.

Em i askim gavman long luksave long wanem kain save ol pablik sevan inap kisim i kam insait long traim stretim hevi bilong kantri.

Gavman i noken rausim ol i go i kam bikos nau nogat wanpela save man bilong pablik sevis i stap husat inap helpim gavman wantaim hevi.



• Ol lain bilong Banz i wok long pikim kopi.

Madang provins laik groim moa kakao na kopra

MADANG provins i laik groim moa kes krop olsem kakao na kopra na sampela moa we em ken bringim moa mani i kam insait long provins na kantri tu wantaim.

Long dispela as memba bilong Usino/Bundi George Wan wantaim, Provinsel Edministreta Clunt Alok bin invaitim na kisim ol sinia opisa bilong kakao/kopra Ekstensin.

Ejensi (CCEA) wantaim bos bilong ol Uron Salum Nabos Mista Ovasoru wan-

taim ol opisa bilong em na menesa bilong Rurel Developmen Beng tu bin go lukluk long wanpela bikpela hap graun i stap 74 kilomita namel long Usino/Bundi, Midel Ramu na Madang Open ilektoret long developim na planim ol kakao na kopra.

Na long sem taim tu, ol ken planim ol sampela kes krop olsem vanila, sili, gadamon na sampela moa.

Dispela eria em stap namel long Sogeri we memba wok long wokim rot

long las 6-pela yia long bungim Simbu Aiome, na bihain linkim Maunt Hagen na Hailans provins.

Mista Wan husat bin kamap wantaim dispela tingting long kirapim dispela bikpela projek long eria bilong em bikos em tok, eria bilong em em bikpela tru na em wanpela rot we ken helpim stretim sindaun bilong ol pipel bilong em.

Em long wanem, em tok ol kes krop olsem bai i stap longpela taim we ol pipel yet bai papa na em moa gutpela

long helpim ol pipel long stat growim nau.

Em tok, em yet bai helpim long baim ol sids.

Bos bilong CCEA Uron Salum i tok, ol lukim prais dispela em i olsem em gutpela tasol ol man save moa long graun mas wokim stadi pastaim na givim ripot long wanem hap graun em gutpela bilong planim wanem kain kes krop.

Em wanbel tu olsem opis bilong em i amamas tru long helpim wanem kain projek ol tingting long kamapim, em

wankain tu olsem ol wokim pinis long Is Niu Briten provins we em wok gut tru.

Em tok long ENBP em ol katim graun na givim long 2000 setelmen lain na ol redim ol sosel projek olsem skul, ed pos na sampela moa ol samting we bai ol ol ken yusim wantaim. Em bai wankain tu long hap, em tok.

Em agri tu olsem kes krop bai stap longpela taim long bringim mani i kam insait long provins na kantri na wantaim olsem na opis

bilong em bai sanap beksait long memba Wan long mekim save dispela projek i kik op.

Provinsel Edministreta Clant Alok i amamas na tu laik lukim olsem dispela projek mas stat kwik na bungim ol pipel bilong Midel Ramu, Madang na Usino/Bundi we olgeta bai helpim. Em tok dispela kain bikpela projek olsem bai helpim tru provins long longpela taim i kam bihain taim mi lusim sia bilong mi wankain tu sapos memba tu lusim.

Sik kensa kilim 10,000 manmeri wanwan yia

OL HAP HAP nius

• SIK kensa i save kisim 15,000 manmeri wanwan yia na sik i save kisim kainkain kris-mas grup bilong pipel.

Seketeri bilong Helt Dokta Puka Temu i tok planti manmeri i save kisim bikpela skin pen tru na dai.

Em i tok kain olsem ol narapela sik, sik kensa i bikpela tru insait long kantri tasol yumi no save gut.

Kensa i bikpela tru long bodi bilong ol meri olsem long susu na arapela, maus na lewa

bilong olgeta manmeri wantaim.

• PALAMEN i bin bung sindaun 15 minit tasol dispela wik Mande na stat long Tunde moning i kam ol i bung stret.

Mande i bin wanpela pablik holide na spika i surikim i kam long Tunde. Dispela palamen bung i kamap bihain long wanpela longpela seven mun holide ol memba i givim ol yet.

• Kefiu taim i senis long las Sande. Nau kefiu bai stat long 10 kilok nait na pinis long 5 kilok moning insait long biksiti, Pot Mosbi.

Ol i bin surikim pastaim i go 12 tasol bihain long lotu krused bilong SDA sios i pinis las Sarere, plis i toksave olsem kefiu bai kam bek long 10 kilok.

Dispela kefiu bai stat insait long siti inap Ogas 25.

• BODI bilong wanpela yunivesiti sumatin

i go bek long asples bilong em long Goroka.

Dispela sumatin i dai bihain long PMV bas em ron long en i bagarap na meri ya i sindaun long dua sit bilong bas. Taim bas i tanim hariap stret, meri yai flai i go ausait na dai.

• Wanpela pikinini wantaim tupelka kris-mas i nogat papamama taim tupela wantaim i dai long solwara insait long IS Niu Briten provins.

Tupela papamama wantaim narapela man i kapsait long bot namel long solwara na i dai. Dispela birua i kamap long Duke of York Ailan na pikinini nau i stap wantaim ol wantok bilong em.

• Olpela papa bilong Sandaun Motel bai kisim sas long brukim lo. Banora Trading Limited inap kisim sas bikos ol i no putim ol rekot gut na mekim nabaut.

Kot i painim olsem ol i no bihainim gut lo bilong mekim bisnis na kamapim planti gia-

man ripot bilong kisim mani nating.

Ol i ting dispela em i asua na ol inap sanapim papa bilong bisnis na manmeri husat kamapim ol dispela ripot long kot.

• Planti manmeri wantaim ami, plisman na Gavana Jenerel i bin bung long Sir John Guise Stadium dispela wik long tingim ol man husat dai 61 krismas i go pinis.

Dispela bung i tingim bek ol hat wok na dai bilong ol man husat pait long wol woa 2. Ben Moide tasol i wanpela man husat pait i stap long dispela bung.

• Ol sumatin i mas stap wantaim wanpela politikel pati.

Sir Anthony Siaguru i tokim ol sumatin bilong Divain Wod Yunivesiti long Madang olsem ol i mas stap insait long wanpela pati.

Ol i gat sampela save na inap helpim long kamapim dispela save sapos ol i stap wantaim wanpela pati.

Nogat gutpela as long rausim ol saveman

WANTOK

NIUSPELA BILONG YUMI OL PAPUA NIUGINI STRET

LAS wik yumi harim olsem Gavman i sot long mani na dispela i min olsem Papua Niugini bai bungim hat taim long mani.

Tasol long Sarere las wiken, Praisim Minista Sir Mekere Morauta i tokaut olsem sampela mani i kam pinis long Wol Beng na i stap long Beng bilong Papua Niugini (BPNG). Olsem na Gavman i no inap bungim hevi long mani tasol bai Gavman i lukluk long stapim mani long sampela eria bilong wok tasol planti eria bilong lukautim kantri bai orait.

Dispela em wanpela nius nogut tasol hariap tru gutpela nius i kamap long maus bilong man i go pas long Papua Niugini.

Ol bikman bilong Gavman husat i save wok wantaim mani bilong Papua Niugini i tokim ol wokman bilong gavman long noken mekim planti oda o kamapim ol ekstra wok nabaut bikos mani i hat liklik nau. Ol dispela bikman em het bilong Fainens Iamo Vele, bos bilong Nesenel Plening Camillus Midere na bos bilong Treseri Koiari Tarata.

Bihain tasol long tripela bikman ya i mekim dispela toktok, Gavman i bin holim kibung long wiken na pinisim Camillus Midere long wok bilong em.

Long palamen bung dispela wik, Memba bilong Lae Bart Philemon i sutim toktok long gavman olsem gavman bilong tude i winim tru Bill Skate na i gat nem long senisim ol bik man bilong pablik sevis.

Husat i tok tru long hia na yumi laik karamapim wanem samting? Ol bikpela pablik sevan i mas save long wanem samting tru i kamap long mani. Ating gavman i laik karamapim wanpela samting we em i no laikim pipel i mas save?

Bilong wanem na yumi wok long rausim ol gutpela save man bilong pablik sevis? Gavman i kam insait aste tasol bihain long ol pipel votim yu. Ol pablik sevan i bin stap wantaim wanwan dipatmen bilong ol longpela taim na ol i save long mekim wok bilong ol.

Hariap tasol ol memba kamap minista na kirap rausim ol pablik sevan long laik. Long palamen bung dispela wik, planti memba i tok amamas olsem gavman i mekim gutpela wok long kirapim bek ikonomi tasol em i asua long rausim ol bikpela pablik sevan.

Planti taim gavman o minista i save putim wantok bilong em long kisim ples bilong ol pablik sevan. Planti ol dispela wantok bilong minista i no save wanpela samting. Ol i kisim nem tasol. Sainim bikpela kontrak mAni na sindaun kaikai i stap. Ol i no save lobng wok bilong ol. Ol bisnis bilong Gavman olsem PNGBC, Elcom, MVITL, Fainens Pasifik, Nesenel Providen Fari, Telikom, Air Niugini na sampela moa i save kisim taim.



Dispela wik tasol memba bilong Kundiawa Gembolg, Peter Waieing i askim: "Wanem taim long las 25 krismas wanpela bisnis bilong gavman i karim win mani i kam givim gavman?"

Wantok bilong minista o gavman i no save logn ronim bisnis. Em laik sainim kontrak na kisim mani bilong ol pipel tasol. Long pinis long kontrak bilong em, em kisim bikpela mani na i no mekim wanpela wok long kamapim profit.

Ol dispela wantok bilong minista i no save long wanpela samting. Larim ol olpela man i stap bikos ol i save long wanem samting ol bai mekim.

Sapos ol pablik sevan i laik autim wanpela asua bilong gavman, bilong wanem gavman hariap tasol pasim maus bilong ol na rausim ol? Olgeta manmeri i gat rait long save wanem samting i kamap.

I no bisnis bilong praim minita o yu husat minista long rausim ol save man long laik. Gavman bilong yumi long ol yia i go pinis i mekim kainkain pasin na stilim mani planti. Yumi ting olsem: dispela kantri bai senis tasol wankain sik bilong ol gavman i go pinis i stap yet.

Sapos nogat wanpela marasin bilong sik, sik i save kamap bikpela tru. Nau em i kamap bikpela yet. Sik bilong rausim ol saveman i bikpela stret. Yumi mekim olsem i go na yumi bai go we?

Yumi sot long mani na askim Wol Beng na IMF i stap. Dispela ol lain wantaim mani i tok: "Gavman bilong yupela i mas stret pastaim na bihain mi givim mani."

Ating gavman i stret pinis? Ating Wol Berig i givim dispela mani tasol ol pipel i no kisim sampela toksave long Wol Beng o gavman yet? Hamas?

Yumi laik karamapim na giaman tasol giaman na paul pasin i no inap stap hait long hait bilong God.

Wanpela taim ol pipel bai sindaun, lukbek long tude na tok: "Lukim long dispela taim, gavman bin mekim dispela gutpela pasin o dispela samting nogut."

Ol memba bilong palamen i mas mekim wok bilong ol gut. Larim pablik sevis i stap em yet. Tupela i save wok bung wantaim tasol ol memba i mas luksave olsem senis klostu klostu bai i no inap helpim kantri.

Larim ol pablik sevan i mekim wok bilong ol. Ol i saev long wanem samting olbai mekim. Yu memba noken traim subim het long olgeta kona bilong pablik sevis na rausim man long laik bilong yu. Yu kisim tingting bilong ol manmeri tu o?

Kalabus long pamuk na giaman

WANPELA man bilong raitim ol gutpela stori buk i go kalabus 4-pela yia bihain long em i giaman meri bilong em na go painim wanpela pamuk meri long raun wantaim.

Bihain long dispela pasin, em i bin giaman planti na tok em i no mekim dispela pasin.

Nem bilong man ya em Jefferey Archer and em bilong England. Em i stap olsem wanpela memba bilong politikel pati na tu biknem long raitim ol stori buk.

Nau em bai stap kalabus inap foapela yia bihain long kot i painim em asua na kisim mani bilong wanpela niuspepa kampani husat i sutim tok olsem em i pamuk na silip wantaim wanpela pamuk meri.

Mista Archer i bin tok nogat na em i giaman planti manmeri

long helpim em long winim wanpela kot long 1987. Niuspepa kampani i bin peim em 500,000 paun o K1.5 milien long ol i bagarapim nem bilong em long pablik.

Tasol long 1999 seketeri meri husat i save long olgeta samting Mista Archer i mekim na tu helpim em long karapim sampela asua i tokaut olsem em i giaman long helpim Mista Archer.


Kot i painim olsem em i giaman na stilim mani bilong niuspepa kampani na tu giaman ol manmeri long pablik olsem em i bin tru raun wantaim wanpela pamuk meri i salim em i go kalabus fopale krismas olgeta.

Tasol em i ken kamapaut bihain long tupela yia sapos em i stap gut na i no mekim wanpela asua.



• Jeffrey Archer wantaim meri i long em Mary Archer ausait long jot haus taim em winim niuspepa kampani kot na kisim K1.5 milien long 1987. Tude em i stap long kalabus. Foto: The Weekend Australian.

Ol manmeri i no laik wol bung



• Dispela man i wanpela memba bilong wanpela grup we i no laikim olgeta kantri insait long graun long wok bung wantaim. Ol i bung na tok nogat long ol 8-pela pawaful kantri long bung na mekim plen i bilong ronim wok. Dispela ol bikpela pawa kantri i nau wok long bung long Italia. Ol kantri husat i stap insait long dispela bung em long Amerika, Russia, Japan, Canada, Italy, Germany, France na Britain.

Ol manmeri, moa long 100,000 i bung na tok nogat long dispela kain bung na klostu laik pait wantaim 15,000 sekyuriti man long Genoa, wanpela taun long Itali we dispela bung i wok long kamap.

Planti tokples dai aut long wol

OL man bilong stadi tokples insait long wol i bilip olsem planti tausent tokples insait long wol inap dai aut olgeta long 2100.

Ol i tok olsem 3,400 i go long mak bilong 6,120 tokples inap dai aut na dispela bai olsem wanpela tokples bai dai aut olgeta wik.

8-pela kantri insait long wol i kamapim na gat planti tokples na dispela ol kantri em i kam long namba long bikpeal tokples: Papua Niugini, Indonesia, Nigeria, India, Mexico, Cameroon, Australia na Brazil.

Dai aut bilong tokples i no nupela, planti tokples tru i lus pinis na planti moa wok long dai aut wanwan de.

Pait na kilim narapela manmeri, bikpela bagarap olsem sunami, graun guria na taitwara, lainim bikpela na wanpela tokples tasol o sampela taim gavan i pasim ol narapela tokples i save mekim na planti tokples insait long graun i wok long dai aut wanwan.

Dispela dai bilong tokples i wankain olsem sampela animel i save dai aut bihain long ol manmeri i kilim ol olgeta.

Long wanpela tokples long stap laip i go, moa long 100,000 manmeri i mas save long dispela tokples na ol i mas toktok tasol sapos namba bilong manmeri husat save long dispela tokples i kam. Planti manmeri bai luksave olsem dispela tokples i wok long dai aut.

Planti kantri i wok long painim aut olsem wanwan tokples insait long tokples i lus wanwan de na bihain ol i no save moa long tokples taim las man o meri husat save long dispela tokples i dai.

Dem wara kilim 42 manmeri long India

DEM wara ren wara i rausim i kilim pinis 42 manmeri na bagarap haus, gaden na planti samting na moa long 6 millien pipel long India kisim taim.

Oi opisal bilong gavman long eria i tok olgeta manmeri husat bagarap long dispela hevi i kamaut pinis na stap long gutpela hap tasol moa long 500,000 i kat op na hat long ol i kisim ol i go aut.

Oi helikopta bilong Red Cross long India i wok long karim ol saplai olsem kaikai, wara na marasin i go

tromoi long ol pipel i ken kaikai na stap long hap liklik ples we ol i stap bung long en.

Dispela bikpela tait wara i kamap bihain long bikpela ren na dispela ren i bikpela na brukim dam. Taim ren wara na dam wara i bung wantaim, bikpela bagarap tru i kamap.

Oi wara i hat long salim wara i go insait long solwara-bikos i gat hai ait long solwara na pusim wanem wara i go bek gen long graun.

Long helpim na

kisim ol dispela manmeri i kam aut, moa long 1000 bot em ol manmeri i laikim tasol nau ol i gat 83 bot tasol long traime mekim dispela wok.

Oi i askim gavman na praivet bisnis manmeri wantaim bot long helpim bai ol i ken kisim ol dispela bagarap pipel i kam aut.

Oi ami ensinia i wok long stretim telepon na wanem samting i bruk bai ol manmeri i ken toktok gut namel long wok ol i mekim bilong stretim na helpim ol dispela manmeri.



Papa bilong Playboy

• Dispela man i papa bilong Pilai Boi Megesin long long Wol. Nem bilong em Hugh Hefner. Em i save mekim ol piksa nogut bilong kamapim mani. Nau em i gat televisen sevis na nius megesin bilong kamapim moa mani. Em i sanap wantaim sampela meri ol i save wok wantaim. Ol i save kamapim mani bihain long soim piksa bilong kain kain rot na a pasin bilong mekim pamuk pasin. *Poto: The Weekend Australian.*



Yes, go!

• Dispela ol pipel i lukluk long Stok Maket. Dispela em wankain olsem hos res. Yu baim sia na holim i stap bilong lukim sapos sia bilong yu i go antap. Yu baim long liklik prais na sapos prais bilong dispeal, sia yu baim i go antap, yu ken salim na mekim profit. Sapos sia i pundaun, yu bai lus. Em wnkain olsem pilai laki o hos res. *Poto: The Weekend Australian.*

Ol Israel kilim bebi

OL Israel gan man i sutim na kilim i dai wanpela bebi wantaim tripela mun na tupela bikpela man.

Dispels 10-mun pait namel long Israel na Palestain i go het yet na ol atoriti bilong Palestain i askim ol manmeri bilong narapela kantri long kam lukluk long wanem samting i wok long kamap bikos ol Israel i mekim nabaut long ol pipel bilong Palestain.

Wanpela ka i karim wanpela famili i painim dispela birua na ol Israel manmeri husat i stap long eria we birua i kamap i mas stap insait long kamapim dispela birua bikos plis komanda bilong eria i ting olsem ol setemen lain long hap i kiim dispela famili.

"Glas bilong ka i bruk olgeta na insait i gat planti blut tru i stap nabaut," wanpela wantok bilong famili husat dai i tok.

Amerika i bin traime stapim dispela birua namel long tupela sait wantaim tasol i hat na luk olsem ol manmeri husat i stap long kaus krau nau inap kisim tingting long pait yet.

Moa long 600 manmeri i dai pinis bihain long birua namel long tupela kantri i kamap bikpela long Septemba las yia.

Long dispela birua, tupela man wantaim bebi i dai. Faivpela arapela pipel i kisim bagarap a insait long dispela em wanpela bebi wantaim foapela mun.

Gavman opisal i sutim tok long wanwan komynuniti bilong setemen long West Bank, we ol birua i wok long kamap i bin kilim na bagarapim dispela ol pipel.

Oi kantri long wol i askim pinis Palestain wantaim Israel long noken yusim gan na laip bilong ol manmeri long kisim bel isi.

89.9 93 96 98 100



Yumi sanap strong long tok ples bilong yumi yet!

Laikim yu nating tru!

Yumi FM your community service station

PNG FM LTD Trading as NAU FM, YUMI FM & TOTAL EVENT MARKETING
P.O. Box 774, Port Moresby Papua New Guinea
Ph: (675) 320 1996 Fax: (675) 320 1995 <http://www.naufm.com.pg>

LAI PSTAIL

Sampela hap tingting bilong lokol turis

HILDA WAYNE i raitim

PLANTI yumi save tingting olsem taim yumi laik go raun lukim ol wantok long siti yumi go nating na noken wari long kaikai o we yumi silp.

Yumi ting olsem ol wantok wok long siti i gat planti mani na ol i ken lukautim yumi taim yumi go stap long siti. Yes em i tru mani i stap long siti tasol nogat gaden long siti. Mani i stap tasol i no planti na laip long siti i hat long wanem liklik mani wantok i save kisim i no inap long lukautim olgeta famili long haus na yu husat i laik go raun nating long siti.

Long ples i gat gaden long kisim kain kaikai olsem kaukau, kon, taro, kumu, kokonas na ol planti kain kaikai bilong gaden. Sapos yu laikim abus yu ken kisim pis long solwara o lukautim kakaruk na kisim abus bilong yu long bus sapos yu stap

longwe long bus ples bilong dispela naispela kantri bilong yumi Papua Niugini.

Long ol siti olgeta samting em yumi mas baim wantaim mani. Sapos yu laik go long toilet wantok mas baim toilet pepa, long waswas wantok mas baim sop, kumu yu laik kaikai em wantok mas baim long maket, kaukau baim long maket, pis baim long maket, abus baim long maket o stoa, bas fi long raun em wantok i mas givim yu na yu ken raun na mani bilong baim kol dring.

Sapos yu laik kamap wanpela lokol turis na go raun long lukim wantok bilong yu long siti yu mas tingting gut long wanem laip long siti i hat tru na i gutpela sapos yu askim yu yet bai yu helpim ol sotim turangu wantok bilong yu taim yu go raun nating long siti.

Tingim wantok i gat pikinini na man o meri bilong em long lukautim. Em i mas baim

wara na pawa bil, em i mas baim kaikai bilong olgeta lain long haus. Olgeta samting em mak bilong mani i mekim ol i kamap. Wantok i save hat wok tru na taim em i gat tingting long painim we bilong helpim famili bilong em yu laik go raun nating long siti.

I gutpela sapos yu inap askim yu yet. Mi go nating na raun o mi mas askim wantok na kisim tingting bilong em pastaim. Askim yu yet amas wik yu laik go na stap na bai yu yet traim long helpim yu yet long bas fi o dring nabaut o yu go nating na wantok i ken wari long ol dispela samting.

Wantok i bai tingim olsem em i mas givim mani long yu kaikai long moning, belo na nait na em i mas ting long olgeta narapela famili tu olsem na turangu em i save hat wok tru. Mani em i kisim i no inap long baim olgeta samting em i laik givim long yupela olgeta.

Em i gat famili bilong em yet long tingim na em i mas tingim yu tu. Yu mas traim long helpim em. Taim wantok bilong yu i man bai meri bilong em i no amamas taim yu save dring bia na man bilong em i baim bia bilong yu. Na sapos yu save pilai poka masin em bai yu pilai poka wantaim liklik mani wantok i givim long yu na em i kamap hat wok stret.

Sapos yu laik go long siti na stap silp wantaim wantok bilong yu husat i stap long siti, i gutpela sapos yu sevim sampela mani long kisim i go long taun na helpim wantok long lukautim famili bilong em pastaim na bihain em i ken tingting long ol narapela samting em i mas mekim.

Sapos yu stap long wanpela longwe hap na kisim balus noken go nating wantaim wanwe tiket tasol na givim bel hevi long wantok i ken painim bilong yu long kam bek gen long ples. Taim yu laik plen long

go long siti yu mas tingim gut.

Laip long siti i hat tru olsem na yu mas traim long sevim planti mani tru long kisim i go long siti na raun long siti na wantok i ken tingim kaikai na silp bilong yu.

Yu mas kisim tuwe tiket long i go long siti na bihain kam bek gen long siti. Masiki lusim ting long bas fi mani bilong yu. Em bai yu helpim wantok long tingim ol bas fe bilong pikinini na kaikai bilong ol skul pikinini long belo.

Wantok long siti i bai amams taim yu tokim em olsem yu gat mani long baim tiket i go lukim em na bihain go bek gen long ples wantim tiket bilong yu yet. Sapos em i tok sori i hat tumas na yu wet liklik yu mas harim toktok long wanem em i gat ol nid bilong famili bilong em na noken askim planti toktok na tok orait bai yu wet na kam sampela narapela taim.

Yumi man na yumi mas yusim gutpela tingting God Papa i givim yumi. Yumi mas noken mekim ol narapela i painim bel hevi na noken lusim tingting olsem kain tingting bilong yu long spin nating tasol i save givim bel hevi long ol famili na sampela taim ol famili i save bruk taim man na meri bilong em na noken askim planti toktok na tok orait bai yu wet na kam sampela narapela taim.

Yumi mekim bikpela rong tru taim yumi belhat nating long ol wantok husat i no save givim mani long mipela hariap long wanem mani em wantok i save hatwok tru long kisim na bilong wanem yumi ting olsem yu tu i ken pilai long holim mani.

Wantok i save kirap i go bik moning na kam bek long haus long apinun tru na i gutpela sapos yumi sori long em na helpim em long noken tingting planti long we bilong yu i laik i stap.

Man o meri bilong wantok i bai amamas taim yu yusim het bilong yu long kisim tiket em tu wes na yu yet helpim yu yet long bas fe na noken larim wantok tasol i tingting long olgeta samting.

Dispela em i gutpela samting taim yu tingim wantok pastaim na noken tingting long yu yet.

Yu mas tokim man o meri bilong wantok olsem yu laik kam stap wantaim ol long siti na ol i ken larim yu. Tokim

em olsem yu gat tiket bilong go long siti na kam bek gen long ples olsem na askim ol sapos ol i ken larim yu i go stap wantaim ol long sotpela taim tasol.

Yu mas tingim i no haus bilong yu olsem na yu mas soim sampela rispek na noken ting olsem em laik bilong yu na yu mekim ol pasin long laik bilong yu yet.

Taim wantok i tok orait long yu go raun na stap wantaim em long siti orait yu mas tokim em olsem yu gat bikpela amamas long gutpela tingting bilong em long larim yu go stap wantaim em.

Tokim tupela man-meri wantaim olsem yu amamas na yu bai stap liklik taim na bihain yu go bek long ples.

Tokim tupela long wanem ol samting i kamap long ples taim yu kamap long lukim tupela na sapos yu laikim wanpela samting traim long askim pastaim.

Taim yu go long siti yu mas traim long lusim bia sapos yu man o meri bilong dring bia stret. Lusim simok na kaikai buai o nogat traim long kisim liklik na maski tromoi planti taim long stap nating. Noken wetim wantok long givim yu toktok long wanem kain wok yu mas mekim tasol yu mas yusim ai bilong yu yet. Long siti wantok bai nogat hap bik bus we yu bai go na mekim gaden na san kukim yu. Long siti i gat ol liklik wok olsem go long maket na helpim meri long baim kaikai bilong haus. Askim mama bilong haus long givim mani long yu go na baim kaikai.

Sapos yu save gut long siti tokim wantok bilong yu olsem yu inap go na kisim ol pikinini i stap long skul. Sapos yu inap wok orait lukluk arere long haus na mekim ol liklik wok olsem plantim flaua o katim gras long baksait long haus.

Sapos yu man o meri bilong kuk yu ken helpim wantok bilong yu long kukim kaikai bilong haus na famili i ken kaikai. Ol dispela gutpela pasin bilong yu bai helpim wantok bilong yu gut tru na bai wantok bilong yu i amamas tru long yu.

Tingim wantok i save mekim hatwok long go wok long opis na meri o man bilong em tu i save wok long opis na taim tupela i kam bek long haus bikpela ting-

ting long tingim famili long kaikai no ol liklik wok long haus i save mekim ol les na skin bilong ol i laik silp tasol taim yu helpim long ol liklik wok long haus bai amamas bilong wantok i narakain tru.

Wantok bai i amamas tasol long lukautim yu long kisim kaikai na silp gut na em bai amamas tru long yu stap wantaim em long siti.

Taim yu gat planti mani long poket noken haitim na tingim olsem wantok bilong yu em opis man o meri na em i gat planti mani. Maski turangu givim liklik yu gat long en bai bihain taim bilong tupela bai yu no inap sot.

Taim yu mekim olsem bai yu kisim sampela gutpela samting long wantok kain olsem em bai baim nupela kolos bilong yu o kisim yu go raun long ol ples yu no save raun long em.

Em bai helpim yu long baim kain samting olsem redio o ol masin samting taim yu laik go bek long ples.

Noken tingting planti taim bilong yu long go bek long ples bai yu i no inap go bek nating. Gutpela pasin yu mekim long narapela bai ol i mekim wankein pasin tasol long yu.

Olsem buk Baibel i save tok: "Mekim kain pasin long ol narapela wankain long yu laikim ol i mekim long yu."

Taim yu laik go bek long ples noken tingim olsem wantok i mas givim-mani long mas yu laikim long em. Wet tasol i stap na amas wantok i givim yu, yu mas kisim wantaim bel isi long wanem mani i no save kam nating man i save hatwok tru long kisim mani na liklik em ol i givim yu em yu mas yusim gut long kamapim gutpela sindaun long famili bilong yu yet taim yu go bek long ples.

Taim yu go bek long ples noken lus tingting long tokim ol narapela long wanem kain laip i save stap long siti na ol tu i ken traim long kisim gutpela tingting taim ol i laik go long siti neks taim.

Pasin bilong lukautim wanpela na narapela em i no pasin bilong ol waitman, em pasin bilong yumi yet na yumi mas tingim olsem yumi nidim wanpela na narapela long kamapim gutpela sindaun long famili na long komyuniti na bihain kantri i ken kamap gutpela.

HITS & MEMORIES
FM 100

The Station with
the best music mix!

"SOUNDS BEAUTIFUL ONE DAY, PERFECT THE NEXT"

Minj grup salim batafli i go long Amerika

SAPE METTA i raitim

WOK bilong bungim na lukautim gut ol kainkain binatang (entomologikal kolesen) long ol yia i go pinis i mekim Yama Demas i kamap "Batafli man" isnait long Westen Hailans.

Asples tru tru bilong papa na mama bilong Yama em long Pindia isnait long Finsafen long Morobe provins. Tasol mama i karim Yama long Minj we em groa na kisim edukesen bilong en long hap.

Taim Yama i liklik manki yet, em i bin developim dispela spesel interes long kolektim na bungim ol kainkain batafli na binatang.

taim em wantaim ol arapela pikinini long viles i save i go na painim ol binatang long bus kukim na kaikaim, Yama i save lukautim gut ol binatang bilong en, na em i save painim ol kaikai na givim long dispela ol binatang. Bihain long tu, o tripela de, em i save larim ol biantang ya i go bek long bus.

Na taim em i kamap oslem wnapeal sumatin long bai skul, Yama givim planti fri taim bilong en long stadim ol batafli na tu ol kaikaim biantang isnait long skul gaden na tu isnait long ol laiberi buk na megasin.

Bihain long Yama i pinisim na kisim wok wantaim ekologi Institut long Wau, Morobe provins we em i statim wok olem laboretori teknisen long 1991 i go long 1993. Na bihain em i muv i go antap liklik na wok long sait bilong ekstensen program we em i ken karimaut wok painim aut (investigesen) na kodinetim binatang na

batafli faming wantaim ol komyuniti grup isnait long 1993 i kam antap long 1995. Taim em i mekim disepal wok em i bin wok raun long palnti eria isnait long Morobe na madang provins.

Yama i bin helpim tu planti lain viles lain manmeri na ol grup long setim-ap ol binatang na batafli fam. na tu em i helpim na skulim

ol long kolektim gut ol batafli na biantang na salim i go bek long institut.

Taim Yama i mekim oslem em i bin kisim bikpela tok amams i kam long Dr Harry Orsak hsuat dairekta bilong Wau Ekologi Institut long ol bikepal hat wok em i mekim long kolektim ol batafli na biantang. na tu long pekim ol na

neneri, kamapim gut bikpela hap eria bilong growim gut ol kainkain diwai (fores) we bai i ken pulim moa batafli, biantang, ol pisin na planti moa ol arapela gutpela samting i kam long en. Na tu long stretim gut ol graun bilong planim ol gutpela fris kaikai na prut.

WCDA i akmapim pinis sampela gutpela plen long kamapim ol awenes program nmel long ol komyuniti grup isnait long Westen Hailans n tu long Haiains rijin. Gavman i luksave long long hatwok bilong Yama na grup bilong en. na bihain long tupela yia, opis bilong Environmen na Konsevesen i wanbel na givim

save olsem ol disepal samting bai i ken bringim liklik wan siling i go bek long ol.

Yama i tok Fandesen for Rurel Developmen (FORD) Inc, i sapotim en wantaim ogenesisen bilong en we ogenesisen (FORD) ya i givim em gutpela skul tu long pasin bilong menesim grup na projek na tu long salim wanem samting em ol i kamapim i go long ol arapela provins na ovasis tu.

nau yet Yama wantaim grup bilong en i bisi tru long bildim wnapeal nupela bilding we bai ol i yusim olem opis, laboreteri bilong kolektim, bungim na skelim ol



• Yama yet i pilai pilai wantaim ol batafli. (Raitan) Bikman ya i soim piksa bilong kainkain batafli ol i save bungim.



• Ol lain i skelim na glasim ol kainkain batafli. Lephon: Ol lain i bungim kiau bilong batafli.

ekspotim i go long ol ovasis maket.

yama i kisim gut skul na ekspirien long disepal wok wantaim ekologi Institit, na em i skelim tingting na i tok, "ating em inap long wanem save mi kisim bai mi karim i go bek long ples na lainim ol pels lain long dispela wok."

Na dispela tingting bilong em i akrim kaikai taim em is tapim wok bung oslem wnapeal grup we ol skelim Wemax Komyuniti Developmen Asosiesen (WCDA) Asosiesen ya i gat 30 memba olgeta na Yama yet em ikodienta bilong disepal grup na em i go pas long ol projek we i bin kik-stat long 1998 na i go het long Kunjumung viles.

Na astigting long kamapim WCDA em long lukautim gut environment na ol samting we is ave i stap isnait long en.

Nau yet WCDA i developim ol

ekspot pemit i go long WCDA.

Nau yet WDA i bin ekspotim ol salim ol batafli na ol arapela biantang long fam bilong ol yet long Kunjumung na ol arapela fan long Minj na Westen Hailans i go stret long ol ovasis maket.

"Ol batafli na biantang we ig t ol wing oslem pisin na i gat naispela kala tru em mipela is ve ekspotim i go aut. Na ol rapela we i nogat ol gutpela kala tumas em mipela is ave larim ol i go, na ol isa ve flai raun long fam na karim ol nuepla kiau gen.


Long dispela pasin tasol ol manmeri i ken luksave na lainim pasin bilong luksautim environment we ol binatang bai i ken go het na kamapim moa pikinini, Yama i tok.

Em i tok ol manmeri bai i ken lainim tu long no ken bagarapim bus (fores) na bagarapim tu ol binatrag, long wanem ol i mas

batafli na biantang bilong pekim na salim i go aut. na tu dispela bilding bai i ken kamap oslem wnapeal trening senta bilong ol fama.

Ol lain manmeri bilong Kunjumung viles i gat bikpela bilip olsem ino long taim bihain, dispela projek bilong ol bai iken kamap bikpela tru na iken kamap olsem wanpela gutpela piksa tu long ol arapela lain iken lukim na traim long kamapim wankain samting.

"Na sapos dispela projek iken kamap bikpela na ikamap olsem wanpela gutpela piksa, mipela ibilip olsem ol turis tu bai iken kap-sait na pulim lain i go na lukluk long dispela projek. Tasol long nau yet ol komuniti memba inidim tru sampela fainensel na teknikel sapat long wanem dispela bai iken helpim mipela long go het na mekim wok bilong mipela i go het long viles komuniti," Yama i tok.



Rispek bilong ol yangpela i stap we?

PEKU PILIMBO i riaticim

LAPUN i nogat strong. Em sanap sait long wanpela bas na laik kalap na wok long pulim bek kaikai na wankain taim tumbuna pikinini long narapela han.

Apinun pinis na planti yangpela manmeri i resis long kalap long PMV bas. Ol pusim lapun man ya wantaim liklik gel bilong em i go long sait. Lapun man ya tingting long holim liklik gel na kaikai bek i pundaun na kapsait.

Lapu i paul olgeta. Em bai holim pikinini o traim kisim kaikai. Gel ya tu em liklik na hat long em lusim em sanap long sait. Em holim han bilong liklik gel yet na wankain taim em stat bungim ol kaikai we i kapsait na stap nabaut long rot.

Planti yangpela i stap wetim ol bas i stap tasol nogat wanpela bilong ol i traim long helpim em. Ol i lukluk na ol yangpela manmeri husat sanap i lap long wanem samting lapun i wok long mekim.

Narapela mama tu i painim wankain hat taim. em tu i karim bikpela plastik kaikai. Ating em i bin go long maket bikos planti kumu, banana, taro na kaukau i stap long bek bilong em.

Em tu ol manmeri i pusim i go long sait. Hat long em kalap wantaim olgeta kago bilong em. Nogat wanpela i traim long helpim em. Olgeta i tingting long go long haus. Planti yangpela husat resis olsem i nogat famili o meri pikinini long haus. Ol inap wet i stap long larim dispela kain lapoun man wantaim liklik gel bilong em na mama long kalap pastaim.

Mi sindaun pinis long bas na i hat tru long kam aut na helpim. Mi lukluk tasol i stap na salim tingting long wanem kain pasin ol yangpela bilong tude i wok long mekim. Ol i tingting long ol yet tasol. Ol i kisim pinis pasin bilong ol wait manmeri.

Ol wait manmeri na pipel bilong narapela kantri i no save wari long ya husat. Ol i save tok ya mas tingim bisnis bilong ya yet tasol. Ating dispela sik i kamap pinis long PNG.

PNG, yumi gutpela pipel tru. Planti tok yumi Kristen kantri na i gat bikpela rispek tru. Rispek em wanem samting? Rispek em pasin ya mekim. Yu laikim ol narapela manmeri mekim wankain pasin long ya. Rispek i no wanpela samting manmeri inap baim wantaim mani o kago. Yu bai kisim rispek bilong mi taim ya mekim wanem samting mi laikim ya long mekim.

Dispela pasin bilong ya bai winim lewa bilong mi na mi bai laik long bekim wankain pasin long ya. Dispela rispek ya winim long mi em i no kos wanpela samting. Rispek em wankain olsem ya givim na bai mi bekim.

Tisa bilong mi t... stori taim mi stap long hai skul na mi save tingim yet. Em i bin tok olsem: "Rispek em wanpela samting ol manmeri bai givim ya long laik bilong ol yet."

"Ol bai givim dispela rispek long ya na ya no inap pait o kilim wanpela man i dai bai ol pipel i rispektim ya."

"Wanem pasin ya mekim bai winim stret lewa bilong ol pipel. Taim ol pipel laikim ya long pasin bilong ya, ol bai rispektim ya long wankain taim," em i bin tok na mi tingim yet.

Rispek em wanpela samting yumi manmeri i gat long spiriti bilong yumi. Yumi olgeta save laikim ol

narapela manmeri long laikim yumi. Yumi save laikim ol narapela manmeri long lukim yumi olsem gutpela manmeri. Dispela pasin bilong rispek i save karim bekim i kam.

Sapos yumi rispektim narapela manmeri, ol bai tanim na bekim dispela rispek bilong yumi. Sapos yumi no mekim wanpela samting i gutpela long ai

rispek long ol bikpela bilong yumi olsem yumi save mekim bipo. Yes, mi save. Sampela bai yupela kirap na tok taim senis pinis na dispela

ol taun i orait. Long ples ol pikinini inap pulumapim wara, katim liklik diwai bilong kuk, lukautim bebi brata, wasim plet spun na kap o streim liklik kaikai bilong ol animel olsem pik, dok, muruk, snek, kapul o wanem animel save kisim kaikai long han bilong famili. Planti taim mi save harim ol yangpela i tok: "Mi les! Yu yet

luksave long wanem hap ya i go rong long en. I gat luksave olsem ya bai ting ya gutpela tru. Yu nogat wanpela asua long ya. Dispela i kamap bikos ya laikim ya yet moa long ol arapela tasol lukluk bilong ol narapela manmeri i olsem wanem? Ol i laikim wanem pasin ya gat?

Yu traim askim ol manmeri long wanem samting ya save mekim ol i no laik.

Sampela taim bai ol i tok ya save tok nogut planti na i no save soim rispek long ol narapela. Sampela taim ol bai tok ya save gridi na i no save serim kaikai wantaim ol narapela manmeri. Sampela bai i tok ya no save helpim ol. Yu sindaun lukluk long ol dispela pasin ol man i tok ya gat.

Bai moa gutpela sapos ya harim tok bilong ol narapela manmeri. Yu noken harim toktok bilong wanpela manmeri tasol bikos ol i gat mani o kaikai ol i laik givim ya. Yu lukim wanpela pipia man tru. Lek han i bruk o sampela lapun bilong ples husat i no save waswas na doti nogut tru. Pasin bilong rispek i save stap long ol manmeri husat i daunim ol yet.

Pasin bilong rispek em wanpela bikpela samting. Yu no inap mekim bikpela wok. Rispek i kam long gutpela rot bilong toktok stori wantaim ol turangu. Ol manmeri husat nogat famili bilong ol o sampela husat i stap turangu wan yet.

Long gutpela tingting ol dispela pipel i givim ya, yu bai stap longpela taim long dispela graun.

Taim yu askim long wanem samting, ol dispela lain bai givim ya. Yumi yangpela mas toktok gut na helpim ol lapun na manmeri husat painim hat long sampela hap kona.

Long narapela kantri ol lapun manmeri i save stap long haus bilong ol lapun tasol yumi PNG i no save mekim olsem. Yumi gat lapun long ples i stap. Sapos ya go nau na askim wanpela lapun i stap long haus bilong olsem: "Bubu, ya laikim husat long famili bilong yumi?"


Bubu bai bekim olsem manmeri husat save go sindaun na stori nating wantaim em i stap i winim lewa bilong lapun. Yu no inap givim wanpela samting long ol. Long toktok na gutpela pasin ya mekim bai yu winim lewa bilong planti manmeri.

Yumi planti lainim pasin bilong yumi long papamama. Ating sampela papamama i karim yumi na tromoi olsem wel animel. Yu gro bikpela long laik bilong yumi. Ol givim kaikai bilong bodi tasol na lus tingting olgeta long lukautim tingting na spiriti bilong yumi long kamap gutpela manmeri long komuniti.

Ating i mobeta yumi senisim sampela pasin bilong yumi ol manmeri i tok ol i no laikim. Dispela em wanpela gutpela rot bilong senis. I no let, sapos ya no save rispektim ol narapela manmeri, nau em i taim bilong ya go daun long rot nau na traim helpim wanpela marna o lapun i taitem bun i kam.

Noken lap long ol long manmeri o turangu, i no asua bilong ol long kamap longlong o stap olsem ol i stap. Yu laki tru long stap orait na yangpela. I gutpela ya yusim yangpela laip bilong ya long mekim sampela gutpela pasin.

Noken ting ya fit nating tru na lus tingting olsem ol narapela manmeri i wankain olsem ya tu. Yu mas stat rispektim ol na ol bai mekim wankain pasin long ya.



bilong narapela manmeri, ol i no inap laikim ya. Ol bai pipaiam ya olsem ya mekim long ol.

Long Baibel, Jisas i bin tok olsem: "Yu mas mekim wanem pasin ya laikim narapela i mekim long ya."

Dispela toktok i bin kamap bihain long ol i bin askim Jisas long wanem bilong ol 10pela lo bilong Moses i winim ol narapela. Em i bin tokim ol manmeri long laikim narapela. Ating yumi laikim narapela manmeri olsem yumi laikim yumi yet, ating bai nogat wanpela trabel na hevi i stap long dispela graun.

Taim bilong tumbuna i kam, ol yangpela i save gat bikpela rispek tru long ol lapun manmeri bilong komuniti. Ol i save harim tok na mekim wanem samting ol lapun i askim ol long mekim.

Ol pikinini tu i save harim tok bilong papamama na i nogat wanpela bikhet pasin i save stap.

Taim pikinini i bikhet, papamama i save paitim na givim mekim save bai ol i ken harim tok. Tude, ol pikinini i kamap na rong i stap long we? Long stat mi givim wanpela piksa bilong lapun man na mama ya, ating ol dispela yangpela manmeri i stap long taim bipo, ating ol inap helpim dispela mama wantaim lapun man ya long kalap pastaim. Ating ol kaikai bilong lapun i kapsait em ol inap kisim na putim i go bek long bek bilong em.

Ol inap tok: "Sori papa, ya lapun ya na ya go pas long bas o mama inap mi helpim ya wantaim plastik kaikai bilong ya?"

Dispela kain askim na pasin i no moa stap wantaim yumi. Yumi lus tingting olgeta long wanem samting yumi inap mekim. Yumi no givim

man i stap we na kam toktok olsem? Mi sori long ya. Yu no inap kisim wanpela rispek long komuniti bilong ya. Yu bai ting olsem skul save bilong ya i bikpela na ya daunim ol manmeri nating na kamap bikpela tru? Mi ting ol manmeri husat i no go skul tu tasol planti i gat tingting.

Planti yangpela i save smok tude. Ol dispela kain tu nogat rispek long ol manmeri husat i no save smok. Man, ol bai pulim longpela mutrus o spia na tromoi smok nogut long pes bilong ol manmeri na sampela taim long pes bilong ol bebi.

Luksave olsem bebi i no mekim wanpela samting long ya. Yu no birua bilong em na bilong wanem ya wok long smok long pes bilong em na traim kilim em? Em i nogat tingting bilong toktok o muv i go long narapela hap.

Planti papamama husat save smok i save pulim smok na sampela taim save abrus na kukim bebi bilong ol. Ol mama tu save rong long dispela hap tu.

Ol i no kisim tingting bilong olgeta manmeri. I no gutpela long ya pulim smok nabaut long ol pablik ples olsem bas, haus sik, haus bilong slip o wanem narapela ples we i nogat inap rum bilong win i karim displa smok nogut i go.

Ol dispela yangpela i no luksave olsem ol i pinisim narapela brata susa husat i no save smok.

Tude planti pikinini i no save harim tok bilong papamama. Long

mekim! Mi laik go pilai ya husat bai mekim dispela wok long haus i stap?

"Yupela olgeta taim givim wok long mi. Ol narapela poroman bilong mi no save mekim wankain pasin," ol i save tingting.

Dispela em nogat rispek. Ol i mekim olsem i go na sapos ol pikinini i nogat rispek long papamama, ol ausait na longwe man liklik em bai ol i birua long ya. Ol dispela i ken kilim ya na stii long ya bikos ol i nogat rispek.

Yumi asua long we? Bai yumi sutim toktok long husat long ol raskal pasin i kamap. Em asua bilong gavman o papamama? Ating tupela wantaim? Ating papama i asua long i no skulim pikinini long rispektim ol manmeri taim ol stap yangpela yet.

Sapos i bin i gat rispek i kamap, ating nogat wanpela raskal inap kamap. Yumi stap tasol na larim pikinini i raun long laik bilong em. yumi papamama i ausa long i no skulim ol pikinini long rispek. Bihain ol i go brukim lo o mekim sampela kain trabel, yumi hariap sutim toktok long gavman olsem gavman i no kamapim wok bilong ol manmeri o plis bagarapim nating manmeri.

Planti yangpela yumi no laik stap na traim skelim pasin bilong yumi yet. Yumi mas sindaun na lukim yumi yet. Yumi mekim pasin ol narapela man bai laikim o yumi mekim nabaut long ol.

Ol narapela manmeri lukim mi olsem wanem? Mi gat sampela rispek long ol lapun na mama bilong mi o nogat? Mi save mekim pasin ol narapela manmeri i laikim long en o olsem wanem?

Ol dispela askim bai mekim yu

Ol pipel i ting wanem long poka masin

PEKU PILIMBO i raitim

BIHAINIM tingting bilong Prait Minista Sir Mekere Morauta las mun long rausim poka masin, Wantok Niuspepa i bin raun insait long Pot Mosbi na kisim tingting bilong ol manmeri. Planti manmeri i ting poka masin i nogut na gavman i mas traun na rausim. Sampela i ting em gutpela rot bilong gavman kisim mani na ol i mas noken rausim. Tasol planti mama husat save kisim hevi taim ol man bilong ol i pilai pokis i les tru na laikim gavman long rausim dispela masin nogut.

Martha J Kerema, 26

Dispela mama bilong tripela pikinini i les tru. "Olgeta taim man i save pilai poka masin na dring bia planti na gavman mas rausim masin nogut.

"Mipela ol mama wantaim pikinini i save kisim taim. Ol man save kisim olgeta mani na karim i go pilai poka masin.

"Mi sapotim tingting bilong praim minista long rausim poka masin.

"Rausim poka masin i go. Em kamapim wanem gutpela samting na ol man save go lusim liklik mani bilong ol wansait olgeta taim.

Julie Mende, 28

Dispela meri i ting olsem poka masin i mas stap.

Ol manmeri husat laik pilai i mas wokim baset pastaim na karim liklik mani bilong pilai poka masin i go.

"Ol i mas traun skelim gut mani na karim mani bilong pilai i go.

"Ol manmeri i no stupit, larim masin i stap.

"Sapos wanpela man o meri i no yusim het bilong em, em yet bai kisim taim na i no olgeta manmeri.

"Ol i gat inap bilong pilai raun wantaim olsem na ol i save sindaun long fran bilong poka masin.

"Sapos ol i nogat inap mani ol i no inap pilaim olgeta mani bilong ol olsem.

"Poka masin i mas stap. Bilong wanem gavman i laik rausim?

Simon Yakumbu, 40

Dispela man i no laikim poka masin stret.

"Poka masin mas go. Em samting bilong grids na mani mipela hatwok na kisim long en i save go wansait.

"Ol mani save lusim tingting olgeta long famili na ol i sindaun long poka masin na lus wansait stret.

"Gavman i save kisim mani wansait long takis tasol mi no lukim sampela senis ol kamapim wantaim dispela mama bilong mani ol wok long kisim.

"Dispela mani inap go long givim sevis na kamapim wok developmen tasol dispela pasin i no kamap.

"Taim ol manmeri pilai poka masin, ol i no save mekim wanpela samting na westim taim nating tru. Nogat wanpela wok i save kamap taim ol manmeri sindaun long fran bilong poka masin.

"Olgeta samting long komyuniti na sosaiti i save bagarap.

"Planti dinau tumas na nogat

"Larim gavman kisim takis long poka masin na traun bringim developmen i go long ol rurel komyuniti.

"Sapos sampela manmeri i pilai, ating ol i gat inap na pilai raun wantaim mani bilong ol."

wanpela gutpela samting i kamap.

Margret Mende, 19

"Planti ol mama na pikinini i save kisim bagarap. Rausim masin i go na larim ol famili i traun sindaun gut wantaim wanem liklik mani ol i gat.

"Planti bisnisman tu save kisim bagarap na bisnis save bruk daun taim dispela masin i kamap. Ol i save tingting long mekim wanpela hariap profit na lus tingting long wok bisnis bilong ol.

"Potnait ol i save pilai poka masin na meri pikinini save nogat kaikai long haus.

"Gavman mas stapim dispela poka masin samting bikos em i nogut tru na bagarapim famili laip bilong planti manmeri pinis.

Kipling Naoni, 45

Dispela man i kam long wanpela viles insait long Oro rovins na em i ting poka masin i mas stap bikos em i inap helpim planti manmeri.

"Kantri kisim independens long taim i go pinis na nogat wanpela man i stupit.

"Poka masin i mas stap bikos em bai inap helpim long bringim developmen i go long ol komyuniti insait long kantri.

"Bikpela namba bilong ol manmeri i stap long bus na ples nogut. Ol i nogat sans long i kam aut na yusim mani bilong ol olsem ol lain long taun.

"Larim gavman kisim takis long poka masin na traun bringim developmen i go long ol rurel komyuniti.

"Sapos sampela manmeri i pilai, ating ol i gat inap na pilai raun wantaim mani bilong ol.

"Mi no save pilai bikos mi kam long bus ples we nogat masin long en.

"Mi ting poka masin i mas stap bikos dispela mani ol i kisim long masin inap helpim long bringim helpim i kam long komyuniti.

"Nogat gavman pasim poka masin na planti manmeri husat inap kisim sampela kain sevis long poka masin mani bai kisim bagarap.

"Sapos hap liklik manmeri i laik pilai, ol i no stupit.

"Larim ol pilai, nogat wanpela man tokim ol long pilai raun wantaim mani bilong ol.

Nancy Kwatwa, 23

Dispela mama bilong wanpela pikinini i ting olsem poka masin mas raus long kantri.

"Planti mama i save kisim bagarap.

"Samting bilong gris na taim ol man i kisim pe bilong ol, ol i save karim i go long poka masin haus.

"Ol i stap logn hap na i save lusim tingting olsem ol mipela ol mama na pikinini i wetim han bilong ol i stap.

"Ol man i save lus tingting olgeta olsem ol i gat famili i wet i stap. Ol bai tok bai mi winim bikpela mani na karim i go long haus.

"Wanem liklik mani ol karim i

save lus nating long poka masin na biknait pinis ol luksave olsem nogat wanpela mani moa.

"Ol i go long haus na planti taim ol famili i save slip hangre na dispela pasin i no gutpela.

"Gavman i kamap wantaim gutpela tingting long rausim dispela masin na mi wanbel stret.

"Sapos ol mekim olsem tasol i go, i no long taim bai sampela famili i dai long hangre o stil pasin inap kamap."

Cecilia John, 27

"Mani save karim mani i go pilai pokis na mi save les tru. Mi wanbel long ol i mas rausim poka masin i go aut long kantri.

"Taim ol man lukim poka masin, ol i save lus tingting olgeta long mipela ol mama wantaim pikinini.

"Planti bilong mipela mama i no save wok. Mipela lukluk long han bilong papa long em i kisim sampela mani i kam na olgeta potnait ol i save pilai raun na i no tingim mipela liklik.

"Planti taim mipela i save slip hangre. Mi ting gavman kamap wantaim gutpela tingting long pasim dispela masin nogut.

"Bilong wanem gavman laik bagarapim sindaun bilong famili na larim poka masin i stap insait long kantri.

"Wanem gutpela samting ol i kamapim na yumi wok long larim poka masin i stap ui go.

"Wanwan de sampela famili insait long kantri i slip hangre bikos man i pilai masin na lusim olgeta mani.

"Rausim poka masin na larim ol famili i stap gut."

Peter Koldup Laka, 25

"Gavman i rong na kamapim dispela poka masin long nambawan taim. Nau em i bagarapim planti famili insait long kantri.

"Ol man save karim pe i go na pilai laki na go long haus nating.

"Dispela i save kamapim ol kainkain hevi long famili.

"Liklik laki pasin olsem kat i orait bikos ol manmeri bai tingting na pilai tasol poka masin i save kaikaim bikpela mani.

"Mi yet i no save pilai tasol ol man save stori olsem em wanpela samting bilong gris stret.

"Ol i save tingting long winim bikpela mani na wanem liklik mani ol i gat i save pinis nating long poka masin.

"Sapos wanpela man i mekim wok painim aut long 50-pela manmeri, planti tru bai tok olsem ol lus wansait.

"Ating 10 i kam daun bai tok ol winim sampela mani. Tasol dispela mani ol i winim ol i no save karim i go long haus.

"Ol i tingting long winim moa na save pilaim dispela mani tu.

Ol singel na bisnis manmeri em orait long ol i ken pilai tasol sori tru long ol famili man.

"Ol marit man husat laik pilaim masin i no save toksave long meri. Ol yet i kamapim tingting olsem ol

bai winim bikpela mani na go amamas famili bilong ol na wanem liklik ol i gat i save go long poka masin.

"Gutpela tingting bilong gavman long rausim dispela masin."

Joe Kerema, 45

"Mi no laikim stret dispela masin. Mi laikim ol i mas rausim na larim ol mama na pikinini kaikai gut pastaim.

"Planti famili i save kisim taim long dispela kain hevi.

"Gavman i mas rausim na larim ol pipel yusim gut wanem liklik mani ol hatwok na kisim long en.

"Ol poka masin i no mekim wanpela hatwok. Ol i stap tasol na save grisim ol manmeri long pilai.

"Ol papa bilong poka masin i save sindaun tasol na kisim mani wansait i stap. Ol i no kam helpim long mekim wanpela wok.

"Ol giaman wantaim promis bilong yu winim bikpela mani. Ol man save driman long winim bikpela mani na save lus wansait stret.

"Gavman mas rausim na larim ol laki olsem hos res nabaut i stap na ol pipel i ken traun laki.

"Poka masin em i no wanpela gutpela samting na em inap bagarap moa famili sapos gavman i no mekim wanpela samting.

"Poka masin i stap i go bai bagarapim sindaun bilong planti famili.

"Taim nogut na larim ol pipel yusim wanem liklik mani ol i kisim gut na i no tromoi nabaut long poka masin.

Philip Garven Gagari, 20

"Poka masin em gem bilong ol pamuk manmeri.

"Taim ol man pilai poka na win bai yu lukim planti K2 meri nabaut raunim em na em baim bia bilong ol.

"Sampela taim bai ol meri i lus wansait na taim nogat mani ol i save salim bodi na pamuk nabaut.

"Sapos ol dispela pamuk lain i laik pilai poka masin, larim ol. Ol i gat inap mani. Sapos nogat larim ol i pamuk na kisim mani.

"Gavman kisim takis na ating inap helpim mi wantaim sampela mani.

"Mi no save pilai na mi no wari.

"Larim, Gavman noken rausim dispela masin.

"Sapos ol manmeri nogat het bilong ol na pilai raun, larim. Em i no mani bilong gavman na gavman tingting planti.

"Sapos man o meri i save olsem em gat famili, larim em putim sampela mani na karim liklik i go pilai raun.

"Bilong wanem ol i save pilaim olgeta mani na bihain kisim taim.

"Em gutpela sans bilong ol liklik man long traun laki na winim sam-

pela mani. Sapos ol i rausim, gavman bai kisim mani we? Ol liklik man inap winim mani long we?"

Jude Kay, 24

"Mi save sori long ol mama taim man bilong ol i pilai poka masin.

"Planti i save kisim taim stret na i save nogat wanpela mani stret.

"Planti pikinini i no save kaikai na slip gut.

"Planti wantok lain husat save stap wantaim ol famili i no save sta gut na go bek long haus.

"Dispeal taim bilong ikonoimik hevi, mi ting ol mani stupit tru na pilai masin olsem.

"Ol i mas lukluk long wanem samting i kamap nambawan long laip bilong ol bipo long ol i ken lukluk long sampela arapela samting.

"Planti papa i save kisim pe na go stret long poka masin haus.

Bihain ol i kirap nogut long lukim olsem nogat wanpela mani i lep na ol i save painim ples stret.

"Mi ting em wanpela gutpela tingting long rausim dispela masin olgeta.

"Sapos ol man laik pilai orait larim ol bisnis manmeri na memba bilong palamen husat laikim tru masin na karim i kam long en.

"Ol displa lain i ken pilai bikos nogat wanpela hevi long famili bilong ol.

"Ating ol memba i paul tru na painim nogat narapela rot bilong karim mani i kam insait long gavman baset na kisim poka masin i kam.

"Mi ting yumi ol makim ol rong man nabaut i go long palamen na ol i mekim ol kain pipia disisen olsem na nau planti famili i save kisim bagarap stret.

Gabriel Lambaiye, 24

Poka masin em wanpela rabis samting tru.

"Olgeta taim em i save grisim mipela long pilai. Mi save driman na slip taim mi gat mani.

"Mi ting mi bai lainim pul haus tasol samting tru em driman nating.

"Masin ol man i kamapim bihain im driman bilong ol man long winim bikpela mani wantaim liklik mani.

"Tasol samting tru em wanpela o tupela i kisim sampeal hanret kina na planti manmeri i save popaia stret.

"Olgeta taim mi save harim ol i tok mi winim bikpela mani tasol mi lusim gen.

"Samting bilong gris na mi save olsem tasol stil dispela gris i save kamap anmi save go pilai.

"Mi laki olseme mi yangpela yet tasol mi sori logn ol famili.

"Planti taim mi save lukim ol mama askim dinau logn stua nabaut."


"Ol man i save lus tingting olgeta olsem ol i gat famili i wet i stap. Ol bai tok bai mi winim bikpela mani na karim i go long haus.

"Wanem liklik mani ol karim i save lus nating long poka masin na biknait pinis ol luksave olsem nogat wanpela mani moa.

"Ol i go long haus na planti taim ol famili i save slip hangre na dispela pasin i no gutpela."



Snek i kilim ol manmeri



BIPO BIPO tru i go long taim bilong tumbuna i gat tupela snek i stap. Wanpela snek papa na narapela pikinini. Nem bilong tupela snek em Sawai 2-pela save stap long liklik maunwai klostu long ples Greti viles. Tupela save stap long hul bilong ston na olgeta taim 2-pela save go aut long olgeta ples na painim kaikai long bus.

Olgeta taim tupela save mekim olsem i go i go na papa em i pinis long painim kaikai.

Wanpela taim long moning, pikinini kirap tokim papa, yu stap long haus mi ken go aut long bus painim kaikai.

Em i go na nogatt kaikai na em laik go antap long diwai bilong painim abus olsem pisin kirap.

Taim em go antap em i stat lukluk long ol pisin kapul na ol narapela abus.

I no longtaim em i lukim wanpela man tru bilong ples wokabout long bus i kari na snek wisil long man tru na man fru tanimi na lukluk raun long bus.

Man tru i no lukim snek na em i wokabout i go.

Snek kirap na wisil gen na man tanim na lukluk raun na em i lukim snek slip antap long diwai.

Man ru bilong ples ran i go kamap long ples na tokim ol man kari kilim snek. Ol kari long go long ples wokim bikpela kaikai ariamas singsing long rail.

Snek tanim hariap na tokim man bilong ples, em yu wantaim ol lain i kilim mi. Taim em tok, ples i kamap tudak na graun i bruk na kilim olgeta manmeri bilong ples.

Nelsen Ereli
Altape, Sandaun provins.

Meri i kros long man bilong em

Dia LAIPLAIN,

Bai mi stretim dispela hevi olsem wanem?

Mi marit na igat ol pikinini tasol mi lukim man bilong mi i no save mekim gutpela pasin. Em i no save helpim mi long ol wok bilong haus olsem wasim plet, wasim ol kolos, kukim kaikai, mekim ti bilong em yet o lukautim pikinini sampela taim.

Mi save olsem planti man i save helpim ol meri bilong ol long dispela kain wok tasol man bilong mi i save tok em wok bilong ol meri. Olsem na bai mi tokim em olsem wanem?

Taim man bilong mi i save dring na spak, em i save tok hat long mi long puspus wantaim em. Taim mi les, em i save laik paitim mi olsem na mi save pret na givim em tasol. Em i no stret long mi bikos em i pusim mi long amamas em tasol mi yet i no save kisim wanpela gutpela amamas long dispela. Mi save olsem man na meri wantaim i mas wanbel wantaim na puspus bai tupela wantaim i ken pilim gutpela na amamas. Wanem kain tingting yupela i ken givim mi long dispela.

Nau ol pikinini i kamap, em ino senisim pasin bilong em na mi wok long les long em taim em i no mekim gutpela



pasin long mi.

Mi laikim man bilong mi na mi laik stap wantaim em yet tasol mi no laikim tru ol pasin nogot bilong em.

Wari Meri.

Dia PREN,

Sori tru olsem dispela hevi bilong yu i wankain long planti meri we i save rait i kam long laiplain na tu planti meri long wol. Sampela man i save ting olsem ol meri i stap long sevim ol olgeta taim na ol i no save wari long laik na tingting bilong meri. Planti meri i save salim pas i kam long dispela kain hevi na mipela i lukim olsem planti man i no save wari long bel na tingting bilong ol meri bilong ol. Dispela em orait o nogat?. I gat sampela taim em i save laik toktok wantaim yu o nogat, na em i save laik harim sampela toktok bilong yu o

nogat?.

Sapos em i save mekim olsem, orait yu mas traim long yusim dispela sans long mekim sampela gutpela toktok long em na traim tokim em wanpela wari yu gat long em, kain olsem lukautim pikinini. Noken mekim long pasin bilong kros o tok hat tasol mekim long pasin bilong askim.

Em i save mekim sampela liklik samting bilong yu?. Sapos em i save mekim, yu inap mekim tok amamas long em na tok tenkyu long em. Sampela man bai stat long senis isi isi sapos ol i save kisim sampela liklik tok amamas.

Mipela i ting yu mas wanpela wokmeri olsem na yu askim man bilong yu long helpim yu long ol wok bilong haus.

Yu bin traim long tok klia long em olsem yu save pilim tait taim yu kam long haus na yu bai amamas sapos em i helpim yu liklik. Yu ting em i save laip na pasin i wok long senis hariap hariap long dispela taim tude na ol meri i save wok na i gutpela long ol man i helpim long sampela wok bilong haus?. Sapos em i no bin traim long helpim yu, yu tingting

long lusim wok? Yu ting em i mas kisim sampela tok stia?.

Mipela i askim yu long kamap pikinini bilong God long pasin bilong prea long senisim pasin bilong man bilong yu. God i wokim em na God yet inap senisim laip bilong em.

Nogat wanpela samting bai pusim man bilong yu long senisim pasin bilong em. Olsem na yu mas lainim long stap long gutpela tingting na pasin na tingting long ol gutpela na stretpela rot ol senis i ken kamap long en. Mekim gutpela pasin na stap isi em pasin bilong laikim narapela.

Mipela i askim yu long wok long marit laip bilong yu na traim long toktok wantaim em long ol samting we i hevi long yu.

Taim man bilong yu ino spak na stap gut, em gutpela taim long toktok wantaim em long wari bilong yu long sait bilong slip wantaim.

Mipela i ting yutupela wantaim i mas kisim sampela tok stia o sampela gutpela toktok long helpim marit laip bilong yutpela.

LAIPLAIN

Sapos yu gat hevi we yu laik autim long mipela, rait i kam long dispela edres: Lifeline Counselling Service, P.O. Box 6047, Boroko, NCD. Yu ken kisim mipela long Telipon namba: 3260011 (Kaunselin) na 3261680 (Opis). Bai mipela i putim ol trupela hevi we yu autim long niuspepe tasol mipela i no inap autim tru nem bilong yu. Taim yu rait i kam, salim trupela nem na edres na bai mipela i salim bek bekim bilong yu. LAIPLAIN



Nem: Michiya Wutney
Krismas: 15 (man)
Adres: P.O. Box 27, Wewak 531.
Save laikim: Stori, tok pilai, raitim leta, harim kainkain stail musik, raun na go long skul.

Nem: James Kukson
Krismas: 16 (man)
Adres: Wangbin Community School, P.O. Box 636, Tabubil, Western Province.
Save laikim: Pilai volibal, basketbal, soka, tok pilai, paitim gita, waswas na swim long wara.

Nem: Gabriel Vitus
Krismas: 24 (man)
Adres: PNG Defence Force, Engineer Bn, P.O. Box 262, Lae, Morobe Province.
Save laikim: Ritim baibel, pilai spots, selp defens, go lotu na singsing, raun lukim sampela taun.

Nem: Frida David
Krismas: 18 (meri)
Adres: Intung Lutheran Church, P.O. Box 2061, Lae, Morobe Province.
Save laikim: Gospel musik, pilai gita, pilai basketbal na go lotu.

Nem: Kisipsan David
Krismas: 20 (meri)
Adres: Intung Lutheran Church, P.O. Box 2061, Lae, Morobe Province.
Save laikim: Pilai basketbal, klinim plawa bet, pilai gita, harim gospel musik, go long lotu na serim baibel stori.

Nem: Willsen Lako
Krismas: 15 (man)
Adres: P.O. Box 397, Kimbe, WNBP.
Save laikim: Mekim pen pren, go lotu, raitim pas long ol pen pren, go skul, go piknik na go swim long wara.

Nem: Francis Kehali
Krismas: 25 (man)
Adres: Buka Enterprise United.
Save laikim: Pilai gita na lotu, raitim pas long pen pren, harim singsing bilong Moses Tau.

Nem: Linda Issi
Krismas: 20 (meri)
Adres: C/ Gesa Messeem, P.O. Box 592, OPIC, Mahamio, WNBP.
Save laikim: Tok pilai, pilai spot, go lotu, waswas long wara, harim musik, na metim wanpela pren.

Nem: Sacky Les
Krismas: 15 (man)
Adres: Romintol Plentesen, P.O. Box 1342, Kokopo, ENBP.
Save laikim: Go long lotu, pilai gita, pilai spots, ritim buk na harim toktok bilong God.

Nem: Henry Flammond
Krismas: 18 (man)
Adres: C/ O. B Flammond, P.O. Box 330, Agona Sweded, Ghana, W/Africa.
Save laikim: Harim musik na mekim prensip.

Nem: Arnold Yelme
Krismas: 19 (man)
Adres: Vanimo Provincial High School, P.O. Box 162, Vanimo, Sandaun Province.
Save laikim: Pilai soka, ritim niuspepa na bekim pas mekim pen pren.

Nem: Henrietta Holdbrooke
Krismas: 24 (meri)
Adres: P.O. Box 1176, Guaa Centre, Ghana, West Africa.
Save laikim: Kuk na laikim ol pikinini, raun, kisim poto, post kads, miting pren, romantik musik na luv meking.

Nem: Moncia Nancy Grant
Krismas: 25 (man)
Adres: P.O. Box 884, Oguaa Centre, Ghana, West Africa.
Save laikim: Raun, swim, kisim poto, sait lukluk, watchim TV, salim post kads, romantik musik and luv meking.

Nem: Rose Love Mensah
Krismas: 26 (meri)
Adres: Fante Newtown (Asalo Market), P.O. Box TNT 797, Kumasi - Ashanti, Ghana.
Save laikim: Hot muvis, visitim pren, ritim buk, harim musik, pilai spots, koresponding na ekt.

Nem: Betty Martin Metta
Krismas: 17 (meri)
Adres: District Services Office, P.O. Box 78, Kimbe, WNBP.
Save laikim: Watchim TV, waswas long solwara, raun ong taun, harim rok musik, go lotu, pilai spot, pilai gema.

Nem: Rebecca Kapari
Krismas: 16 (meri)
Adres: Kreer Primary School, P.O. Box 502, Wewak, ESP.
Save laikim: Mekim pen pren wantaim arapela pren.

KANAGE

"Em nau, narapela wik bilong mi ken"



man; kol win i kirap na ol lus nating. Paps Kanage isi tasol lap long em yet na pulapim ol samting bilong em i go bek long bilum na tok, "yu laik traim pawa bilong ples, orait kam pes tu pes".

Trabal Maka Ambunti, Is Sepik provins

Kanage i bilong Kavieng na em i go raun holide long ples bilong meri bilong em long Manus. Long wiken, em wantaim tambu bilong em i statim spidi na i go raun painim pis. Kanage i sanap long fran bilong dingi na i wok long tokim tambu bilong em, "sol, i go olsem, sol i kam olsem". Em i laik tok, go liklik o i kam liklik. Tupela i painim pis i kam na Kanage lukluk i go daun na lukim bikipela rif stret. Nau em singaut long tambu bilong em na tok, "sol, kilim, sol kilim". Taim tambu bilong em i harim, em hatim enjin na dingi i pamim i go antap long rif na brukim olgeta propela bilong moto antap long rif.

Nil Pis Madang

Kanage wantaim ol pren bilong em i go long bus long katim diwai bilong wokim haus. Kanage i baim wanpela tinpis na pulapim long bilum. Taim ol i go brukim wara, wanpela poroman bilong Kanage i putim han i go insait long bilum na stilim tinpis long bilum. Em giaman tromoi wanpela ston i go insait long wara na bikmaus, "hei, wara karim tinpis i go". Kanage sekim bilum na nogat tinpis. Olsem na em kalap long wara na painim painim i go. Em wantaim narapela poroman i wok long painim painim, i go na nogat tru. Klostu olsem foapela auu em tupela wok long painim tinpis ya. Olsem na man i mekim trik i kirap singaut na soim tinpis long tupela. Kanage i bel kaskas tru na kam antap. Ol i wok i go na Kanage belhat yet olsem na em i kisim tinpis i go long kona na opim na em wan kaikai olgeta. Taim ol i katim diwai pinis, ol i kukim taro na laik kaikai. Taim ol i askim long tin pis, Kanage tok em i no save. Olsem na ol i stat long kilim skin gen long painim tinpis ya. Ol i painim painim i go na Kanage tok, "taim yumi katim diwai istap, mi lukim wanpela bikipela tarangau i flai i kam daun olsem ya. Mi ting em tasol i mas kisim tinpis na go pinis". Turangu tupela man ya i mekim-save long kaikai taro nating na ol i karim diwai na go long ples.

Watson Watok Sandaun

Kanage i pilai wantaim Guria soka klap long Mosbi. Em sanap long fulbek na lukim olsem straiika bilong Sobou i pulim bai i kam. Straiika bilong Sobou i pulim bai na trikim ol pilai bilong Guria i kam. Kanage i sanap na kaikai tit

olgeta. Taim straiika bilong Sobou i pulim bai i kam klostu long fulbek, Kanage i taitim bun stret na tromoi lek long straiika bilong Sobou. Kanage i pilim bikipela pen tru na bikmaus wantaim. Samting tru em, Kanage i slip na driman long em i pilai soka na em i tromoi lek long misis bilong em long haus. Misis bilong em i pilim pen na holim wanpela botol na brukim antap long lek bilong Kanage long nait. Lek bilong Kanage i solap nogut tru na em i no kik long narapela wiken. Lek bilong em i solap na em sindaun long saif lain. Taim ol poroman askim long lek bilong Kanage i olsem wanem, Kanage tok, "ol Momase i braibim mi long mi no ken pilai long dispela wiken". Kanage i gat kain kain trik tru ya.

Kapiten Mosbi

Kanage i save wok long Lae Kmaket. Wanpela taim wanpela gutren bilong em i givim em kondom na em i kisim. Kanage kisim ol kondom ya na haitem long poket na wokabaut raun long wok bilong em. Em kamap long wanpela mama husat i wok long salim ol kaikai i stap. Nau Kanage i askim mama ya long tiket bilong maket. Tasol meri ya i no baim yet. Olsem na Kanage i putim han i go long poket long kisim tiket na givim meri ya. Tasol nogat, han i abrus na kamautim kondom na givim long meri ya. Taim meri ya i lukim kondom ya, em i bikmaus na tokim Kanage, "sanap longwe long ol kaikai bilong mi. Nogut bai yu givim sik nogut bilong yu long ol kaikai bilong mi na ol manmeri i baim na kisim sik nogut bilong yu". Kanage i harim na bekim, "Dispela i no sik, em i marasin tru bilong ol bikipela mama sik. Sapos yu kisim, bai yu no inap long kisim ol mama sik". Mama ya, harim na tok, "em samting bilong yupela ol skul man bilong taun".

Yai Tuna Lae

Kanage i tisa long Lufa Hai Skul long Isten hailans provins. Namba wan taim bilong em long tis na em i go insait long klas. Ai bilong Kanage i op nogut tru na bikos olgeta studen i werim trausis tasol. Olsem na em i paul tru na askim ol studen olsem, "everybody stand up". Olgeta studen i sanap na em askim gen, "what is your sex?". Em i laik save husat em man na husat em meri. Olgeta studen i painim hat tru long dispela kwesten na ol i sanap tingting tasol i stap. Nau Kanage i lukim wanpela studen wantaim fatpela as na em askim em, "hei pren, what is your sex?". Na studen ya i sanap isi tasol sikirapim gras na i no toktok. Olgeta studen i lap nogut tru olsem na Kanage i luksave olsem em i mekim rong askim olsem na em askim gut gen. "boys, stand on this side and girls stand on this side". Em nau ol studen i bruk i go tupela grup na nau em i save husat em ol boi studen na husat em ol meri studen long

klas bilong em.

Boi Maraks Goroka

Kanage i bilong Simbu na em i save wok long Kimbe. Wanpela taim em i wok i go na tukim bikipela sip bilong MV Rita i kam sua long bris. Olsem na Kanage i tokim bos bilong em olsem, "bos, mi laik wok wanbela tasol long tude." Bos harim na tok, Kanage, yu no save wok wanbela olsem?". Na Kanage tok, "bos, mi lukim sip i kam sua na mi save olsem planti meri Simbu bai i kam ya. Olsem na mi laik go sekim na sapos mi laki, bai mi kisim wanpela". Bos i tok orait na Kanage tekov long nambis. Em sanap lukluk long ol pasindia i kam, na em lukim wanpela meri Simbu na ai bilong em i pas strong tru long em. Meri Simbu tu i lukluk strong long Kanage. Tupela i lukluk strong i go i kam na Kanage kirap na tok, "olsem wanem Dokas, yu kam bek gen a?". Na meri Simbu ya i bikmaus gen, "olsem wanem, Dokas em meri bilong yu a?". Na Kanage i tok, "em orait, i no nupela Dokas, em olpela kaukau bilong Gumini tasol ya". Dokas karim kago na kam abrusim Kanage na tekov i go kalap long bas na go pinis long blok.

Elimbary Kumogere Kimbe

Lapun Kanage em wanpela lhap man tru bilong draivim ol haiwe trak i go kam long Hailans Halwe. Wanpela taim em i stap long Lae na i laik go long Hagen na em i kam olsem long Daulopas na wanpela naispela meri Simbu i stapim mek trak bilong em na askim Kanage long lusim em long Kundiawa.

Kanage i no bilip olsem meri i askim em long helpim na em i tok orait long kisim em go long Kundiawa.

Taim tupela i kam klostu long Kundiawa, Kanage tingting long wanem rot em bai askim laik bilong meri ya.

Kanage i draiv i kam na klostu long mak bilong taun, em i senisim gia bilong em strong nogut tru na em i tokim meri "Aiyo pilis, meri mi lusim tingting olsem yu sindaun insait long kar na mi putim gia i bilong go olgeta long Hagen ya, bai kar i no inap stat nau, em Hagen gia nau."

Meri ya i small na lukluk go long Kanage na tokim em: "Yu wanpela glaman man stret. Neks taim yu laikim wanpela samting, yu mas askim stret na bai yu kisim." Na tupela go olgeta long Hagen.

Draiva Ua, Koibuga Mt Hagen.

Kanage i sindaun long wanpela bas 11 na i laik go long haus. Em i givim las 40 toea na saitem stret long kona sit na kisim pilings long gutpela musik bilong Kosta bas ya. Bas i kamap klostu long haus bilong Kanage long 2 Mail tasol boi ros i sutim ai i go

long sampela naispela meri i bin wokabaut long saif bilong rot na em lusim tingting olsem em i mas go daun klostu long bas stap bilong em.

Bas ya i givim i go na taim Kanage i tanim em i lukim olsem bas i abrusim bas stop na em i singaut nogut tru long draiva i stap tasol draiva i tokim trangu olsem "Yu driman i stap o olsem wanem. Mi bai no inap stop long hia, plis bai holim pas mi."

Kanage i pasim maus tasol na bas i go het na stop daun bilo long maunten. Bos kru i bin lukim asua bilong Kanage na taim em i laik go daun long baskru i tokim Kanage: "Neks taim yu kalap long bas noken tromoi ai bilong yu i go long olgeta hap."

Kru i sori na givim bek 40 toea bilong em i ken kisim narapela bas i go bek long bas stop bilong em.

Mangi Tumail Pot Mosbi.

Kanage i raun lukim soka resis long wiken na em lukim wanpela olpela pren meri bilong em i kik soka long wanpela tim. Orait Kanage igo sindaun na lukim meri ya i pilai na meri ya i mekim wanpela rong long pilai na referi i givim penalti long narapela tim. Kanage lukim tasol na em bikmaus long meri ya olsem, maski long stallim kik, em stail bilong bipo. Meri ya i harim nek bilong Kanage na em i save pinis. Olsem na em tanim na sutim finga long Kanage na tok, ol lain bilong 1940 i kam bek gen long pilai graun ah?. Kanage harim na sem liklik tasol em bekim gen, 1940 em soka tru ya. Bun i pairap na bai i bruk long namel. Dispela stail bilong nau long wan tas wan tas ya maski, mekim i go na bai kru i kamap nating. Olgeta manmeri long saif i harim na kilim skin long lap indai.

Masta Wai Mosbi

Meri bilong Kanage em ful sapota bilong Broncos ragbi tim bilong Australia. Wanpela wiken Broncos i pilai wantaim Paramatta na Paramatta i no isi long waraim Broncos. Kanage wantaim ol lain long haus i hatim bel bilong Misis Kanage na em bai nogut tru na bikmaus. Sapos Broncos i lus, tumoro yupela i mas kukim kaikai. Ol lain bilong kaikai buai na smok tu i mas tingim na painim buai na smok bilong ol yet. Taim Kanage harim olsem, em stat long wari nau. Isi tasol Kanage tokim misis bilong em, noken wari, Broncos em tim nogut ya. Ol bai putim trai yet ya, gem ino pinis yet. Em giaman amamasim meri bilong em i stap is inap ful taim na Broncos i lus. Taim Broncos i lus, Misis Kanage kirap na tok, mi no wari long ol kon toktok. Em tok olsem na tekov go slip. Ol boi i sindaun na hatim bel bilong Kanage na Kanage i sotwin na sindaun drai long smok buai i go tulait.

Brats Kanage Rainbow

Famili Man Lae

Kanage i bilas long go long lotu. Em wok long taitim let long trausis na pikinini bilong em isi tasol stilim K1 bilong Kanage long putim long kolekta. Kanage pasim let pinis na i laik painim kolekta mani tasol mani i lus pinis. Em belhat tasol na go lotu. Insait long haus lotu, em lukim pikinini bilong em kaikai sispop na poket bilong em i pairap long ol koins. Em nau Kanage askim pikinini bilong em, givim mi sampela koins na mi putim long kolekta. Tasol pikinini strong na tok; mi givim yu mani na yu putim kolekta bai dispela kolekta i baim kaikai bilong husat?. Kanage sikirapim het tasol na sindaun isi tru.

Masta Wai Mosbi

Kanage i stap long ples na wanpela taim em i laik raun i go long taun. Em raun raun i go na hangre i pamim em. Olsem na em i go insait long wanpela liklik stua na baim wanpela botol Pepsi na ol 5 toea skon. Em kisim i go arere long stua na sindaun kaikai istap. I no longtaim, sampela raskel manki i lukim Kanage pinis na ol i bihainim em. Ol i wokabaut isi bihainim em i kam na long wanpela kona, ol i hariap holim em na lek han long em. Kanage i pundaun na isi tasol em kirap na tokim ol, "yupela hapman bilong pait ah?". Isi tasol Kanage supim han i go insait long bilum bilong em na rausim wanpela hap kawal na han bun bilong muruk. Em rapim kawal long bun na winim. Em mekim olsem pinis na tok, "husat laik pekep long maus na wokabaut long bel olsem snek?". Taim ol raskel ya i harim,



KANAGE EM PASTA LONG WANPELA PLES... EM WOK LONG AUTIM SEMON BILONG EM...

SAPOS MI GAT OLGETA WAIN LONG WOL, BAI MI GO KAPSAITIM LONG RIVA!

SAPOS MI GAT BIA O WISKI LONG WOL, BAI MI GO KAPSAITIM LONG RIVA!

NAU MI TOKIM BRATA BENJAMEN LONG PAINIM WANPELA SONG NA BAI YUMI OLGETA SINGSING...

...AH, SONG NAMBA EM FORTI NAIN...

...TAITOL BILONG DISPELA SONG EM. "YUMI OLGETA GO BUNG LONG RIVA..."

Ol plisman i no inap isi long raskol

Dia Edita,

Ol man long Mosbi apim pe bilong ol plisman na nau ol i kisim bikipela mani.

Mi wanpela kain manki olsem long bipo 1983 i kam inap pinis marit long 1996. Bipo mi mekim olsem na nau mi tokim o raitim pas long yupela mangi long pastaim 1970 tu i kam inap long 1992 em inap long kamap raskol.

Olsem na nau yu husat manki kamap raskol namel long 1992 tu i kam olgeta namel long 2001 em hat tru long kamap raskol na mi raitim pas long yupela ol manki.

Yu husat pikinini man kamap raskol, yu bihainim dispela mi raitim pas long en. Bipo i gat gutpela lida long kamap raskol na makim kainkain pasin i kamap. Na nau long

dispela yia 2001 insait i go antap yu husat manki kamapim bikhet pasin bai yu kisim bikipela taim na bai yu dai.

Bipo ol plis tu i givim sans long ol manki na ol kamapim biket pasin olsem na nau yu no ken biket.

Gavman bilong Papua Niugini bagarap, mani sot na olgeta kaikai prais i go antap tumas.

Yu husat brata o susa pikinini bilong mi sapos yupela go kamap raskol ol plis bai kisim na sasiim yu bai i no inap lusim yu.

Em bai kilim yu tasol plis bai kisim bikipela mani long nem bilong yu raskol.

**Joe Pamburi
Tokarara, Nesenel
Kapitol Distrik.**

Lukautim skin bilong yu

Dia Edita,

Mi laik wokim wanpela komen long sapot liklik long pas bilong brata John Karpus bilong Westen Hailans provins long mun Epril 26, 2001 long sik HIV/AIDS.

Liklik toksave pastaim, brata yumi tupela em man ya! Yumi gat tingting we papa God i putim we em winim ol enimol (supa tingting) so sik AIDS em belhat bilong bikipela sapos mi no rong o asua.

Toktok bilong mi em olsem sapos yumi no slip wantaim meri bai yu dai, na ol meri tu i wankain.

Kwesten bilong mi em olsem: Inap wanpela tokim mi husat man na meri em bin dai bikos em no bin slip wantaim man o meri. Not one and will never. em tru ah?

Long painim wanpela meri na marit man olsem wanem long meri bilong em. Yangpela na meri bilong yu no narapela skin em wankain tasol. Wankain long marit meri tu man bilong em olsem wanem.

Yutupela pinis longlong na kam long haus yutupela save ting olsem wanem long ol pikinini wanem em love, marit na seks.

Yangpela meri yu save long skin bilong yu o nogat o yu save pilim wanem samting kainkain man pilai wantaim yu na man tu wantaim kainkain meri, em sem yah.

Mi wanpela man Hagen na maski mi no lotu mi tenkim bikipela long save soim ol rong na gutpela pasin na samting.

Nogat seks helti laip, strong na pret long bihaintaim.

Brata John lukautim skin na rait moa na bai mi sapotim yu.

**Apa Konda
Kondics, Westen
Hailans provins.**

Helpim ol disaibel tu

Dia Edita,

Mi wanpela disaibel manki i save sindaun long wilsia tasol.

Gavman bilong yumi Papua Niugini i save lukluk long bikipela tausen wok manmeri bilong ol insait long kantri, na ol i save brukim bikipela baset i go long ol.

Liklik belhevi bilong mi i olsem, sapos mama bilong mi i karim mi gut bai mi kamap

wanpela yusful man long kantri tasol mama bilong mi karim mi olsem nau mi stap.

Sapos gavman i lukluk gut long dispela kain man olsem mipela, baj mipela i gat bikipela amamas.

Liklik bilong mipela i kam nau mipela i bikipela na klostu i go lapun, mipela i stap long han bilong papamama tasol.

Taim papamama i dai

bai mipela i kamap yusles olgeta.

Sapos gavman i brukim bikipela mani go long ol yusful manmeri, wai na ol i lukluk tasol long mipela ol liklik namba bilong disaibel manmeri.

**Kaypas Maino
Tanarl
Kundiawa,
Simbu provins.**



**Toksave i go long ol manmeri
husat i save salim pas kam long
Wantok Niuspepa.
Sapos yu no putim nem tru bilong
yu long pas bai mipela i no inap
prinim pas bilong yu.**

Pe bilong meri

Dia Edita,

Mi laik autim wari bilong mi long pablik long kantri bilong yumi long Papua Niugini.

Planti yangpela meri ol save raun na karim ol pikinini nating long rot olsem wan o tupela pikinini pinis. Na givim long papamama na tupela bihain lukautim i stap nau bai em i go raun painim wanpela man na maritim dispela. Orait papamama bilong dispela meri bai makim pe bilong meri K5,000 o K6,000 long dispela meri i gat tupela pikinini pinis. Ol lain bilong man bai ol ting olsem tru tru meri em yangpela yet na bai ol skelim dispela mani i go olsem.

Na sapos meri i gat tupela pikinini olsem baim tasol long K600 o K800 em mak tru bilong em long wanem em i no yangpela meri em i gat pikinini pinis long pasin paul bilong em.

**Jacob Joe
Kimbe, Wes Niu Briten provins.**

Papa kela tasol eking yang yet

Dia Edita,

Mi wanpela yangpela meri we mi no save wanbel long lukim ol manmeri save eking yang na paul raun nabaut.

Nau long dispela taim mi save lukim planti marit man na meri kisim pasin bilong yangpela stret.

Long dispela taim ol marit man wok long prenim ol yangpela meri na ol marit meri wok long prenim ol yangpela man.

Sapos yu husat man o meri save wokim dispela pasin olsem,

plis mi laik askim ol marit man yupela i no save sem long meri pikinini bilong yupela? Na ol marit meri yupela i no save sore long man na pikinini bilong em ya?

**Getrude Ackepe
Ramu, Madang provins.**

Graun i bikipela samting

Dia Edita,

Mi wanpela yangpela manki i groa wantaim kantri taim yumi kisim independens inap nau na mi no lukim wanpela gavman han mak long ples bilong mi. Mi harim olsem gavman holim miting long Madang na bringim i go long palamen na pasim bilong rejistaim graun.

Plis ol 109 memba taim yupela holim kempen long 1997 yupela i no laik tokim mipela 4 milien manmeri olsem mipela kisim bikipela mani long ausait kantri olsem na taim mipela i kisim pawa bai mipela salim graun o rejistaim graun. Mipela ting olsem

bai mipela kisim spes tasol nogat taim yupela kisim pawa na yupela laik bagarapim mipela moa yet.

Inap yupela ol 109 memba yupela i go bek na rejistaim graun bilong yupela pastaim. Dispela mani yupela kisim em i no wok long kantri ya luk olsem 75 pesen i go long poket bilong yupela na wan wan bilong yupela pastaim stap long en.

Taim yupela mekim olsem sampela eria ol yusim pinis tasol eria bilong mi long Jimi em olsem wanpela yangpela meri bai yupela mekim na mi bai mekim wanem em

mi no save. I luk olsem yupela rausim 2-pela ai kiau bilong mi olsem na mi bai stap insait long haus inap mi dai.

Mi no enjoim blesing bilong Papa God putim long han bilong mi plis. Yupela kisim spes pinis olsem skul, haus sik, rot, pawa saplai na olgeta samting tasol mi pasim yet gras sket ya na plis inap yu skelim gut pastaim na bihain yu mekim olsem pikinini bilong yu.

Asua bilong husat?

**Gogi Kamai
Jimi, Westen
Hailans provins.**

Memba i tingim olgeta pipel

Dia Edita,

Mi wanpela manki Kabwum na mi i stap long Pot Mosbi siti na marit na tu lukim long niuspepa ol gutpela stori bilong ol liklik wok kamap insait long Kabwum distrik aninit long lidasip bilong Mista Ginson Saonu na mi save amamas tru.

Planti ol memba save putim bikipela mani long wanpela tupela projek long wanpela hap we i gat sapota bilong ol i stap long en. Na planti hap bilong ilektoret i nogat sevis save i go na

ol memba tu i no save bisi long vistim ol tu.

Tasol Mista Saonu em save tingim olgeta hap bilong Kabwum distrik na brukim baset liklik i go long olgeta hap. Maski ol sapotim em o nogat em sevim olgeta na tu em save visitim olgeta hap we bipo ol 5-pela memba we ol kiap i no save i go long en.

I no olgeta hap i nidim wankain sevis olsem: rot na haikul na haus sik nogat. Planti hap kona, ol nidim wara saplai, ed pos, skul, kopi masin kain liklik samting olsem. Dispela em ol pipel save yusim olgeta de. Na tu ol laik lukim memba visitim ol na toktok long ol. Mista Saonu em i mekim dispela olgeta.

Yu husat kolim bikipela nem bilong mani na projek orait i no ken kolim pipel. Ol liklik pipel i kisim liklik sevis long olgeta hap na yu kolim bikipela mani na projek em bilong yupela mani na saveman bilong taun tasol. Ol lain bilong ples kisim liklik sevis pinis na bai soim amamas bilong ol long 2002 ileksen.

**Bio Kemba
Pot Mosbi, Nesenel
Kapitol Distrik.**

Frigano baret i wet yet

Dia Edita,

Mi wanpela manki bilong Lufa distrik long Goroka Isten Hailans provins. Mi laik bekim pas bilong brata Nickson A. Benny i bin kamap long Wantok niuspepa long Jun 7, 2001.

Brata yu tok olsem yu bilong Kunugu hap bilong Kogorupa eria long Frigano baret. Yu tok olsem memba bilong Lufa Mathias Karani grasrut memba bilong bringim developmen i go insait long Frigano baret.

Mi laik askim yu olsem hamas developmen yutupela developim insait long Frigano? Yu ken raitim narapela pas gen na kolim aut olgeta developmen na projek yutupela bin developim insait long Frigano baret.

Wanpela liklik hap tok yu raitim

olsem makim na larim em i stap narapela 5 yia gen. Brata long dispela hap tok bai mi tokim yu olsem, yu tingim long sait bilong yu na yu tok olsem long wanem em yu tasol bai nok long opis dua bilong em, tasol mipela nogat. Yu bilong Maunt Maikol na i no pasim ai bilong yu olsem na mi bai tok sore long yu rait man.

Stat long Ukunupi, Kiseveroka, Kogaripa, Dagine rot na bris i bagarap na slip sore i stap. Kiseveroka komyuniti skul na haus sik, Kogoripa komyuniti skul na haus sik, Dagine komyuniti skul na haus sik bagarap na slip sore i stap. Insait long Frigano baret mipela i gat bikipela populesen man na mipela i gat nid long ol sevis olsem.

Helt senta vokesenol senta na

ol arapela projek olsem kakaruk fam, pik fam na agrikalisa projek olsem groim anien, kerot kabis, kaukau na ol arapela samting tu. Tasol nogat ol dispela samting na mipela i stap wantaim bikipela sore na wari. Tasol nau mipela lukim nem Frigano baret na mipela sem pipel stret rait man brata Nickson A. Benn.

Sapos yutupela bihainim rot bilong ka na bringim ol dispela developmen i go insait long Frigano baret mipela i ken save. Na harim pairap tasol na tupela yusim helikopta na bringim i go insait long Kunuga viles.

**Hakiyusa Kukafunu
Goroka, Isten
Hailans provins.**

Ol LTB slek long wok

Dia Edita,

Mi laik sapot long brata Frastrated Komuta long stretim bas sevis.

Brata husat tokim yu olsem Bomana, Makana na 8 Mail kisim taim long bas?

Brata mi bilong Hagen na mi kam stap klostu 3 mun long Bomana na long dispela taim em mi kalap long windo foapela taim. Na tu mi weit olsem 3 tu 4 haua long bas stop. Ating i nogat trafik o ol plisman long stretim o dairektim ol bas i go i kam. Na tu mi tingting olsem i mas no gat Trenspot Bot long lukim na skelim.

Plis ol LTB o PMVTB na trafik traim mekim olsem putim "16A" 3 Mail "16B" Makana "16C" Bomana so bai ol pipel ken lukim stretim bas na kalap bikos planti draiva i bikhet na save tanim long 9 Mail. Yupela LTB PMVTB na trafik em yupela slek tru.

Mi save sem long siksti go kam na ranim bas long ai bilong olgeta manmeri. Em Trafik na Lens Trenspot Bot maski long misyusim ka na mani bilong gavman na ranim o painim draiva.

**Kondils Kange
Bomana, Pot Mosbi.**

Putim bilip long papa God

Dia Edita,
Mi save ritim Wantok niuspepa na mi lukim planti manmeri ol i save tok olsem, Prais Ministia i no putim gut-pela lo long Papua Niugini.

Na planti ol save painim ol memba bilong ol, na tok dispela memba em i stap we? Na helpim bilong em i no i go insait long provins bilong em!

Harim gut ol wantok 2002 em taim bilong God, yupela lukim tok i stap long 1 Korin 2: 4-11. Yumi olgeta Kristen man yumi mas, putim bilip na tingting bilong yumi i go long

papa God. Na em i ken makim husat man o meri, em presen bilong Holi Spirit.

Sapos yumi i no mekim dispela bai hevi i stap olsem yet, yumi i no inap long daunim hevi.

Ol bikman bilong yumi ol i stap wantaim, save na tingting bilong dispela graun.

Ol i no givim ol yet long God na askim em long kisim gutpela tingting nogat tru.

Katta Gozu
Wewak, Is Sepik provins.

No ken tok paps long yangpela man

Dia Edita,
Mi wanpela manki long ples Apanda insait long Wabag, Enga provins na nau mi kam stap long Pot Mosbi siti. Olgeta moning na apinun mi save i go long maket na ol manmeri i save kolim mi paps moning, o apinun paps, o paps mi laikim hap smok bilong yu.

Yu kolim mi paps ya. Em mi i no papa bilong yu na yu kolim mi paps. Brata mi tokim yu stret. Yu kolim paps long mi ya, em mi no wanbel long yu na yu kolim paps long mi. Mi lukim yu na yu luk olsem paps tu ya.

Brata, mi tokim yu stret, hamas krismas bilong mi em 19-pela tasol. Na yu luk olsem krismas bilong em 34 na yu kolim mi paps. Brata sapos yu laik amamas long kolim paps, em yu go bek long haus na planti taim kolim, paps, paps, paps, paps na yu kam long maket.

Mi les long yu kolim mi paps. Mi tok pinis yu krismas bilong mi em 19 na krismas bilong yu luksave 29 o 34 samting. Paps mi tambu pinis long pablik long Wantok niuspepa.

Joe Pamburi
Tokarara, Pot Mosbi.

Ol vot i lus nating

Dia Edita,
Mi wanpela manki Bewani mi tok olsem husat man i laik resis long ileksen long 2002 i mas tingting gut.

Yu no ken wokim kempen na soim piksa bilong yu long ples. Sapos yu laik resis long yu mas baim K2,000 bhain long yu resis long ileksen.

Mi tok olsem bikos mipela i makim nating na i no gat helpim long ples. Nau mi stap long ples na mi save harim olsem planti man i laik resis long yu 2002.

Mi save olsem husat man i laik resis nau long Vanimo Grin Faiv yu mas tingim gut na resis.

Tom P.
Bewani, Sandaun provins.

Tupela memba i no sem

Dia Edita,
Mi lukim nius bilong gavana bilong Enga Peter Ipatas na memba bilong Kompiam Ambum John Pundari long Wantok niuspepa long Me 3, 2001 olsem na mi laik autim sampela komplem o belhevi bilong mi.

Mi askim Ipatas na Pundari olsem yutupela sem o nogat? Ipatas yu gavman rausim pawa pinis na Pundari yu papa bilong Advens PNG Pati hau na yutupela kalap i go long PDM.

Yutupela seksek long bikpela mani potnait pe ya? Olgeta ol narapela provins olsem Goroka, Simbu, Mt Hagen na Mendi, ol dispela provins i gat inap gavman sevis na yu Enga nogat yet na yu krai go bek long gavman ya?

Mi ges olsem ai bilong yutupela lukluk go antap long Morauta gavman i stap ya.

Billy T.
Kimbe, Wes Niu Briten provins.

Ol memba i no wok bung

Dia Edita,
Mi wanpela man we mi no save amamas long pasin ol memba bilong Is Sepik provins i wokim. Ol i kam long bringim developmen long ol pipel o olsem wanem?

Nau yet long lukluk bilong mi i nogat wanpela developmen long haive wara na nambis. Wanpela samting we mi lukim em ol memba bilong Is Sepik provins i no save wok bung wantaim long kamapim wok insait long wan wan ilektoret.

Cletus Kulauru
Koki, Nesenel Kapital Distrik.

Sapos yu laik salim ol pas bilong yu i kam long dispela niuspepa, Salim i kam long dispela adres:

THE EDITOR
WANTOK
NEWSPAPER
PO BOX 1982, BOROKO, NCD.

Tingim ol grasrut tu

Dia Edita,
Mi wanpela manki Kimbe Oil Palm provins tasol nau mi stap long Pot Mosbi. Mi laik komplem long sampela pasin ol memba i save mekim we i no stret.

Yupela ol memba bilong palamen mas traim sampela taim baim Wantok niuspepa na ritim dispela edita seksen bikos wari na tingting bilong ol grasrut lain trutru i save kamap long dispela seksen.

No ken ting yupela ol traipela save-man tumas na baim Post Courier na National niuspepa tasol. Ol grasrut lain long ples sampela i no save long Inglis na wanem kain wari ol i gat ol i save rait long Wantok niuspepa long edita seksen.

Yupela ol memba long palamen i mas save olsem i no long strong bilong yupela yet na yupela kamap ol

kain bikman olsem, em long ol tarangu manmeri bilong ples tasol na yupela kamap olsem.

Taim bilong ileksen olgeta kus bilong yupela save kapsait na karim na sutim nus nabaut bilong ol pipel. Na taim ol i votim yupela na yupela win nau bai yupela na pulim longpela trausis wantaim pen long poket olsem ol man tru.

Tingim mipela trastim yupela na putim "X" mas wokim samting stret long mipela tu. No ken kon tumas bikos taim bilong ileksen 2002 kam klostu nau bai yupela raun kus kapsait na konim ol pipel gen. No gat sem bilong yupela stret.

Norman Anton
Pot Mosbi,
Nesenel Kapital Distrik.

Makim gutpela memba

Dia Edita,
Mi wanpela manki Grin Riva tasol nau mi stap long Vanimo taun. Mi laik autim wari bilong mi olsem wanpela yia moa stap long ileksen.

Mi laik askim ol pipel bilong Vanimo eria, Amanab, Grin River, Imonda na Kanabatoro olsem taim bilong vot yumi mas makim man o meri husat bai helpim yu na provins Sandaun makim pikinini Sandaun stret na i no manmeri long narapela hap.

Bikos planti piksa i kamap pinis long 10 yia go pinis na yumi olgeta lukim pinis olsem votim na sapotim Sandaun stret na i no man we bai winim sia bilong Sandaun na developmim provins bilong em.

Naksie Ponts Nakmea
Vanimo, Sandaun provins.

Ol Maprik no gat ai

Dia Edita,
Mi laik wokim sampela toktok i go long ol lain Maprik olsem ol i gat ai o nogat. Lida bilong mipela ol Maprik em i lapun pinis.

yupela i mas no gat save man stret a? Olsem na yupela pret long senisim lidasip.

Willsen Lako
Kimbe, Wes Niu Briten provins.

Yupela ol Maprik

Stil pasin i win tru

Dia Edita,
Long nau pasin giaman bilong paulim mani i kamap namel long kain kain lain bilong gavman, lotu na bisnis.

Ol nius i stori long ol man i bin paulim bikpela mani long wok na ples. Planti ol i tok promis olsem ol bai mekim wok bilong helpim ol man, tasol bhain rong bilong ol kamap ples klia.

Dispela pasin bilong paulim nating mani o paulim mani em i go bikpela tru namel long ol man bilong bisnis na man mekim wok bilong gavman na wok politikis. Pasin bilong paulim mani, maski em i bikpela mani tru o liklik mani, dispela i mekim na prais bilong ol kaikai samting save go

antap. Ol samting ol kampani i wokim i no gutpela tumas, na ol i no inap baim planti wokman, na mas painim mani bilong ol.

Ol i ting mani i lus long dispela kain pasin i no winim tru mani i lus long pasin raskol.

Em i winim moa yet mani ol bikpela lain raskol i stilim. Sampela taim ol hevi olsem, i no kamap ples klia hariap, tasol em no nogutim ol samting, ol kampani na gavman i no gat mani bilong lukautim gut ol wokman, na ol man baim samting mas tromoi bikpela mani tru.

Chonga Wongi
Lae, Morobe provins.

Stretim ol opis na rot long Kimbe

Dia Edita,
Wari bilong mi i go olsem hia long Kimbe, Wes Niu Briten provins. I nogat ol gutpela gavman opis na ol narapeal opis.

Olsem na traim long bildim ol gutpela opis olsem tu stori o tri stori haus samting na traim silim ol kolta long taun.

Na bai provins bilong yumi kamap gut. I luk olsem Wes Niu Briten i wanpela gutpela provins insait long kantri bilong yumi.

Mi yet mi save lukim olsem Wes Niu Briten provins em wanpela naispela provins we i winim ol narapela provins long kantri.

Mi toktok long kaikai tasol bai yu i stap olsem tru long ples bilong yu yet na bai yu sevim mani gut tru.

Jacob Joe
Kimbe, Wes Niu Briten provins.

Skelim ol lida

Dia Edita,
Mi wanpela manki Kulga insait long Nebilyer distrik, Westen Hailans. Mi laik tok olsem Pais Wingti em wanpela rait lida God i bin makim na yumi ol pipel i no klia na i no votim em.

Mi laik apil olsem nau long dispela yia 2002 Nesenel Ileksen yu wanpela man o meri mas tingim gut.

No ken harim ol giaman toktok na putim dispela vot bilong yu nating nabaut.

Yu mas glasim gut tru na mekim wanpela rait lida. Mi no ken tok olsem Pais Wingti em gutpela lida tasol yu traim na lukim yu yet sapos Westen Hailans provins bilong yumi i wok long gutpela kondisen o nogat?

Mi lukim olsem ol narapela provins, gavana fandim skul fi mani long edukesen. Na long Westen Hailans mipela ol papamama kisim taim long baim skul fi bilong ol skul manki.

Olsem wanem? Nogat gavana o nogat lida. Mi laik apil long yumi mas larim Pais Wingti wokabout i go i go long haus palamen.

Sapos yu wanpela grasrut man o meri yu lukim dispela hap tok mi mekim, yu mas sapotim mi.

Sapos yu bikhet. Sori tumas. Mi ken tokim olsem olgeta kaikai long stoa yumi bai no inap long kaikai na tu ol skul manki bai stap long ples na planti stil pasin bai kamap na pait bai kirap long olgeta hap.

Yu bai lukim i no longtaim. Tude em laik bilong yumi long pikim rait lida. Ating em tasol.

John Bruce
Mt Hagen,
Westen Hailans provins.



Ol yangpela i laikim nem bilong ol i stap insait long niuspepa long painim pen pren i mas prinim tupela nem wantaim adres, na wanem samting yupela i save laikim long mekim (hobbie).

Wantok painim Wantok

dispela pes em bilong yupela ol
man na meri husat i laik salim
tok save i go long ol:-

**BUBU KANDERE BRATA SUSA
MISIS PREN PIKININI NA HUSAT
MOA YU GAT LAIK LONG SALIM
TOK HAMAMAS TOK SORI O TOK PILAI.**

Toktok nating i go long lewa. Wanpela samting tasol toktok i kam long dispela Wantok painim Wantok em i mas sotpela ino inap longpela olsem tel bilong kapul dispela toktok nogat pei long en tasol sapos

igo antap long tripela lain olsem →

Brata plis kam long Port
Moresby long dispela wik
wantaim tambu lewa bilong yu

en nau bai i gat pei olsem foapela Kina (K4.00)

long wanpela hap olsem →

Brata plis kam long Port
Moresby long dispela wik
wantaim tambu lewa bilong
yu na pikinini wantaim dog.

Salim dispela toktok i kam long mipela long Wantok Nius na hamamasim husat yu laik long hamamasim. Tingim dispela ino Kanage stori. Makim skin pas olsem -

**Wantok Painim Wantok,
PO Box 1982,
Boroko, NCD**

Ol Spot Dro

Toksave

Salim of dro. risalts na poin lada i kam long Wantok Niuspepa
long Tunde olgeta wik. Salim long Spots Edita: Fax: 325 2579
o ringim em long telepon no: 325 2500

PORT MORESBY SOCCER ASSOCIATION

Saturday, July 28, 2001

Bisini One

Time	Division	Fixtures
08:00	Y1	Cosmos vs LBC Defence
09:20	W1	Bavaroko vs WMI
10:30	D2	Haku vs WMI
11:45	D1	Tawala vs Sobou
12:50	W2	Cyclone vs Falcon
14:00	D1	Tarangau vs Cyclone
16:00	Premier	YM2 vs Kula

Bisini Two

08:00	Y2	Bavaroko vs Gordons Secondary
09:20	W1	Sobou vs Guria
10:30	D2	Bavaroko vs Buresong
11:45	W2	Madgauns vs Telkom/SP
12:50	W1	ANZ University vs Orogen
14:00	D1	Kurti Andra vs Naniu
16:00	Premier	ANZ University vs BFW PS United

Sir John Guise Stadium - Oval One

08:00	D4	LBC Defence vs YM2
09:10	D4	ANZ University vs Babaka
10:30	Y1	ANZ University vs Babaka
11:45	D4	Cosmos vs BFW PS United
12:50	Y2	Arnotts Ela Utd vs Pom Int'l School
14:00	D3	M/Barracks vs Jaha
15:10	D3	Momase vs Jr. KE Club

Sir John Guise Stadium - Oval Two

08:00	D4	Rapatona vs Kula
09:10	Y1	Telkom/SP vs Guria
10:30	D4	Guria vs Telkom/SP
11:45	D3	Datec Duau vs Aigob
12:50	Y2	Murat vs Blue Kumuls
14:00	D2	Wanzesi vs Buresong
15:10	D3	Manabu vs Sunset

Sunday, July 29, 2001

Bisini One

08:00	D2	Aigob vs Dolos
09:20	Y2	Arnotts Ela Utd vs Manambu
10:30	W2	Rapatona vs BFW PS Utd
11:45	W1	LBC Defence vs Tarangau
12:50	D2	Pangtel vs Nomads
14:00	D1	Murat vs Blue Kumuls
16:00	Premier	Guria vs Rapatona

Bisini Two

08:00	D2	Wanzesi vs Datec Duau
09:20	W2	Murat vs Tawala
10:30	D1	HLB Pom Utd vs Dobo Murika
11:45	W1	Telkom vs Cosmos
12:50	Y1	ANZ University vs BFW PS Utd
14:00	Premier	Babaka vs Telkom/SP
16:00	Premier	Cosmos vs LBC Defence

Sir John Guise Stadium - Oval One

08:00	D4	Cosmos vs LBC Defence
09:20	D4	Guria vs Rapatona
10:30	Y1	Guria vs Rapatona
11:45	D4	Telkom/SP vs Babaka
12:50	Y2	Pom Int'l School vs Blue Kumuls
14:00	D3	Arnotts Ela Utd vs Momase
15:10	D3	Jaha vs Manambu

Toa Oval - Unjersity

08:00	D4	Kula vs YM2
09:10	Y2	Kula vs YM2
10:30	D4	ANZ University vs BFW PS Utd
11:45	Y1	Babaka vs Telkom/SP
12:50	Y2	HLB Pom Utd vs Sunset
14:00	D3	Jr. KE Club vs Muma

PORT MORESBY NETBALL ASSOCIATION

Saturday, July 28, 2001

U10 A - 0800am	C1	TST Kempa vs Ted Diro
	C2	Telstars vs Holy Rosary
	C3	Paramana vs Sacred Heart
	C4	Rebels vs Mermaids

U10 B - 0800am	C5	St Peters vs Mase
	C6	Kila Kila Com. vs Karai
	C7	Gerehu Com. vs Paramana
	C8	Pari vs Telstars

U13 A - 0900am	C1	TST Kempa vs June Valley
	C2	Chevron vs BB Kings
	C3	Ted Diro vs LB Mermaids
	C4	CP Rebels vs Telstars

Bye Holy Rosary	U13 B - 0900am	C5	CP Sparrows vs LB Mermaids
		C6	St Theresa vs TST Kempa

C7	Rebels vs Rakaone
C8	Pari Com. vs St Peters

U13 C - 0900am	C9	St Pauls vs Waigani Com.
	C10	Kila Kila Prim vs Philip Aravure
	C11	Mase vs Holy Rosary
	C12	Gerehu Prim vs Boreboa

U13 D - 0900am	C13	Poinimo vs Karai
	C14	Sevese Morea vs Sacred Heart
	C15	St Pauls vs Holy Rosary
	C16	Kaugere vs Butuka
	C16	Telstars vs St Peters

U15 A - 1000am	C1	TST Kempa vs LB Mermaids
	C2	Telstars vs Paramana
	C3	CP Rebels vs June Valley
	C4	Ted Diro vs Mase

U15 B - 1000am	C5	Kila Kila Prim vs St Theresa
	C6	June Valley vs Wardstrip
	C7	TST Kempa vs Sparrows
	C8	St Pauls vs St Peters

U15 C - 1000am	C9	Sevese Morea vs Kila Kila Prim
	C10	Pari vs Rakaone
	C11	St Peters vs Holy Rosary
	C12	Sacred Heart vs Boreboa

U15 D - 1000am	C13	Gerehu vs Kaugere
	C14	Philip Aravure vs St Theresa
	C15	Boreboa vs Holy Rosary
	C16	Sacred Heart vs Hohola Youth

U15 E - 1100am	C14	Holy Rosary vs Karai
	C15	Waigani Prim vs Kila Kila Sec.
	C16	Butuka vs Hagara

U17 A - 1100am	C1	Kila Kila Sec. vs Badihagwa
	C3	Paramana vs Rebels
	C4	Telstars vs Luvori
	C5	Mermaids vs Kila Kila Prim

U17 B - 1100am	C6	Badihagwa vs June Valley
	C7	Ted Diro vs TST Kempa
	C8	Hohola Youth vs Rakaone
	C9	Sacred Heart vs Sparrows

U17 C - 1100am	C10	Hagara vs Waigani Com.
	C11	Poinimo vs St Peters
	C12	Sevese Morea vs Gerehu Com.C13
	C13	Philip Aravure vs Holy Rosary

Juniors U21 - 12.00pm	C1	Luvori vs Mase
	C3	Karai vs Telstars
	C4	CP Rebels vs Mermaids
	C5	Paramana vs Hohola Youth
		Bye Sogeri National High

Senior Divisions	Division One - Court Two	
	11.00am	TST Kempa vs Mermaids
	12.30pm	BB Kings vs Rakaone
	2.00pm	Chevron P. vs Telstars
	3.30pm	CP Rebels vs Sparrows

Division Two - Court Three	2.00pm	Mermaids vs Tst Kempa
	3.00pm	CP Sparrows vs Paramana
	3.00pm	Angels vs CP Rebels
	4.00pm	Imuty Lele vs PNGBC

Division Three - Court Four	1.00pm	Mase vs Warumana
	2.00pm	Pelagai vs Luvori
	3.00pm	Karaimi vs BB Kings
	4.00pm	Telstars vs TST Kempa

Division Four - Court Five	1.00pm	PNGBC Kirovs vs Nabuaton
	2.00pm	Mase vs Aroma Coast
	3.00pm	Poinimo vs Gavuone
	4.00pm	Kereibua vs Paramana

Division Five - Court Six	1.00pm	Aroma Coast vs Poinimo
	2.00pm	Rural Bank vs Waigani Tyres
	3.00pm	Luvori vs Hall Sound
	4.00pm	Angels vs Rakaone

Division Six - Court Seven	12.00pm	Hisiu vs Aroma Coast
	1.00pm	Abore Warriors vs Sogeri
	2.00pm	Warumana vs Imuty Lele
	3.00pm	Waigani Tyres vs Toba Souths
	4.00pm	Coke Warriors vs Sea Gulls

Division One - Court two	11.00pm	Rebels vs Rakaone
	12.30pm	Chevron vs Sparrows
	2.00pm	Telstars vs Mermaids
	3.30pm	TST Kempa vs BB Kings

Division Two - Court Three	1.00pm	Imuty Lele vs TST Kempa
	2.00pm	CP Sparrows vs PNGBC Kirovs
	3.00pm	Paramana vs P. Rebels
	4.00pm	Angels vs Mermaids

Division Three - Court Four	1.00pm	BB Kings vs Luvori
	2.00pm	Mase vs Telstars
	3.00pm	TST Kempa vs Pelagai

4.00pm	Kawaiaui vs Warumana
--------	----------------------

Division Four - Court Five	1.00pm	Poinimo vs Aroma Coast
	3.00pm	PNGBC Kirovs vs Kereibua
	2.00pm	Mase vs Paramana
	4.00pm	Gavuone vs Nabuaton

Division Five - Court Six	2.00pm	Rural Bank vs Aroma Coast
	1.00pm	Rakaone vs Waigani Tyres
	3.00pm	Angels vs Halls Sound
	4.00pm	Luvori vs Poinimo

Division Six - Court Seven	2.00pm	Waigani Tyres vs Aroma Coast
	1.00pm	Hisiu vs Coke Warriors
	2.00pm	Warumana vs Toba Souths
	3.00pm	Imuty Lele vs Sogeri
	4.00pm	Abore Warriors vs Sea Gulls

New Britain Palm Oil Limited Soccer Association

Draws 29 Julai 2001

Mosa field # 1	Womens	Bebere Vs Medics
	Mens	Kumbango P1tn2 Vs Medics
	Mens	Mosa Mill Vs Admin
	Mens	Dami Vs Smallholders

Mosa Field # 2	Womens	Dami Vs Mosa Mill
	Womens	Transport Vs Admin
	Mens	Stores Vs Golf
	Mens	Kumbango 2 Vs Construction

Kumbango Field	Womens	Kumbango Mill Vs Smallholders
	Men	Crusher Vs Bebere
	Men	Kernel Mill Vs Kumbango Mill

Results 22/07/01

Mosa Field # 1	Women's	Mosa Mill 0 - Transport 0
	Mens	Kernel Mill 2 - Admin 1
	Mens	Stores 3 - Bebere 1
	Mens	Transport 2 - Medics 0

Mosa Field # 2	Women's	Admin 2 - Smallholders 0
	Women's	Dami 0 - Bebere 2
	Men	Dami 6 - Golf 0
	Mens	Crusher 1 - Mosa Mill 5

Kumbango Field	Women's	Kumbango Mill 0 - Medics 1
	Mens	Togulo 0 - Construction 2
	Mens	Kumbango P1tn2 0 - Smallholders 3
	Mens	Kumbango P1tn1 0 - Kumbango Mill 2

Mosa Field # 1	Mens	Admin Forfeit Crusher
	Womens	Medics 1 - Smallholders 1
	Womens	Mosa Mill 1 - Bebere 0
	Mens	Stores 2 - Smallholders 2
	Mens	Dami 3 - Medics 2
	Mens	Mosa Mill 1 - Kumbango Mill 0

Mosa Field # 2	Mens	Bebere Forfeit Golf
	Womens	Kumbango Mill 2 - Transport 2
	Womens	Dami 0 - Admin 0
	Mens	Kernel Mill 1 - Construction 1
	Mens	Kumbango P1tn2 0 - Kumbango P1tn1 1
	Mens	Transport 2 - Togulo 0

PORT MORESBY SCHOOLS SOCCER ASSOCIATION

Saturday, July 28, 2001

Week 15

Under 7 - Oval 8	08.00-08.40	Boroko East-A vs St Josephs
	08.40-09.20	Boroko PS vs Gordons IEA
	09.20-10.00	Ela Beach vs Murray IEA
	10.00-10.40	Bava IEA vs Boroko East-B

Under 8 - Oval 3	08.00-08.40	Murray IEA vs Boroko PS
	08.40-09.20	Boroko East IEA vs St Josephs
	09.20-10.00	Ela Beach IEA vs Nobilette
	10.00-10.40	Boroko East IEA vs Gordons IEA

Under 9 - Oval 4	08.00-8.40	Murray IEA vs Sacred Heart
	08.40-9.20	Boroko East IEA vs Gordons IEA B
	09.20-10.00	Ela Beach IEA vs Nobilette
	10.00-10.40	St Josephs vs Gordons IEA A
	10.40-11.20	Bambi vs Korobosea IEA

Under 10 - Oval 10m/s	08.00-08.40	Murray IEA A vs Nobilette
	08.50-09.35	Gordons IEA vs Sacred Heart b
	09.40-10.25	Korobosea IEA vs Murray IEA B
	10.30-11.15	St Peters Channel vs Sacred Heart A
	11.20-12.00	St Josephs vs Ela Beach IEA

Under 11 - Oval 9m/s	08.00-08.40	Murray IEA vs Korobosea IEA B
	08.45-09.30	Sacred Heart vs St Theresa
	09.35-10.20	Gordons IEA vs Ela Beach IEA
	10.25-11.10	Nobilette vs Korobosea IEA A
	11.15-12.00	St Josephs vs Bambi

Under 12A - Oval 6	08.00-08.50	Korobosea IEA vs Bambi
	08.50-09.20	Waigani Primary vs St Josephs

09.30-10.15	Murray IEA vs St.Peters Channel
10.20-11.00	Sevese Morea vs Gordons IEA
	Under 12B - Oval 6
11.00-11.45	Butka vs Wardstrip
11.50-12.20	Ela Beach vs St Theresa
	Bye School of Excellence

	Under 13A & B




• Straika bilong Bara Edna Thomas i hetim bal insait long semi final bilong PNGFA klab sempionsip egensim Telikom. Telikom win 5-0. (Aninit) Namba 7 bilong Difens autim bal long lain-aut egensim Wanderers long Pom yunion resis. Difens i wilwilim ol stret 63-3 las Sarere.



• Dispela em win-paip takol ya. Pilaia bilong Pot Mosbi Vipers nekim stret pilaia Waghi Tumble long SP Kap resis. Tumble i semim ol boi Mosbi taim ol i win 14-10.

Ol spot poto long wiken



• Susa noken lap. Taim bilong pilai ya. Goldifenda bilong Telstars i no was-gut na pilaia bilong Rakaone i rausim bal long netbal resis bilong Pot Mosbi.



• Ragbi yunion resis long Mosbi. Ol poto: JOE IVAHARIA.

Lukluk bek long 2001 PNGFA Wimens Klab sempionsip



• Presiden bilong PNGFA Madiu Andrew i sekhan wantaim ol meri Telikom taim em i opim 2001 PNGFA wimens klap sempionsip long Pot Mosbi. (Aninit) Ol susa long Nadzab nogut o? Ol i kam traim tasol, samt-ing tru bilong yupela ol siti lain.

Ol poto: JOE IVAHARIA.



• Liklik Florence Sami i wetim taim bilong sekhan wantaim Presiden Madiu wantaim aunty Ruby Kens. Sami em kandre meri bilong biknem straika Daino Sami. Mama bilong Florence, Monista Sami em kepten bilong Guria na save pilai fulbek. (Aninit lephan) Kepten bilong Telikom Julie Alau (7) i trikim fulbek bilong KYG long namba wan gem bilong 2001 PNGFA wimens klap sempionsip. Telikom i win 6-1. (Aninit raithan) Ol meri Elcom bilong Lahi long Morobe. Ol i kisim blek-aut na i no laki tumas. Ol susa traim gen neks yia.



Guria daunim Enga Mioks

SP CUP RIPOT

ONIAS MANO i raitim

RABAUl Guria i

kamapim wanpela gut-pela gem long daunim pawa bilong Simbu Warriors long namba 9 raun bilong SP Cup resis long Kimbe. Guria i autim stret tiket bilong ol boi Simbu 28-8.

Dispela win bilong Guria nau i roketim ol i go sindaun long namba wan ples. Goroka Lahanis husat i holim dispela posisen i kamdaun long namba tu ples taim ol i lus long

Enga Mioks 32-12. Mioks nau i kisim namba tu ples long poin lata bilong SP Cup resis. Win bilong Guria egensim Warriors em i namba 8 olgeta. Ol i no

lus liklik long wanpela gem ya. Bihain long las wiken, Guria i go pas wantaim 16 poin, Mioks 14, Lahanis 14, Vipers 9, Muruks 9, Bombers 8, Tumble 6 na Warriors 4.

Ol boi Rabaul i pilai wankein stail tasol. Ol i pilai strong na dispela taim ol fowat bilong Guria isi tru long painim hul long difens bilong Warriors.

Dispela tupela trai bilong Tonga na Purkikil i surikim skoa bilong ol i go antap long 16-2. Insait long namba tu hap, gem i wok long kamap strong tru. Warriors i traim olgeta strong na save long brukim difens tasol Guria i blokim olgeta rot. Ol boi Simbu i putim wanpela trai tasol.

Warriors i gat ol gut-pela pilaia. Ol i pilai strong tru tasol ol i painim hat tru long brukim difens bilong Guria. Ol i mekim nais tasol difens i sanap strong tru na winim dispela gem.

Ol boi Simbu i gat strongpela fowat tasol beklain bilong ol i slek liklik. Ol beklain i no inap stapim bikpela fowat bilong Guria long go putim trai.

Randal Kaupa bilong Kundiaa Warriors i kikim wanpela penalti kik na ol i go pas long skoa 2-0.

Ol Warriors i pilai long eria bilong ol yet long wanem planti taim ol i no save holim gut bal na i mekim ol lain i hat tru.

Planti taim ol i go pilai long eria bilong Guria tasol ol i no skorim trai. Tasol taim Guria i kisim sans ol i stat long tromoi bal i go i kam na ol i putim tupela trai. Insait long namba wan hap, Oscar Tonga na Chris Purkikil i putim trai.

Ol lain i pilai gut long Guria em Komb Rumin, Michael Marum, Mapua Tamtu na Giamuki Tau i kisim sans long putim trai tu ya.

Kosa bilong Simbu Warriors John Yegiora i no amamas tumas long skoa na i tokaut olsem ol bai tren moa long traim holim gut bal long taim bilong takol na tu no ken mekim planti asua tumas.

"Sapos mipela i stretim dispela tupela eria, ating mipela i ken gat sans long skorim moa sampela poin." Yegiora i tok.

Tupela las trai bilong Guria i kam long Channel Akuila na Normyle Eremas. Eremas i lapun na i gat strong long wokim stail na tu kikim ol poin bilong Rabaul Guria long SP Cup kompetisen.




• Namba tu siaman bilong PNGRFL Jim Robins (lephan) i kisim sek long boss bilong SP Brewery Hein van Dort husat i bai sponsarim dispela gem namel long PNG Kumuls an Australian Kangaroo.

PAINIM BAL RESIS NAMBA 6

Winim K100

RUL BILONG PILAI:

1. Makim X long boks long poto yu ting bal i stap.
2. Makim X long pen tasol
3. Katim poto long sisos na salim long: PAINIM BAL RESIS NAMBA 6, Wantok Niuspepa, P.O. Box 1982, Boroko, NCD.
4. Nambawan entri i makim stretpela hap bal i stap, em bai win.
5. Las de bilong kisim ol entri em Fonde 26 Julai, 2001.
6. Long Wantok bilong Fonde Ogas 2, bai gat nupela K100 prais mani resis. Bai gat resis bilong olgeta mun i go inap mun Desemba, 2001.
7. Disisen bilong komiti i makim wanpela wina em i fainel.
8. Wina bai kisim sek mani, na i no long kes.
9. Sapos nogat wina bai skruim wina mani i go antap long nupela resis.
10. Ol meri pikinini o famili bilong ol wokman meri bilong Wantok i no inap stap insait long dispela resis.



9. Raitim nem na adres bilong yu: **Nem**..... **Address**.....
..... **Krismas**.....
10. Yu ken salim moa long wanpela entri, tasol no ken yusim poto kopi.
11. Ol famili o pikinini bilong ol wokman meri bilong Wantok i no inap stap insait long dispela resis.

SP sponsarim Tes gem

SOUTH Pacific Brewery i kamap olsem bikpela sponsa bilong ragbi lig Tes namel long PNG Kumuls na Australia Kangaroo long Oktoba 7.

Long sapotim tingting bilong kampani, SP i givim K35,000 i go long PNG Ragbi Futbal Lig (PNGRFL).

Dispela gem long Oktoba bai kamap olsem SP Brewery 50th Anniverseri Tes, namba tu siaman bilong PNGRFL Jim Robin i tok olsem.

Jenerel Menesa bilong SP Brewari Hein Van Dort i tokaut olsem dispela sponsasip em i nap long K35,000 na bai kisim sampela sapot long advetais long redio na ol niuspepa insait long kantri.

"SP Brewari i givim planti helpim long sapotim ragbi lig insait long kantri. Wanpela bikpela kaikai bilong dispela helpim nau em SP

Cup kompetisen we i ran inap 11-pela krismas nau.

"Mipela (SP Brewari) i go pas long luksave long ol spotman na spotmeri bilong dispela kantri long kain awot "SP Awot" we i helpim planti ol pilaia olsem Naluge Guy (skwas) na Stanley Nandex (kik-boksing) i kamap pilai long Wol tonamen."

"Mipela i givim planti helpim tru olsem long wanwan tim na tu wanwan spot long pilai insait long ol intanesenel tonamen olsem Saut Pasifik Gems, the Arafura Gems na tu Olimpik Gem," Van Dort i tok.

Mista Robin i tok dispela helpim bilong SP Brewari em bikpela samting tru na ol i kisim neming rait. Neming rait olsem ol i baim dispela bikpela Tes Gem namel long Kumuls na Kangaroo.

Tumbe bagarapim Vipers

SP CUP RIPOT

PEKU PILIMBO i raitim

WAGHI Tumbe i bagarapim tru sindaun bilong Pot Mosbi Vipers 14-10 long namba 9 raun bilong SP Cup resis long Lloyd Robson oval.

Planti man o sapota i ting em i isi gem bilong Vipers. Tasol ol i guria stret taim Tumbe i tanim plet na nekim ol wansait.

Dispela win i apim tru tim spirit bilong ol boi

Waghi Valley. Ol boi Tumbe i kamapim strongpela gem olsem na ol i win.

Win bilong Tumbe i bikpela samting stret long wanem em i namba wan taim bilong ol long winim Vipers.

Long raun tri, Vipers i nekim Tumbe 26-14 tasol dispela wik long las wik Sande em dinau stret ya. Ol i bekim na mekim save long ol siti mangi.

I luk olsem Vipers i luk daun long Tumbe olsem na ol i lus. Vipers i mas mekim sampela jenis sapos ol i laik win.

Kosa Richard Wagambie i mas

rasum hapbek Godfrey Luke husat i wok long ran sait-we na i no kamapim sampela kain stail long trikrim birua bilong em.

Long bigin bilong yia, Waghi Tumbe i painim hat long sponsa. Na dispela em wanpela samting i givim hat taim tru ya.

Tupela wik i go pinis, ol i winim Lae Bombers long Madang na nau ol i nekim Pot Mosbi Vipers.

Pot Mosbi Vipers inap long levelim skoa taim Dai Tukumbi i takolim winger Lazarus Catezan autsait long trai lain.



• Fulbek bilong Telikom Patricia Siwin i rausim bal long straika bilong KYG. Telikom i win 6-1.

Telecom winim PNGFA klab taitel

HENRY MORABANG i raitim

DIFENDING wimen sempion Telecom bilong Pot Mosbi i winim PNGFA klab soka taitel taim em i autim ANZ University 2-0 long gren fainel long las wiken long Bisini Soka graun.

Dispela win bilong Telecom i kamap namba foa taitel olgeta. Ol i go pilai long fainel bihain long ol i winim Bara bilong LFA 5-0. Na University i kisim spot taim ol i nekim Guria bilong Lahi 2-0.

Telecom i winim olgeta gem bilong ol dispela tripela de soka tonamen. Ol i winim KYG 6-1, Nadzab 7-0, Guria 3-0 na long semi fainel ol i autim Bara 5-0. Na ANZ University i dro wantaim Defence (POM) 1-1, winim Elcom (Lahi) 4-0 na dro wantaim Bara 0-0.

Ol i winim Guria long semi fainel 2-0 long pilai long gren fainel.

Guria wantaim Bara i pait long namba tri na foa ples na Guria i win long penalti 5-4.

Ol meri KYG bilong Wabag i soim olsem ol i ken pilai soka na bihainim rul bilong soka na kisim FIFA Fair Play awot.

Match Comissioner Peter Mommers i givim 221 poin long ol meri Wabag na ol i winim taitel.

Dispela Rememberance De soka tonamen i pulim 8-pela tim olgeta long tripela senta. Foapela tim i kam long Lae, tripela long Pot Mosbi na Wanpela i kam long Wabag soka aosiesen long Enga.

Gem namel long Telecom na University i strong tru. Olsem na long namba wan hap bilong pilai, i nogat wanpela skoa i kamap.

Tasol long haptaim, kosa bilong Telecom Pheobe Rarabun i mekim sampela

.... em i namba foa yia olgeta

strongpela toktok long ol pilai bilong em.

Na long namba tu hap, intanesenel straika bilong Telecom Nellie Taman i no westim taim, em i pairapim umben bilong University 1-0. Ol i pilai i go liklik na Margaret Aka i sutim narapela gol gem.

Taman na Aka i wok long kamapim gutpela poroman long straika posisen olsem na ol i winim dispela gem.

Telecom i win long wanem ol i pilai olsem tim. Ol pilai i save sapotim ol yet na dispela i mekim ol University meri i raun raun na sotwin olsem ol karua long solwara o wara.

Long midfil kepten Julie Alau wantaim Tabita Suwae i lukautim gut gem. Na long beklina Katherine Alau na kassen bilong em Judith Sauto wantaim Patricia Siwin i strong moa long winim gem.

Winga Maggie Taligatus na Frederica tu i helpim tim na ol straika i win.

Na long sait bilong University, midfil bilong ol i no strong tumas. Cathy Davani Serah Gewambing i wok ovataim na i no kisim gutpela sapot. Ol straika i no sapotim midfil na dispela i mekim ol beklain i hat wok tru.

Tripela pilai bilong University i strong long beklain em Lisi Iaitia, Vivian Norrie na Charlyne Lawton. Dispela meri Enga Lawton i mas stap fulbek bilong PMSA tim o nesanel tim sapos i gat wanpela long wanem em i soim tru em i namba wan fulbek.

Narapela pilai husat i pilai gut em Yangtim Wagum.

Bikpela amamas long PMSA

2001 PNGFA Wimen Klab soka sempionsip bai kamap olsem wanpela gutpela memori bilong planti soka man na meri. Bikpela tru em ol tim husat i stap insait long dispela tonamen.

Patron bilong PMSA Benny Popoitai i tenkim olgeta senta long salim tim i kam long Pot Mosbi. Em i tru, pe bilong balus i dia tumas, tasol soka i strong moa na ol tim i kam pilai.

Popoitai i mekim bikpela tok amamas i go long KYG tim bilong Wabag. Maski ol i stap long bus tru, ol i painim rot na baim balus na kam pilai. Ol i no winim gem, tasol ol i winim bikpela na namba wan tropi bilong FIFA, Fair Play Awot.

Em i tok olsem KYG em i soim gutpela

piksa long ol arapela provins tim. Sapos yu gat tingting long resis long kain soka salens orait, pilai strong na winim taitel long lokal kompetisen.

Patron tu amamas long Nadzab tim. Dispela em wanpela viles tim long Morobe tasol i save kik insait long Lae Futbol Asosiesen (LFA) kik resis. Popoitai i tok em gutpela piksa bilong viles tim.

Ol i laik stap insait long kain resis, ol i mas stretim ol yet na pilai long taun kompetisen husat i afiliat long PNGFA. Em i namba wan taim wanpela viles tim i resis long nesanel soka kompetisen.

Mista Popoitai i askim PNGFA sapos ol i ken lukiuk strong long bringim moa soka tonamen i kam long

Pot Mosbi long wanem PMSA i gat gutpela ples pilai na ol samting long lukautim tim.

Presiden bilong PMSA Fabian Chow i sapotim Popoitai na askim PNGFA long lukluk long holim moa nesanel tonamen long Pot Mosbi.

• Insait long arapela soka stori, PNGFA bai holim Hailens Rijonel Soka sempionsip bilong em long Wabag. Dispela sempionsip bai kamap long mun Septemba long Independens wiken.

Presiden bilong Enga Spots Federesen Peter Mommers i askim olgeta senta long hailens rijen long salim wanpela tim bilong man na meri. Olgeta gem bai kamap long Mommers oval.

Wollom givim K50,000 Bisini soka projek

HENRY MORABANG i raitim

MENESING Dairekta bilong Alert Security Casper Wollom i givim K50,000 long Bisini Soka Stadium projek we Pot Mosbi Soka Asosiesen i pas long en.

Dispela projek em wanpela bikpela developmen nupela presiden bilong Pot Mosbi Soka Fabian Chow i tingting long mekim.

Chow husat i kisim wok presiden 7-pela mun i go pinis i mekim planti wok pinis na tenis long Bisini soka graun.

Mista Wollom i tokaut long dispela mani long bikpela pati long Airway Motel tasol i givim sek long taim bilong gren fainel namel long Telecom na ANZ University.

Em i tok olsem "Mi sapota belong olgeta spot. Kampani bilong mi sponsorim ragbi lig. Nau mipela lukim olsem soka i gat nid long wanpela sponsa na mipela amamas na step in na givim dispela sponsorisip long strongim soka."

Patron bilong PMSA Benny Popoitai i mekim bikpela tok amamas i go long Mista Wollom long helpim bilong em. Em i tok soka long Pot Mosbi i save kisim planti helpim bipo na i gutpela long lukim kain helpim i wok long kamap nau.

Popoitai em i namba tu siaman bilong Bisini Soka Stadium projek. Siaman em Jamie Maxton-Graham bilong Eda Ranu.

Mista Maxton-Graham i tokaut long Fraide olsem em i bilip

olsem soka i ken kamapim wanpela wol sempion tim.

Em i tok "Mi wanpela strongpela sapota bilong Papua Niugini. Mipela i ken kamap wol sempion na mi bilip olsem soka em wanpela spot i ken go pas long kamapim wol sempion.

Presiden Fabian Chow tu i tok PMSA i wok long kisim gutpela helpim pinis. Orogen School Soka long Pot Mosbi i wok long saplaim planti ol pilai i go long kompetisen na dispela i gutpela tru.

Bipo ol tim olsem Rapatona na University tasol i save winim taitel. Tasol nau ol tim olsem Babaka na Cosmos i wok long kamap gut tru ya.

Mista Chow i tok tenk yu tu i go long Kina Finance na Posman Kua Aisa

Lawyers long sponsorim pri-sisen na tu bai lukautim Charity Cup long mun Septemba 1-2.

Presiden bilong PNGFA Madiu Andrew i amamas tru long sponsorisip bilong Casper Wollom i go long PMSA. Em i tok em i namba wan taim wanpela kampani o bisnis i givim bikpela sponsorisip long soka.

Em i tok soka em wanpela spot we i save kamap we olgeta man na meri i laikim. Olsem na gutpela long lukim kain sapot olsem.

Sekretari bilong Madiu, Ivan Ngahan i tokaut olsem em i amamas long lukim PMSA i go pas long painim sponsa. Em i amamas long wanem PMSA i no strong long PNGFA tasol o Osenia Futbol Konfederesen long helpim.

WANTOK SPOTS

SP Cup em bilong PNGRFL: Barnanga

OPERESEN Menesa bilong SP Cup kompetisen Peter Barnanga i askim ol SP Cup tim long toktok wantaim opis bilong em sapos ol i painim hevi.

Mista Barnanga i autim dispela toktok bihain long Goroka Lahanis i autim toktok long niuspepa na sutim tok PNGRFL na SP Cup Menesemen Komiti i no bihainim gut dro bilong holim ol gem.

Em i tok wanem ol hevi wanwan lig i gat wantaim SP Cup tim bilong ol, em samting bilong ol. Na wanem hevi SP Cup tim i bungim, ol i mas toktok wantaim em o PNGRFL long stretim.

Mista Barnanga i laik askim ol ragbi lig asosiesen olsem SP Cup tim olsem Lahanis, Muruks na Vipers em samting bilong nesenel bodi.

Em i askim presiden bilong Goroka Ragbi Lig Pat Siwi long bihainim rot long stretim hevi na noken kamap long redio o niuspepa.

Las wik, Mista Siwi na Gems Riview Komiti bilong em i mekim tok pret olsem ol bai rausim olgeta pilaia long Lahanis tim na Lahanis menesmen i ken painim ol pilaia bilong ol yet long resis long SP Cup.

Dispela tok pret bilong Mista Siwi i bihain bikpela pait i kamap namel long Goroka Lahanis na Rabaul Guria we tripela pilaia bilong Lahanis i kisim bagarap long en. Ol pilaia em Steven Sike, Fatty Buka, Tai Onise na George Abba.

Mista Barnanga i tok Goroka Ragbi Lig i no gat rait long toktok long Goroka Lahanis tim. Lahanis tim i gat Bot na menesmen long stretim toktok. Sapos ol i gat toktok orait ol i mas lukim PNGRFL opis long Goroka o Operesen Opis long Pot Mosbi.

Em i tok nau yet em i pilim olsem Goroka Ragbi Lig na Goroka Lahanis i mas gat sampela hevi namel long ol. Ol i no laik stretim na sutim tok i go long PNGRFL na SP Cup komiti.

Mista Barnanga i tok Goroka Lig na Lahanis i noken sutim toktok long senisim ples bilong pilai. Lae Bombers na Goroka Lahanis sapos long pilai long Madang long raun tri tasol Madang Ragbi Lig oval i no

redi na ol i pilai long Goroka.

Em i tok taim tenis i kamap nogat wanpela toktok i kamap. Na watpo ol i toktok planti taim Enga Mioks na Goroka Lahanis i go pilai long Kimbe.

Kimbe i stap long dro bilong SP

Cup na ol opisel bilong Goroka Ragbi Lig i noken paulim toktok long kirapim kain hevi.

Operesen menesa i tok em i save toktok olgeta taim wantaim tim menesa Paul Morris bilong Goroka Lahanis, na em i no kisim sampela

toktok i karamapim dispela hevi ya.

Na long toktok bilong kompens-esen, Mista Barnanga i tok i gat rot bilong stretim dispela hevi. Ol i mas salim pas i go long PNGRFL Judiseri Komiti long skelim dispela hevi.



Kung Fu o soka! • Kain stail bilong kepten bilong Telecom bilong Pot Mosbi, Julie Alau taim em i salensim pilaia bilong KYG bilong Wabag long PNGFA klab sempionsip long Pot Mosbi long wiken. Telecom win 6-1. *Poto: Joe Ivaharia*

Solomon Islands
Honiara
tonamen

PAPUA NIUGINI Futbol Asosiesen (PNGFA) bai salim wanpela wimens tim long stap insait long Tri-Nation Soka salens long mun Oktoba. Dispela soka resis bai kamap long Honiara long amamasim nupela Lawson Tama stedium.

Tri-Nation Salens em soka resis we tripela kantri Papua Niugini, Solomon Ailan na Vanuatu i wanbel long traimevelopim na strongim soka insait long rijen.

Presiden bilong tripela kantri, Madiu Andrew (PNG), Adrian Wickham (Solomon Ailan) na Johnny Tinsley-Lulu (Vanuatu) i wanbel long dispela tonamen.

Presiden bilong PNGFA Madiu Andrew i tokaut long dispela tonamen bihain taim em i pasim bikpela PNGFA Wimen klab sempionsip long Mande. Tupela tim bilong Pot Mosbi, Telecom na ANZ University i pilai long fainel, na Telecom i win 2-0.

Em i tokaut olsem planti bilong ol meri insait long sempionsip i gat sans sapos ol i pilai strong na makim provins bilong ol.

Sekretari Jenerel bilong PNGFA Ivan Ngahan i tokim Wantok Nius olsem namba wan taim ol presiden i wanbel olsem man tasol bai resis. Tasol nau ol i senis na larim ol meri long kik.

Dispela tonamen we inap kamap long las mun tasol ol i surikim long wanem ol opisel bilong PNGFA na tu Solomon Ailan i go FIFA Congress long Argentina we ol i harim toktok bilong Gol Projek.

Enjoy Coca-Cola at the right price

The Coca-Cola company want you to purchase your Coca-Cola at the RIGHT PRICE.

You can pick up an icy cold Coca-Cola 355ml can for just K1.10 or 500ml bottle for K1.30.

And you can also grab a 1litre Coca-Cola for K2.00.

Enjoy Coca-Cola and pay no more than the recommended retail price.

Prices apply to other refreshing flavours including Schweppes, Sprite, Fanta, & Diet Coke.



Coca-Cola Amatil (PNG) Ltd.

COCA-COLA, DIET COKE, FANTA, SPRITE, SCHWEPES AND enjoy AND THE CONTOUR BOTTLE DESIGN ARE REGISTERED TRADE MARKS OF THE COCA-COLA COMPANY.

K1.10

K1.30

Wantok

Digitized version made available by



Copyright: Under copyright

Rights Holder: Word Publishing Company Limited

Use: This digital version is made available from the UC San Diego Library under a license granted by the Word Publishing Company Limited. This digital copy of the work is intended to support research, teaching, and private study.

Constraints: This work may be protected by copyright law. Use of this work beyond that allowed by the applicable copyright statute requires the written permission of the copyright holder(s). Responsibility for obtaining permissions for any use and distribution of this work rests exclusively with the user and not the UC San Diego Library. Inquiries can be made to the UC San Diego Library program having custody of the work.

Note on digitized version: Some of the digital versions presented here reflects the quality and contents of the microfiche. Problems which have been identified include misfiled or out-of-order pages, illegible text; these problems have been rectified whenever possible.